

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S ŠESNAESTE SJEDNICE GRADSKOG VIJEĆA TUZLA ODRŽANE 28.
JUNA 2022. GODINE U POSLOVNOM OBJEKTU „GRAFIČAR“ S POČETKOM U
10 SATI**

- SJEDNICI PRISUSTVUJE 30 VIJEĆNIKA

U Tuzli, juni 2022. godine

NATAŠA PERIĆ – predsjedavajući Gradskog vijeća Tuzla

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 16. redovnu sjednicu Gradskog vijeća.

Konstatujem, da prema evidenciji Stručne službe Gradskog vijeća, sjednici prisustvuje 29 vijećnika.

Za današnju sjednicu svoj izostanak je najavio vijećnik Aleksandar Vujadinović, dok je svoje kašnjenje najavio vijećnik Senad mehmedinović i predlažem da opravdamo obadvojici.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram, sa 15. redovne sjednice Gradskog vijeća Tuzla, održane 30. 05. 2022. godine.

Da li ima primjedbi na Zapisnik sa 15. redovne sjednice?

Ukoliko ne stavljam na izjašnjavanje Zapisnik sa 15. redovne sjednice Gradskog vijeća Tuzla. Molim? Glasanje je okončano.

Konstatujem da je Zapisnik sa 15. redovne sjednice Gradskog vijeća Tuzla, održane 30. 05. 2022., usvojen sa,

28 glasova za, nije bilo protiv i 1 suzdržan.

Za današnju 16. redovnu sjednicu Gradskog vijeća predlažem dnevni red koji ste dobili. Stavljam na izjašnjavanje dnevni red. Glasanje je okončano.

Konstatujem da je dnevni red u cjelini, usvojen sa, 28 glasova za, nije bilo protiv i nije bilo suzdržanih.

D N E V N I R E D

- Usvajanje skraćene verzije Zapisnika sa 15. redovne sjednice Gradskog vijeća Tuzla, održane 30. 05. 2022. godine

1. VIJEĆNIČKA PITANJA I INICIJATIVE

2. RAZMATRANJE I USVAJANJE:

a) ODLUKE O IZBORU NAJPOVOLJNIJEG PONUĐAČA ZA DAVANJE U ZAKUP POSLOVNE PROSTORIJE U ULICI II TUZLANSKE BRIGADE BROJ 17

b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM „PLANIK-A-FLEX“ d.o.o. SARAJEVO

c) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM „TEP-LIGHT“ d.o.o. TUZLA

d) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM JKP „KOMEMORATIVNI CENTAR“ d.o.o. TUZLA

3. RAZMATRANJE I USVAJANJE ODLUKE O DAVANJU PREDHODNE SAGLASNOSTI NADZORNOM ODBORU JKP „SAOBRAĆAJ I KOMUNIKACIJE“ D.O.O. TUZLA ZA IMENOVANJE DIREKTORA DRUŠTVA

4. RAZMATRANJE I USVAJANJE:

a) RJEŠENJE O PRESTANKU MANDATA PREDSJEDNIKU UPRAVNOG ODBORA JZU GRADSKA APOTEKE TUZLA

b) ODLUKA O RASPISIVANJU JAVNOG OGLASA ZA IZBOR I IMENOVANJE PREDSJEDNIKA UPRAVNOG ODBORA JZU GRADSKA APOTEKE TUZLA, ČIJI JE OSNIVAČ GRAD TUZLA (sa tekstom javnog oglasa)

c) ODLUKA O UTVRĐIVANJU POSEBNIH USLOVA I KRITERJA ZA IZBOR I IMENOVANJE PREDsjedNIKA UPRAVNOG ODBORA JZU GRADSKE APOTEKE TUZLA, ČIJI JE OSNIVAČ GRAD TUZLA

d) RJEŠENJE O IMENOVANJU KOMISIJE ZA IZBOR PREDsjedNIKA UPRAVNOG ODBORA JZU GRADSKE APOTEKE TUZLA, ČIJI JE OSNIVAČ GRAD TUZLA

e) RJEŠENJE O PRIVREMENOM IMENOVANJU PREDsjedNIKA UPRAVNOG ODBORA JZU GRADSKE APOTEKE TUZLA

5. RAZMATRANJE I USVAJANJE ODLUKE O IZMJENAMA GRANICA KATAstarskih OPŠTINA BUKINJE, HUSINO I PLANE U GRADU TUZLI

6. RAZMATRANJE I USVAJANJE ODLUKE O IZBORU NAJPOVOLJNIJIH PONUĐAČA I DAVANJU SAGLASNOSTI ZA ZAKLJUČENJE UGOVORA O OSNIVANJU PRAVA GRAĐENJA NA NEKRETNINAMA U VLASNIŠTVU GRADA TUZLE

7. RAZMATRANJE I USVAJANJE:

a) ODLUKE O PRODAJI NEKRETNINE U VLASNIŠTVU GRADA TUZLE NEPOSREDNOM POGODBOM RADI IZGRADNJE POSLOVNOG OBJEKTA LAMELA „B“ U ULICI TURALIBEGOVA U TUZLI

b) RJEŠENJA O IMENOVANJU KOMISIJE ZA PROVOĐENJE POSTUPKA PREGOVARANJA ZA PRODAJU NEKRETNINE U VLASNIŠTVU GRADA TUZLE NEPOSREDNOM POGODBOM RADI IZGRADNJE POSLOVNOG OBJEKTA LAMELA „B“ U ULICI TURALIBEGOVA U TUZLI

8. RAZMATRANJE I USVAJANJE IMOVINSKO – PRAVNIH AKATA

a) Zaključak o odbacivanju, kao nepotpunog, zahtjeva pravnog lica „Gazije“ d.o.o. Tuzla, za otkup suvlasničkog udjela Grada Tuzle u nekretninama označenim kao k.č broj 703/4, KO Bukinje

9. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2021. GODINU

a) JP RTV 7 d.o.o. Tuzla

b) JKP „Komunalac“ d.o.o. Tuzla

c) JKP „Pannonica“ d.o.o. Tuzla

d) JKP Saobraćaj i komunikacije d.o.o. Tuzla

e) JP SKPC „Mejdan“ d.o.o. Tuzla

f) JP BIT Centar d.o.o. Tuzla

10. RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2021. GODINU

a) JU Centar za socijalni rad Tuzla

b) JU Narodna i univerzitetska biblioteka „Derviš Sušić“ Tuzla

11. RAZMATRANJE IZVJEŠTAJA KOMISIJE ZA IZBOR I IMENOVANJA

12. TEKUĆA PITANJA

a) Obavještenje Službe za kulturu, sport, mlade i socijalnu zaštitu o razlozima prolongiranja izrade Akcionog plana za Rome 2022-2025. godine.

Prelazimo na realizaciju Dnevnog reda.

VIJEĆNIČKA PITANJA I INICIJATIVE

Prvo VIJEĆNIČKO PITANJE vijećnica Selma Čatibušić ispred Platforme za progres. Izvolite.

SELMA ĆATIBUŠIĆ – vijećnik Platforme za progres

Samo momenat. Evo ovako. Imam dva vijećnička pitanja. Jedno sam priložila, a jedno ću usmeno.

Na osnovu člana 91. Poslovnika o radu Gradskog vijeća, upućujem vijećničko pitanje:

- Da se vrši inspekcijski nadzor i provjera da li u Domu zdravlja postoji navedeniginekološki sto prilagođen osobama sa invaliditetom, da li je isti smješten u prizemlje da bi bio dostupan osobama sa invaliditetom i da li je uopšte u funkciji?

Ovo vijećničko pitanje ovaj put upućujem Kantonalnoj upravi za inspekcijske poslove Infektoratu za zdravstvo i hranu i glavnom kantonalnom inspektoratu.

Dруго vijećničko pitanje odnosi se na ulicu Borić gdje mi je usvojena inicijativa za asfaltiranje navedne ulice.

– Znam da su građani uplatili svoj iznos, pa eto voljela bih da mi Služba odgovori da li je uplaćen cjelokupan potreban iznos i kada je planirano asfaltiranje te ulice, da li će se desiti do kraja tekuće godine? Hvala.

NATAŠA PERIĆ

U redu hvala. Sljedeće vijećničko pitanje. Vijećnik Admir Hasanbašić ispred Tuzlanske alternative.

ADMIR HASANBAŠIĆ – vijećnik Tuzlanske alternative

Poštovana predsjedavajuća, uvaženi gosti, drage kolege i kolegice sve vas srdačno pozdravljam i želim nam ugodan rad na današnjoj sjednici.

Za danas sam pripremio jedno vijećničko pitanje a ono glasi:

- Kada se planira uključivanje semafora na raskrsnici u Rudarskoj ulici?

Obrazloženje prilažem.

NATAŠA PERIĆ

Dobro. Hvala. Sljedeće vijećničko pitanje, odnosno pitanja. Vijećnik Admir Čavalić. Izvolite. Nije tu. Dobro. Vratit ćemo se.

Vijećnik Anel Ibeljić.

ANEL IBELJIĆ – vijećnik Socijaldemokratske partije

Prilažem.

NATAŠA PERIĆ

Prilaže. Eh ko će? Ko ima usmeno? Dobro evo Alen prvo. Alen Kapidžić. Izvolite.

ALEN KAPIDŽIĆ – vijećnik Socijaldemokratske partije

(vijećnik Alen Kapidžić govori bez uključenog mikrofona op.a.)

NATAŠA PERIĆ

Možete li samo mikrofona uključiti?

ALEN KAPIDŽIĆ

Pitanje upućujem Službi za komunalne poslove:

– Imam informaciju da su građani na ime asfaltiranja puta ulica Vukovarska od broja 153 do 173 uplatili određena sredstva oko 11 i po hiljada maraka pa me interesuje da li će biti u toku ove godine asfaltiranje tog puta? Hvala.

NATAŠA PERIĆ

U redu hvala. Sljedeće vijećničkoo pitanje vijećnica Sabiha Mujkanović. Izvolite.

**SABIHA MUJKANović MUJAČIĆ – zamjenik predsjedavajućeg
Gradskog vijeća Tuzla,
- samostalni vijećnik**

Dakle, ja imam jednu urgenciju i imam pitanje a obrzaloženje ću samo da dostavim. Znači, imam urgenciju na, prema Službi za ekonomski razvoj i poduzetništvo.

- Dakle, tražim da mi se dostavi odgovor kakav je status prostorija na adresi Soni Trg broj 2 Gradski odbor SBB Tuzla s obzirom da sam lično bila potpisnik ugovora i znam da neke stavke iz tog ugovora više ne važe? Dakle zanima me status prostorija.

Drugo moje, drugo vijećničko pitanje, dakle: Kada će se...Prema Službi za komunalne poslove.

- Kada će se asfaltirati put prema Kojšinu tzv. Barake Mjesna zajednica Centar? Obrazloženje dostavljam. Hvala.

NATAŠA PERIĆ

U redu hvala. Vijećnik Omer Berbić. Izvolite.

OMER BERBIĆ – vijećnik Naše stranke

Hvala ljepo. Ja imam tri vijećnička pitanja.

Prvo vijećničko pitanje:

- Kada će uposlenici Boračko invalidske zaštite početi primati stranke?

Znači veliki broj stranaka i korisnika se žali da ih godinama već na ulazu prima portir a da do uposlenika ove službe ne mogu doći, nego se stranke primaju na hodniku kao što je bio slučaj za vrijeme pandemije a koja je prestala po svim osnovama.

Drugo vijećničko pitanje jeste:

- Koliko novca dobiti od Centralnog grijanja je u zadnjih 10 godina uloženo u razvoj novog voda iz termoelektrane koji bi bio dugoročno, koji bi du-go-ro-čno riješio pitanje snabdjevenosti? Kada je Centralno grijanje postalo svjesno problema manjka kapaciteta te da li su počeli pripremi radovi na otklananju istoga?

I treće pitanje:

Ovo se nadovezujem u suštini na pitanje kolegice Esane koja je dobila odgovor na prošlom Vijeću.

– Da li je firma, da li firma EUROPLAKAT BiH d.o.o. Sarajevo ima novi ugovor potpisan nakon isteka starog ugovora 2017. godine sa Gradom? Ukoliko nema da li firma EUROPLAKAT BiH d.o.o još uvijek drži svoje reklamne površine na gradskom zemljištu?

Naime, znači to je kolegica Kavazbašić Huskanović pitala i dostavljen nam je odgovor da je firma EUROPLAKAT imala ugovor do 2017. godine, ali evo ovdje sada postavlja se

pitanje šta se desilo nakon 2017. godine? Da li su ovi plakati uklonjeni? Ako nisu ko će snositi štetu koja iznosi više stotina hiljada maraka što ne postoji novi ugovor sa istom firmom? Hvala lijepo.

NATAŠA PERIĆ

Dobro. Vijećnik Kapidžić ima još jedno pitanje. Zaboravio.

ALEN KAPIDŽIĆ

Isto Službi za komunalne poslove. (NATAŠA PERIĆ – Uključen.) Jeste, jeste.

Pitam Službu za komunalne poslove:

- Da li postoji mogućnost uvođenja interneta u mjesne zajednice i da mi se to obrazloži je li? Hvala.

NATAŠA PERIĆ

U redu hvala. Vijećnik Admir Čavalić. Izvolite.

ADMIR ČAVALIĆ – vijećnik Stranke za Bosnu i Hercegovinu

E hvala puno predsjedavajuća. Ja imam tri vijećnička pitanja.

Prvo je pitanje:

- Zamolio bih na uvid sve dokumente koje regulišu radno-pravne statute direktora, odnosno direktorica javnih poduzeća i javnih ustanova u nadležnosti Grada Tuzla.

Mislim da je ovo dobro sa ciljem unapređenja transparentnosti u radu menadžmenta naših javnih poduzeća i javnih ustanova da dobijemo dakle, te dokumente koji regulišu njihov radno-pravni status. Dakle, to će koristiti široj javnosti Tuzle i svakako Tuzlanskog kantona.

Dalje. Drugo vijećničko pitanje:

- Zamolio bih za listu svih osoba (imena i prezimena) koja su angažovana po osnovu ugovora o djelu u javnim poduzećima i javnim ustanovama u nadležnosti Grada Tuzla, uz navođenje konkretnog djela kojeg su obavljali i iznosa kojeg su dobili po osnovu ugovora o djelu za period 2021. godina i 2022. tekuća godina.

Zašto je ovo bitno? Primjetio sam čitajući izvještaj javnih poduzeća i javnih ustanova da se sve više koristi taj ugovor da se angažuju osobe pa bi volio da dobijem dakle, od svakog pojedinačnog poduzeća i ustanove ko su te osobe, koja djela rade i koliko su dobili sredstava za navedeno?

I zadnje pitanje je:

- Zanima me zašto Kolegij Gradskog vijeća Tuzla nije dostavio informaciju u vezi nacrtu Odluke o načinu organizovanja i provođenja izbora za članove savjeta mjesnih zajednica na području grada Tuzla, te kada će biti razmatrana ova odluka na Kolegiju i dostavljena data informacija?

Ja se ovdje nadovezujem na zaključak Kolegija Gradskog vijeća broj: 01/04-A-4185-2022-VKGV od 31. 03. 2022. godine gdje se na to dakle, Stručne službe kažu da je jedini Kolegij indirektno, kažu da je Kolegij krivac za blokadu tih procesa izbora u mjesnim zajednicama pa bih volio da se riješi ova dilema. Hvala puno.

NATAŠA PERIĆ

U redu hvala. Vijećnik Omer Delalić. Izvolite.

OMER DELALIĆ – samostalni vijećnik

Hvala predsjedavajuća.

Postavljam vijećničko pitanje Službi za komunalne poslove:

- Informacija o čišćenju korita rijeka i potoka na području grada Tuzle u zadnje četiri godine.

Obrazloženje:

Svjesni smo činjenice da u zadnje vrijeme nakon obilnih kišnih padavina potoci pogotovo u prigradskim naseljima izljevaju nanoseći velike materijalne štete na kućama i imanjima. Već sam nekoliko puta u toku svog mandata postavljao inicijative pa i urgencije da se očiste korita rijeka i potoka. Građani koji su pretrpili štetu smatraju da do plavljenja ne bi došlo da su korita bila očišćena i prohodna.

Tražim od Službe da mi dostave potpune podatke o čišćenju korita u zadnje četiri godine jer po mom skromnom mišljenju mnogo manje sredstava bi trebalo da se uloži u prevenciju nego u saniranje štete. Hvala.

NATAŠA PERIĆ

U redu hvala. Da li još neko ima pitanja? Ako ne prelazimo na VIJEĆNIČKE INICIJATIVE

Vijećnik Anel Ibeljić.

ANEL IBELJIĆ

Prilažem.

NATAŠA PERIĆ

Dobro. Vijećnik Alen Ovčina.

ALEN OVČINA – vijećnik Socijaldemokratske partije

Prilažem.

NATAŠA PERIĆ

Dobro. Vijećnica Selma Čatibušić i vijećnik Damir Muratović. Izvolite.

SELMA ČATIBUŠIĆ

E ovako. Kolega Damir i ja imamo zajedničku inicijativu za rješenje problema parking mjesta u naselju Bulevar. Tačnije konkretno ulica Maršala Tita 70 (između stambene zgrade Maršala Tita 70 i supermarketa „Bingo“) Objekat koji se graniči sa problematičnim parkingom je dakle, ova zgrada koja ima potporni zid uz objekat, a koji bi se svojim povlačenjem regulisao taj dio u saobraćaju.

Mi smo ovdje naveli tj. dostavili i fotografije. Na prvoj fotografiji možemo vidjeti parkirana vozila koja su onemogućili upotrebu postojećih garaža. Prostor između zida i garaža je 8,7 metara. Ako oduzmemo potrebnu širinu za parking mjesta od 5 metara ostane prostor 3,7 metara. Povlačenjem potpornog zida. Naravno ovo je provjereno na licu mjesta uz stručnu

pomoć. Sa dva metra dobio bi se prostor veći od 10,7 metara što je 5 metara za parking i 5, 7 metara za manipulaciju prilikom parkiranja i nesmetanog ulaska u garažni prostor.

Na ovoj drugoj fotografiji dakle, vidimo koso i produženo parkiranje širina od zida do objekta supermarketa je 12,3 metra. Ako oduzmemo 5 metara za okomito parkiranje i 2,5 metara za produženo ostane 4,8 za dvosmjernu saobraćajnicu, a ujedno i prostor za manipulaciju, istovar robe itd. Ako bi se ovaj zid povukao za 1,2 metra dobili bismo oko 13 metara što je 5 metara više za parkiranje.

Pretpostavljeni radovi su: Rušenje postojećeg potpornog zida, izvođenje novog potpornog zida, asfaltiranje novog dobijenog parking prostora, iscertavanje parking mjesta i smjera kretanja.

Nadamo se da će se sa ozbiljnosti, ozbiljnjošću razmotriti naša inicijativa i u skladu sa mogućnostima realizirati ista u interesu građana koji žive u navedenoj ulic. Pri tome napominjemo da je stručnjak radio na ovome i da smo već sa nadležnim obavili određeni razgovor koji su nam rekli da je ovo veoma izvodljivo, lako izvodljivo ukoliko bude postojala volja. To je to.

NATAŠA PERIĆ

U redu. Imate još vi? (Hoćul odmah svoju?) Možete. Izvolite.

SELMA ĆATIBUŠIĆ

Druga inicijativa, zapravo pitanje ujedno i inicijativa:

- U čijem vlasništvu je parking kod Hametove pijace i ko održava isti taj parking?

Ukoliko se radi o prostoru nad kojim Grad Tuzla ima nedležnost, prilažem inicijativu da se na istome obnove postavljene stubiće, očisti smeće, sredi zarastao potporni zid koji se tamo nalazi, te ujedno postave nadzorne kamere radi sankcija za one koji i dalje budu taj prostor zasipali smećem, uništavali postavljene stubiće i uopšteno nanosili štetu. Hvala.

NATAŠA PERIĆ

U redu hvala. Vijećnik Alen Kapidžić. Izvolite.

ALEN KAPIDŽIĆ

Hvala predsjedavajuća. Evo s obzirom da smo nekoliko dana prije bili je li svjedoci obilne kiše koja je padala građani Mjesne zajednice Ši Selo su već nekoliko puta se obraćali jer imaju problem ondje kod, u svom naselju, u svojoj mjesnoj zajednici kod pekare Pegaz gdje se pojavljuje ogromna, ogromna vodena površina jer imaju problem s odvodom tu. Nekoliko puta smo već kontaktirali Službu za komunalne poslove i znam da su i predstavnici savjeta mjesne zajednice upućivali dopis međutim, rečeno nam je da će ovo biti sanirano međutim, nije ništa urađeno i ja evo pokrećem inicijativu da se pod hitno sanira ovaj problem. Hvala.

NATAŠA PERIĆ

U redu hvala. Pardon. Vijećnik Admir Hasanbašić.

ADMIR HASANBAŠIĆ

Hvala ljepo kolega. Hvala predsjedavajuća. Ništa evo ja podnosim urgenciju na inicijativu koju je već podnio kolega Omer Berbić, a ona se odnosi na:

- Izgradnju sportskog igrališta za djecu u naselju Paša Bunar u Mjesnoj zajednici Batva. Obrazloženje:

U naselju Paša Bunar živi veliki broj djece koji sportske aktivnosti realizuje na improvizovanom igralištu koje se nalazi na ulici i tom ulicom se kreću motorna vozila. Vrlo često se dešavaju situacije u kojima je ugrožena sigurnost djece, te je zaista neophodno urgentno djelovati i izgraditi sportsko igralište u ovom naselju. Hvala.

NATAŠA PERIĆ

U redu hvala. Vijećnik Admir Čavalić. Izvolite.

ADMIR ČAVALIĆ

Hvala puno predsjedavajuća. Ja podnosi tri vijećničke inicijative.

Prva je:

- Da se uvede mobilna aplikacija (Android i iOS) za prijavu divljih deponija na području Grada Tuzla. Ova inicijativa je direktno upućena komunalcu Tuzla.

Ovo su radili dakle, u Zvorniku, radili su u Banja Luci, u Sarajevu i nekim drugim gradovima u Bosni i Hercegovini i mislim da je to dobra praksa koju trebamo slijediti, kopirati i primjeniti u našoj zajednici kako bi se lakše evidentirale i prijavljivale divlje deponije na području grada Tuzla.

Druga inicijativa je:

- Da se finansira, odnosno sufinansira članstvo u sportskim klubovima za djecu iz domaćinstava sa minimalnim primanjima, i djecu bez (jednog ili oba) roditelja na području grada Tuzla.

Dakle, bilo bi dobro da grad Tuzla posebno iz tekuće rezerve pomogne ovoj djeci. Ovo je dobro radi promocije kulture i sporta u našem gradu, ali svakako kao i jedna socijalna mjera u kontekstu aktuelne ekonomske krize.

Inicijativu sam uputio nadležnim službama ali i gradonačelniku Grada Tuzla jel se pozivam na tekuću rezervu.

I zadnja inicijativa je:

- Da se pod hitno sanira dio puta u ulici Fikreta Salihovića Fikre (odmah poslije Đurić zgrade.)

Ovo je zaista katastrofalno. Ja sam priložio tu i fotografija. Propao je totalno asfalt. Dakle, velika rupa je nastala. Provalija. Prolaze non stop tu i djeca i voze automobili i sl. Bojim se da može doći do nesreće i zato molim nadležne službe čim prije, do naredne sjednice ako može da se ovo hitno sanira. Hvala puno.

NATAŠA PERIĆ

U redu hvala. Vijećnica Sabiha Mujkanović. Uključite samo.

SABIHA MUJKANović MUJAČIĆ

Zahvaljujem predsjedavajuća. Ja ima tri inicijative. Ukratko ću znači. (NATAŠA PERIĆ – Dobro.)

Prva inicijativa:

- Da se u ulici Paša Bunar postave usporivači brzine da zaštitimo naše najmlađe sugrađane zbog zaista velike brzine kojom vozači se tu kreću.

Druga inicijativa je:

- Postavljanje spomen ploča sa imenima poginulih pripadnika Armije Republike Bosne i Hercegovine i HVO-a na ulazima u mezarja/groblja u cilju razvijanja kulture sjećanja na period agresije na Republiku Bosnu i Hercegovinu.

I treća inicijativa samo da...Samo sekundu. Izvinjavam se. Moram je naći. Evo je. Znači treća inicijativa je:

- Inicijativa za asfaltiranje puta u Mihatovićima. Stari put od Plana do Brgula.

Dionica koja je doslovno glavni put kada se desi saobraćajna (NATAŠA PERIĆ – Molim vas malo tišine.) nesreća i svi automobili se preusmjere na ovu dionicu. Dakle, Mjesna zajednica Šiški Brod. Hvala.

NATAŠA PERIĆ

U redu hvala. Sljedeća inicijativa vijećnice Merime Softić Sprečić. Izvolite.

MERIMA SOFTIĆ SPREČIĆ – vijećnik Socijaldemokratske partije

Hvala predsjedavajuća. Pozdrav svima. Evo ja imam jednu inicijativu:

- Za postavljanje kompresorskih stanica u gradu.

Inicijativa je upućena prema Javnom komunalnom preduzeću Saobraćaj i komunikacije Tuzla.

Obrazloženje:

Po uzoru na neke gradove u okruženju, voljela bih da u skladu sa vašim finansijskim mogućnostima i u dogovoru sa strukom pokušate naći načina da postavite manje kompresorske stanice na više mjesta u gradu, u blizini biciklističke staze, šetališta, centra grada, te igrališta koje bi građani koristili da napušu gume od bicikla, gume na kolicima koja koriste invalidi, dječija kolica za bebe, lopte i sl.

Realizacija ove ideje bi bila od velike koristi za mnoge, a ne traži velika ulaganja. Izgled kompresorske stanice je u prilogu, a primjer je iz grada Beča Austrija. Hvala.

NATAŠA PERIĆ

U redu hvala. Vijećnik Nedžad Jusić. Izvolite.

NEDŽAD JUSIĆ - samostalni vijećnik iz reda nacionalnih manjina

E hvala. Poštovana predsjedavajuća, poštovani zamjenici predsjedavajuće, sekretaru, kolege kolegice vijećnici i vijećnice želim da postavim, odnosno da pokrenem ponovo urgenciju na inicijativu koju sam uputio na sjednici Gradskog vijeća održanoj 30. 05. 2022. godine Javnom komunalnom preduzeću Vodovod i kanalizacija d.o.o Tuzla i Službi za komunalne poslove, izgradnju i poslove mjesnih zajednica Grada Tuzle a inicijativa je se odnosila:

- Za rekonstrukciju i sanaciju vodovodne mreže, kao i asfaltnog puta u ulici Branislava Nušića od broja 18 do broja 50.

Molim vas da se izjasnite o podnesenoj inicijativi, jer ukoliko se inicijativa ne realizuje postoje izgledne mogućnosti da će nastati šteta na ljudske živote, tako da imam jasan stav od

Javnog komunalnog preduzeća Vodovod i kanalizacije d.o.o. Tuzla i Službe za komunalne poslove, izgradnju i poslove mjesnih zajednica grada Tuzle ko je nadležan i ko treba realizovati inicijativu. Meni nije nikakav problem da se gore pomenuto javno preduzeće, odnosno Služba se izjasni da ne žele, da nisu u mogućnosti da realizuju inicijativu, ali takođe sam svjestan toga da gore pomenuta preduzeće, odnosno komunalna služba ukoliko nastanu određene posljedice po ljudske živote netko treba i odgovarat.

Jednostavno ja tražim da do naredne sjednice dobijem konkretan odgovor tko je nadležan za realizaciju pomenute inicijative i da li će se ona realizovati?

Ne bih sad obrazloženje. Ja sam i na prošloj sjednici govorio vezano za pomenuto obrazloženje jel jednostavno ovo je ulica smrti. Ukoliko se ne realizuje očigle-dno postoje mogućnosti da će netko nastradati a netko mora odgovarati. Hvala.

NATAŠA PERIĆ

U redu hvala. Sljedeća vijećnička inicijativa je Elvira Bijedića i moja, tako da mi samo prilažemo.

Sljedeća. Molim? Nikica Vidović je sljedeći. Izvolite.

NIKICA VIDOVIĆ – vijećnik Hrvatske demokratske zajednice BiH

Sve vas ljepo pozdravljam. Podnosim dvije vijećničke inicijative. (NATAŠA PERIĆ – Nemojte dobacivat.) Kojom se poziva nadležna služba i gradonačelnik Tuzle da ispita mogućnosti izgradnje kotlana (toplana) na tzv. (čips/drvenu sječku) u većim naseljima u Tuzli.

Obrazloženje:

Smanjenje zagađenja i toplifikacija svima nam je prioritet i podnesena inicijativa bi uveliko unaprijedila navedeno.

Stanovnici Tuzle žele čišći zrak i veću kvalitetu života. Izrada toplana na drvenu sječku/čips u naseljima u gradu Tuzla nam je svima prioritet. Navedene izrađene toplane uvijek posjeduju i alternativno gorivo, neku vrstu plina, struju ili slično a na postrojenje bi se pripajala naselja u kojima nema mogućnosti toplifikacije ili je to daleko u budućnosti. Zagađenja iz navedenog postrojenja su veoma mala a toplotnom energijom mogu pokriti manju općinu. Primjer navedenog imamo u mnogim gradovima svijeta a nama blizu je Mali Zvornik koji je spojen na pomenuti tip postrojenja za grijanje. Navedena postrojenja u svakom od naselja bila bi u mogućnosti pokriti potrebe primjera radi Ši Selo, Drežnik, Mandiće, Solinu, Miladije, Križane, Ljubače, Husino, Par Selo, i tako redom jedno po jedno naselje rješavati jer svi smo svjesni da je sve teško spojiti na postojeće grijanje koje koristi toplotnu energiju ermoelektrane Tuzla, te bi individualna ložišta u navedenim naseljima u budućnosti skroz ukinuli.

Tražim i očekujem da nadležna gradska služba i gradonačelnik, razmotri ovu inicijativu, te žurno pristupiti realizaciji iste. Za početak realizacije navedenog nam je potrebno tisuću četvornih metara državnog zemljišta u svakom od naselja. Smatram da bi ideja bila podržana i od Evropskih fondova za energetska učinkovitost i slične projekte.

Druga inicijativa:

- Kojom se poziva nadležna služba da u suradnji sa Vodovodom i kanalizacijom iznađe rješenje za snabdijevanje dijela naselja Bukinja u Šimićima.

Obrazloženje:

Stanovnici Tuzle žele imati vodu, pogotovo u naseljima gdje imamo svu infrastrukturu i za mala novčana sredstva možemo riješiti dugogodišnji problem. U Bukinjima, Rapače u dijelu Šimića (ulica Blaža Josića) više zone imaju problem s vodom koji se može riješiti manjim pumpnim postrojenjem. Instalacija prema kućama je urađena prije mnogo godina ali voda ne može doći na tu visinu. Stanovništvo se s razlogom buni jer je na susjedno

brdo/uzvišicu dovedena je voda u vikend naselje pa čak i put asfaltiran što usložnjava stanje na terenu.

Realizacija ove inicijative bi rasteretila situaciju i obogatila kvalitetu života u Rapačama.

Tražim i očekujem da nadležna Gradska služba i gradonačelnik, razmotre ovu inicijativu, te žurno pristupiti realizaciji. Hvala.

NATAŠA PERIĆ

U redu hvala. Vijećnik Hasib Hirkić. Izvolite.

HASIB HIRKIĆ – samostalni vijećnik

Zahvaljujem predsjedavajuća. Pozdravljam sve prisutne i da nam zaželim uspješan rad danas. Ja imam tri inicijative. Neću ih. Neću obrazloženje čitat samo ću pomenut koje su inicijative.

– Inicijativa znači, za sanaciju spomen obilježja palim borcima i šehidima 92.-95. u Mramoru.

- Druga inicijativa je vezana za postavljanje nastrešnica na autobuskim stajalištima i oglasnih tabla u Mjesnoj zajednici Mramor i Dobrnja.

– I treća inicijativa je vezana za prošlo Vijeće, prošlu inicijativu koja se odnosila za, na laboratorije.

S obzirom da smo dobili odgovor Doma zdravlja da tu ne postoje nikakve prepreke sem jedne oko nabavka, nabavke specijaliziranog vozila za prevoz krvi iz tih ambulanti. Pa sam tu inicijativu evo prosljedio i znači, predsjedniku skupštine, premijeru i ministrici a i Gradskom vijeću, pa se nadam da su zajednički građani i da će svi nivoi vlasti se uključiti da riješimo evo ovaj problem kako bi pomogli građanima. Hvala.

NATAŠA PERIĆ

U redu hvala. Sljedeća vijećnička inicijativa vijećnice Selme Čatibušić i vijećnika Damira Muratovića. Izvolite. Jeste pročitali? Dobro. Nisu bile jedna uz drugu pa...U redu.

Vijećnik Mirel Mišković. Izvolite. Piše Klub SD-e. (DAMIR MURATOVIĆ – Nećemo čitat.) Nećete.

MIREL MIŠKOVIĆ – vijećnik Socijaldemokrata BiH

Prilažemo.

NATAŠA PERIĆ

Prilažete. Dobro. Ovo sam rekla. Ponavljaju se neke. Omer Delalić. Izvolite.

OMER DELALIĆ

Hvala.

- Inicijativa za čišćenje korita potoka u naselju Avdibašići i Dragunja. To se nadovezuje na ono moje maloprije zato što je vijećničko pitanje.

Usljed izljevanja potoka poslje zadnjih vremenskih nepogoda ponovno je poplavljeno naselje Avdibašići gdje je nanesena velika materijalna šteta. Takođe je poplavljeno naselje

Dragunja gdje mi se javio jedan sugrađanin kojemu je uništeno zasađeno poljoprivredno zemljište čime mu je nanesena velika materijalna šteta.

I pošto vidim da je u zadnje vrijeme ponovo aktuelna moja inicijativa iz 2018. godine. Podnosim urgenciju inicijative za nabavku pauk vozila u Tuzli. Hvala.

NATAŠA PERIĆ

U redu hvala. Vijećnik Senad Mehmedinović. Izvolite.

SENAD MEHMEDINOVIĆ – vijećnik Pokreta demokratske akcije

Hvala ljepo. Evo ja ću pročitati tri inicijative bez obrazloženja takođe.

Prva je Saobraćaju i komunikacije Tuzla.

– Inicijativa za postavljanje saobraćajnog znaka zabrane parkiranja u naselju Slatina (pristupni put prema Stambeno-poslovnom objektu „09“ tzv. pametna zgrada.) To sam već podnosio inicijativu tako da neću više da obrazlažem.

Sljedeća inicijativa isto Saobraćaj i komunikacije Tuzla.

– Inicijativa za postavljanje „sigurnosnog ostrva – usporivača brzine“ u naselju Slatina u blizini obdaništa Poletarac.

Treća isto Saobraćaj i komunikacije Tuzla.

– Inicijativa za izgradnju novih autobusnih nastrešnica. Primarno mislim kod Muzičke škole, te kod Pinge s obje strane saobraćajnice. Hvala.

NATAŠA PERIĆ

U redu hvala. Vijećnik Omer Berbić. Izvolite. Samo mikrofon isključite.

OMER BERBIĆ

E hvala ljepo. Pa evo moja prva vijećnička inicijativa je inicijativa za:

- Autentično tumačenje Poslovnika Gradskog vijeća Tuzla.

Znači, zanima me koja je procedura izbora novog gradonačelnika ukoliko postojeći gradonačelnik prihvati mandat u Parlamentarnoj skupštini Bosne i Hercegovine?

Na iznenađenje svih nas. (smijeh.) (NATAŠA PERIĆ - Molim vas malo tišine i ozbiljnosti. Molim vas. Pročitajte.)

Pa evo na iznenađenje svih nas gradonačelnik Imamović je na listi za Parlamentarnu skupštinu Bosne i Hercegovine i mislim da bi jedan takav čovjek zaista dosta pomogao državi Bosni i Hercegovini, ali Poslovnik član 48. ima dva moguća tumačenja. Ima znači dva člana i zani-ma me autentično tumačenje koji od ovih članova se primjenjuje ukoliko se tako, tako nešto desi?

Znači ovo ide nadležnom organu. To je vjerovatno Komisija za statutarna pitanja ili Gradsko vijeće. Kolegij Gradskog vijeća ne znam? Uglavnom nadležnom organu sam napisao.

Druga inicijativa je za:

- Uklanjanje objekta stare mjesne zajednice u Ši selu koji sam već jednom podnio. (NATAŠA PERIĆ – Molim vas malo tišine.)

Naime, stara mjesna zajednica je ruglo Ši sela. Mjesto skupljanja štakora i alkoholičara a nadam se da će grad Tuzla uložiti ove minimalne napore te riješiti ovo pitanje.

I treća (NATAŠA PERIĆ – Molim vas tišina. Nemojte sad.) treća inicijativa inicijativa koju sam podnio na početku svog mandata al evo opet podnosim pošto se ništa nije uradilo po tom pitanju. U međuvremenu i kolege iz većine su slično nešto predložile a to je:

- Da se postave kamere na sva izletišta u gradu Tuzla.

Jasno je da ide opet ljeto i idu problemi na raznim izletištim a i onim novim i onim starim i misli da bi postavljanje kamera. Jedna kamera košta 100 maraka uveliko doprinjelo sigurnosti na ovim izletištim a. Hvala ljepo.

NATAŠA PERIĆ

U redu hvala. Vijećnica Lejla Osmančević. Izvolite.

LEJLA OSMANČEVIĆ – samostalni vijećnik

Zahvaljujem. Pozdravljam sve prisutne i želim nam puno uspjeha u radu današnje sjednice.

Upućujem inicijativu Javno zdravstveno naučne ustanove Dom zdravlja doktor „Mustafa Šehović“ tačnije menadžmentu, a vezano je za humanizaciju rada uposlenika Doma zdravlja Tuzla. Vezano je za Službu medicine rada i Službu za medicinsko laboratorijsku dijagnostiku.

U obrazloženju:

Služba medicine rada ima dva sprata. Gornji sprat se nalazi pod krovom koji je ravan i svake promjene godišnjeg doba nose svoje poteškoće. Zimi je jako hladno a ljeti su previsoke temperature o čemu se možemo i sada uvjeriti i stanje je takvo da zdravstveni radnici teško skupa sa pacijentima mogu da borave u prostorijama ili čekaonicama.

U donjem spratu je veliki broj radno-aktivne populacije koja obavlja preventivne periodične preglede, te pacijenti koji imaju, su u ocjeni opravdanja bolovanja. To je Prvostepena ljekarska komisija, ali i djeca predškolskog uzrasta koja imaju tretman logopeda.

Potreba za mikro klimama i to najmanje dvije klime na prvom i jedna klima na donjem spratu.

Služba za...Takođe Služba za medicinsko laboratorijsku dijagnostiku koja se nalazi sa južne strane Doma zdravlja ima čekaonicu i radne prostorije u kojima se nalaze sofisticirani aparati koji dnevno obrade kako krvne analize, tako i nalaze urina za preko 400 pacijenata i koji pri radu se zagrijavaju do te mjere da može doći do pregrijavanja i oštećenja aparata.

Rješenje je na vanjskom rashlađivanju koje se može samo riješiti uređajima klime, koje su prijeko potrebne ovoj službi, a trenutno nisu, ove koje imaju trenutno nisu u funkciji, tako da oni ovdje traže najmanje pet klima uređaja. Zahvaljujem.

NATAŠA PERIĆ

U redu hvala. Iscrpili smo vijećničke inicijative.

Prelazimo na drugu tačku Dnevnog reda:

RAZMATRANJE I USVAJANJE POD:

a) ODLUKE O IZBORU NAJPOVOLJNIJEG PONUĐAČA ZA DAVANJE U ZAKUP POSLOVNE PROSTORIJE U ULICI II TUZLANSKE BRIGADE BROJ 17. POD

b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM „PLANIKA-FLEX“ d.o.o. SARAJEVO

c) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM „TEP-LIGHT“ d.o.o. TUZLA I

d) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM JAVNO KOMEMORATIVNO PREDUZEĆE „KOMEMORATIVNI CENTAR“ d.o.o. TUZLA

Predlagač je gradonačelnik Grada Tuzle.

Obrađivač: Služba za ekonomski razvoj, poduzetništvo i poljoprivredu a materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje pročitane odluke. Glasanje je okončano.

Konstatujem da su ODLUKE O IZBORU NAJPOVOLJNIJEG PONUĐAČA ZA DAVANJE U ZAKUP POSLOVNE PROSTORIJE U ULICI II TUZLANSKE BRIGADE BROJ 17

ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM „PLANIKA-FLEX“ d.o.o. SARAJEVO

ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM „TEP-LIGHT“ d.o.o. TUZLA I

ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM JAVNO KOMEMORATIVNO PREDUZEĆE „KOMEMORATIVNI CENTAR“ d.o.o. TUZLA usvojene sa,

27 glasova za, niko nije bio protiv i nije bilo suzdržanih.

Prelazimo na treću tačku Dnevnog reda:

RAZMATRANJE I USVAJANJE ODLUKE O DAVANJU PREDHODNE SAGLASNOSTI NADZORNOM ODBORU JAVNO KOMUNALNOG PREDUZEĆA SAOBRAĆAJ I KOMUNIKACIJE D.O.O. TUZLA ZA IMENOVANJE DIREKTORA DRUŠTVA

Predlagač je Nadzorni odbor Javno komunalnog preduzeća Saobraćaj i komunikacije d.o.o. Tuzla.

Obrađivač: Nadzorni odbor Javno komunalnog preduzeća Saobraćaj i komunikacije d.o.o. Tuzla i Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Omer Berbić. Izvolite.

OMER BERBIĆ

Ništa ja se ovdje javljam s obzirom da sam evo prvi puta kada je kolega bio postavljen za VD-a javio se i rekao neki da bi želio plan rada itd. Moram da kažem iako nismo dobili taj plan rada da je ovo preduzeće odnosno menadžment preduzeća u kratkom vremenskom periodu napravio puno posla i da je po mom skromnom mišljenju trenutno sigurno u top, u top tri barem VD direktora ako ćemo tako postaviti, ako nije i najbolji direktor javnog preduzeća i javne ustanove u gradu Tuzla. I sa velikim zadovoljstvom ću evo dati, dati, dati što se kaže ovdje broj jedan, broj keč da, da on ostane direktor i da nastavi da radi za dobrobit ovog preduzeća, za dobrobit grada Tuzle jer je to jedno organizovano dobro preduzeće koje je sada ubacilo u treću brzinu sa novim direktorom, tako da evo sve, sve pohvale od strane mene. Hvala ljepo.

NATAŠA PERIĆ

Hvala vam. Da li se još neko javlja? Vijećnica Selma Čatibušić.

SELMA ČATIBUŠIĆ

Naravno slično stvarno kao i kolega Omer. Gospodin Nedžad zaslužuje da mu se poželi sreća u nastavku njegovog rada i opet ponavljam jedini direktor, odnosno VD direktor koji nas je, koji je pozvao vijećnike da dođu, da razgovaraju koji zaista nekako djeluje i radi na terenu a nadam se da to nije samo ono da kažem početničko djelovanje da, da bi se pokazao a vjerujem da nije, nego da će nastaviti ovim radom i da će se i da će i ostali direktori i direktorice uvažavati sve vijećnike i vijećnice bez obzira da li su dio vlasti ili dio vladajuće većine. Tako da sretno u daljem radu.

Klub vijećnika Platforme za progres podržat će ovaj prijedlog, a isto tako iako nije vezano za temu da poželim našem gradonačelniku sretno na narednim predstojećim izborima. Eto pa da prođe u taj Parlament.

NATAŠA PERIĆ

Molim vas držite se dnevnog reda i sad je rasprava vijećnika ne klubova vijećnika. Vijećnik Admir Čavalić. Izvolite.

ADMIR ČAVALIĆ

Hvala puno predsjedavajuća. Ja sam se mislio javiti dakle, kada bude tačka dnevnog reda o Izvještaju o radu Saobraćaj i komunikacije Tuzla, ali evo iskoristit ću sada priliku pošto imamo tamo šest izvještaja pa nećemo možda imati vremena.

Čestitke direktoru. Bilo bi dobro da se još prijavilo dakle, pojedinaca ali svakako mislim da je izabran jedan vrlo kvalitetan kadar. To se pokazalo simbolično, evo sada se iscertavaju u ovom trenutku pješački prelazi širom Tuzle. Zastavice su okačene i ako se sjećate dakle, onda reagovalo se po pitanju ulične rasvjete, brojnih nekih problema koje imaju naše mjesne zajednice i sl. Dakle, sve to u vrlo kratkom vremenskom periodu zahvaljujući jednom direktoru koji je VD. Ovo pokazuje da je dobra praksa da mijenjamo direktore. Naravno ne mijenjati one koji su dobri, već mijenjati inače direktore nakon možda jedan ili dva mandata jer obično tada se pokažu da su najbolji i što mogu uraditi u osam godina. Posle osam godina uglavnom žive od te stare slave. Što su uradili u osam godina kao direktori, kao ne znam menadžeri grada i sl. oni to je to dakle, na toj se slavi kite.

Mislim da želim i ovom direktoru dakle, uspješnih četiri ili osam godina maksimalno mandata. Nakon toga nek sam odluči da se povuče. Ne mora da ga mi smjenjujemo, ne moramo čekat 20 godina da neko odluči da se povuče i sl. mislim da je osam godina dovoljno i preporučujem i ostalim direktorima. Ima direktora po dvajst, 21, 22 godine koji su tu da slijede primjer gradonačelnika Grada Tuzle koji je nakon 20 godina odlučio da se povuče. Dakle, da i oni slijede taj primjer kao direktori i da se povuku nakon 20 godina. Hvala.

NATAŠA PERIĆ

U redu. Vijećnica Merima Softić. Izvolite.

MERIMA SOFTIĆ SPREČIĆ

Evo želim kao vijećnica da se kratko obratim i da čestitam Nedžadu Malikiću na ovom izboru. Znam ga iz perioda ranijih mandata. Uvijek je bio raspoložen za saradnju. Pravedan i pošten čovjek. (NATAŠA PERIĆ – Molim vas tišina.) Drago mi je što je došao na ovu funkciju iz razloga što jako dobro poznaje evo materiju u kojoj je on najviše i radio. Zahvaljujem mu se na dosadašnjoj saradnji. Evo na istim ovim rečenicama ću i završiti kao što su i ostali vijećnici rekli a to je da je zaista u jednom jako kratkom periodu odgovorio na mnoge inicijative, na vijećnička pitanja. Ono što mi je bilo drago što smo imali dobru saradnju. Izlazili smo terenski zajedno. Obilazili mnoga, mnoga mjesta evo na koja smo aludirali da se treba nešto uraditi. Tako da evo radujem se i nastavku saradnje i želim mu uspješan mandat kao direktora ovog preduzeća.

NATAŠA APERIĆ

U redu hvala. Vijećnica Sabiha Mujkanović. Izvolite.

SABIHA MUJKANović MUJAČIĆ

Pa evo naprosto sam se javila da ne ispadne da niko iz većine se nije javio. Drago mi je što se Merima prije javila. Naravno da čestitam kolegi Malikiću. Neću se ponavljati. Znači, stvarno je za kratak period odradio puno toga. Čini se da su najbolji ovi VD direktori kako na gradskom tako i na kantonalnom nivou. Znaju oni puno uradit. Vjerujem, ovo je stvarno dobar primjer kako terenac kad se postavi za direktora uradi puno toga. Dobro poznaje problematiku. Nije mu mrsko izaći na teren. Upoznati se lično sa problemima. Drago mi je što je naš kolega i što je iz ovih klupa otišao na direktorsku poziciju i vjerujem da će opravdat povjerenje koje smo mu dali. Hvala.

NATAŠA PERIĆ

U redu hvala. Vijećnik Admir Hasanbašić.

ADMIR HASANBAŠIĆ

E hvala ljepo. Moram se i ja javit ispred Kluba Tuzlanske alternative. (NATAŠA PERIĆ – Sad je rasprava vijećnika ali to je to. Hajde.) Dobro. Evo ja ću u ime Kluba jer se sa mnom u potpunosti slaže naš dragi predsjednik Mensur Alić. Naime, zaista je divno čuti ovakve riječi o kolegi Nedžadu Malikiću i zaista sve ovo što je rečeno je istina i bilo šta da dodamo bit će suvišno i ono što mogu da steknem kao jedan dojam meni se čini da će ovo biti prvi puta

jednoglasna saglasnost nadzornom odboru za imenovanje jednog direktora u ovom slučaju imenovanje direktora Nedžada Malikića. Mi mu svakako želimo puno sreće i uspjeha u daljem radu. Hvala.

NATAŠA PERIĆ

Vijećnik Zijah Rifatbegović. Izvolite.

ZIJAH RIFATBEGOVIĆ – vijećnik Stranke demokratske akcije

E hvala predsjedavajuća. Želim samo se pridružiti pohvalama za uvaženog gospodina. Ono što mi je se dopalo to je kad smo postavljali Memorijal spomen obilježje stradalim Jevrejima. Jedna od rijetkih situacija gdje vi vidite jednu dobru komunikaciju direktora sa radnicima u momentu kada se to diže asfalt, kada se kopa, kada se postavljaju kablovi i vidite da taj direktor obilazi svoje radnike, nosi im vodu i zajedno s njima taj kabal postavlja da bude što bolje to uloženo u asfalt i jedna rijetka situacija. Jedna pohvalna situacija. I mislim da je to što je on napravio reprezentativno i nije svakidašnje jel. Tako da ja dajem apsolutno punu podršku kao i moji prethodnici i mislim da je on primjer kako i na koji način treba komunicirati sa onima koji su vam podređeni. Da je to jedan nivo komunikacije koji zavređuje pažnju i ja mu na tome čestitam. Hvala ljepo.

NATAŠA PERIĆ

U radu hvala. Vijećnik Nikica Vidović.

NIKICA VIDOVIĆ

Kako je već rečeno morao sam i ja, a rekao sam mu juče da će bit nahvaljen, a evo i ja ću reći pohvale ravnatelju novom, a evo vidim, vidim svoje ove savjete izgleda uskoro pa evo ja sam radostan i želim mu svu sreću. Hvala.

NATAŠA PERIĆ

U redu hvala. Evo i ja želim ne samo kao vijećnica već i kao zaposlenica Muzeja istočne Bosne da se zahvalim kolegi Nedžadu Malikiću što je riješio problem parkinga ispred zgrade muzeja kojeg smo imali godinama a prethodno nismo naišli na razumijevanje u prethodnim godinama. Pa et samo toliko.

Da li se još neko javlja? Ako ne.

Zaključujem raspravu vijećnika. Stavljam na izjašnjavaње. Glasanje je okončano.

Konstatujem da je ODLUKA O DAVANJU PREDHODNE SAGLASNOSTI NADZORNOM ODBORU JAVNO KOMUNALNOG PREDUZEĆA SAOBRAĆAJ I KOMUNIKACIJE D.O.O. TUZLA ZA IMENOVANJE DIREKTORA DRUŠTVA usvojena sa,

29 glasova za, nije bilo protiv i nije bilo suzdržanih.

Prelazimo na četvrtu tačku:

RAZMATRANJE I USVAJANJE POD:

a) **RJEŠENJA O PRESTANKU MANDATA PREDsjedNIKU UPRAVNOG ODBORA JAVNO ZDRAVSTVENE USTANOVE GRADSKA APOTEKE TUZLA**

b) **ODLUKE O RASPISIVANJU JAVNOG OGLASA ZA IZBOR I IMENOVANJA PREDsjedNIKA UPRAVNOG ODBORA JAVNE ZDRAVSTVENE USTANOVE GRADSKA APOTEKE TUZLA, ČIJI JE OSNIVAČ GRAD TUZLA (sa tekstom javnog oglasa)**

c) **ODLUKE O UTVRĐIVANJU POSEBNIH USLOVA I KRITERJA ZA IZBOR I IMENOVANJE PREDsjedNIKA UPREVNOG ODBORA JAVNO ZDRAVSTVENE USTANOVE GRADSKA APOTEKE TUZLA, ČIJI JE OSNIVAČ GRAD TUZLA**

d) **RJEŠENJE O IMENOVANJU KOMISIJE ZA IZBOR PREDsjedNIKA UPRAVNOG ODBORA JAVNE ZDRAVSTVENE USTANOVE GRADSKA APOTEKE TUZLA, ČIJI JE OSNIVAČ GRAD TUZLA I**

e) **RJEŠENJE O IMENOVANJU PRIVREMENOG PREDsjedNIKA UPRAVNOG ODBORA GRADSKA APOTEKE TUZLA**

Predlagač je gradonačelnik Grada Tuzle.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i Komisija za izbor i imenovanja (pod a, d i e) i klubovi vijećnika.

Imal pšotrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika. Vijećnik Admir čavalić. Izvolite.

ADMIR ČAVALIĆ

Hvala puno predsjedavajuća. Samo imam jedno dva kratka pitanja. Prvo pitanje je za nadležne službe. Gospođa Osmanović dakle, da li je navela neke druge razloge? Ovdje se kaže samo osobni razlozi. Razumijevajući da Gradske apoteke unazad par godina su dakle, bile pod snažnim političkim, tužiteljskim i bilo kojim drugim pritiskom dakle, i to je vruć krompir kada govorimo. A vidimo evo i Centralno grijanje tužiteljstvo istražuje dakle, ali i apoteke su dakle, dugo godina imaju probleme s tim.

Zanima me jesul neki drugi razlozi? To je prva stvar.

I druga: Kao i uvijek pozivam građane i građanke Tuzle da se prijave dakle, za člana upravnog odbora, odnosno predsjednika ili predsjednicu Upravnog odbora Javne zdravstvene ustanove Gradske apoteke Tuzla.

Što god je bilo u tužiteljstvu politički pritisci i sl. vezano za apoteke mislim da je to stvar prošlosti, tako da pozivam ko god hoće nek se javi, nek bude, nek sudjeluje i nek doprinese dakle, ovom, ovoj ustanovi. Hvala.

NATAŠA PERIĆ

U redu hvala. Vijećnik Mensur Alić ispred Tuzlanske alternative. Izvolite.

MENSUR ALAIĆ – vijećnik Tuzlanske alternative

Pošto se prvi put javljam sve vas pozdravljam. Samo da kažem i odgovorim gospodinu Čavaliću kolegi da nije bilo nikakvih pritisaka. Da se ovdje radi zato što je Sibila otišla vani i

živi sada ili u Njemačkoj ili Austriji i zbog toga više ne može obavljati tu dužnost. (NATAŠA PERIĆ – Dobro.) To je jedini razlog zbog čega je podnijela ostavku. Zahvaljujem.

NATAŠA PERIĆ

U redu. Admire izvolite.

ADMIR ČAVALIĆ

Hvala na informaciji.

NATAŠA PERIĆ

Dobro. Samo malo. Da li se još neko ispred klubova vijećnika javlja? Ne.
Zatvaram raspravu klubova vijećnika.
Otvaram raspravu vijećnika. Omer Berbić. Izvolite.

OMER BERBIĆ

Ma ništa evo ja bi isto da pozovem građane i građanke Tuzle da se prijave na ovu poziciju evo koju treba uprazniti s obzirom da imamo velike probleme što se tiče upravnih i nadzornih odbora i ostalih javnih konkursa. Vjerovatno su ljudi izgubili nadu da ovdje ima išta javno u javnim konkursima.

Ali evo ja opet pozivam jer ako dođe deset različitih sivijeva koji su bolji od nekih koji su tu namjenjeni onda se vrlo vjerovatno, vrlo vjerovatno će se dosta teško napraviti da to bude određeni kadar neke političke partije. Tako da ja pozivam ljude i pozivam javnost da se što više ljudi prijavi na ovu poziciju pošto je ovo jedna odgovorna pozicija i mislim da nam trebaju ljudi koji mogu ispuniti, ispuniti tu, tu dužnost. Hvala ljepo.

NATAŠA PERIĆ

U redu hvala. Da li se još neko javlja?

Zaključujem raspravu vijećnika.

Stavljam na izjašnjavaње RJEŠENJE O PRESTANKU MANDATA
PREDSJEDNIKU UPRAVNOG ODBORA GRADSKE APOTEKE TUZLA

ODLUKU O RASPISIVANJU JAVNOG OGLASA ZA IZBOR I IMENOVANJA
PREDSJEDNIKA UPRAVNOG ODBORA GRADSKE APOTEKE, ČIJI JE OSNIVAČ
GRAD TUZLA (sa tekstom javnog oglasa)

ODLUKU O UTVRĐIVANJU POSEBNIH USLOVA I KRITERJA ZA IZBOR I
IMENOVANJE PREDSJEDNIKA UPREVNOG ODBORA JAVNO ZDRAVSTVENE
USTANOVE GRADSKE APOTEKE TUZLA, ČIJI JE OSNIVAČ GRAD TUZLA

RJEŠENJE O IMENOVANJU KOMISIJE ZA IZBOR PREDSJEDNIKA
UPRAVNOG ODBORA GRADSKE APOTEKE TUZLA, ČIJI JE OSNIVAČ GRAD TUZLA
I

RJEŠENJE O IMENOVANJU PRIVREMENOG PREDSJEDNIKA UPRAVNOG
ODBORA GRADSKE APOTEKE TUZLA. Molim vijećnike da se izjasne. Glasanje je
okončano.

Konstatujem da su pročitane odluke i rješenja usvojeni sa, 25 glasova, nije bilo protiv i nije bilo suzdržanih.

Prelazimo na petu tačku:

RAZMATRANJE I USVAJANJE ODLUKE O IZMJENAMA GRANICA KATASTARSKIH OPŠTINA BUKINJE, HUSINO I PLANE U GRADU TUZLI

Predlagач je gradonačelnik Grada Tuzle.

Obrađivač: Služba za geodetske i imovinsko – pravne poslove a materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem?

Imal potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjanje ODLUKU O IZMJENAMA GRANICA KATASTARSKIH OPŠTINA BUKINJE, HUSINO I PLANE U GRADU TUZLI. Senade glasajte. Ništa moram napomenut. Glasanje je okončano.

Konstatujem da je ODLUKA O IZMJENAMA GRANICA KATASTARSKIH OPŠTINA BUKINJE, HUSINO I PLANE U GRADU TUZLI usvojena sa,

25 glasova za, nije bilo protiv i nije bilo suzdržanih.

Šesta tačke je:

RAZMATRANJE I USVAJANJE ODLUKE O IZBORU NAJPOVOLJNIJIH PONUĐAČA I DAVANJU SAGLASNOSTI ZA ZAKLJUČENJE UGOVORA O OSNIVANJU PRAVA GRAĐENJA NA NEKRETNINAMA U VLASNIŠTVU GRADA TUZLE

Predlagач je gradonačelnik Grada Tuzle.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem? (Ima.) Ima. U redu. Molim obrađivača Jasminu Šimlešu.

JASMINA HASANEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove

Poštovane vijećnice i vijećnici dakle, Gradsko vijeće je svojom Odlukom o opterećenju prava građenja na lokalitetu Poslovne zone „Kreka Sjever“ u Tuzli putem javnog nadmetanja ovlastilo je Službu za geodetske i imovinsko-pravne poslove da na osnovu tako donesene odluke raspíše i Javni poziv za prijave na parcele koje se nalaze u Poslovnoj zoni „Kreka Sjever“ u Tuzli.

Dakle, već s tom odlukom Gradskog vijeća u skladu sa Regulacinom planom „Kreka Sjever“ u Tuzli određeni su uslovi i proveden je, proveden je postupak javnog nadmetanja licitacije. Prilog ove odluke je takođe i prijedlog o izboru najpovoljnijeg ponuđača po Javnom oglasu o opterećenju zemljišta pravom građenja na lokalitetu Poslovne zone „Kreka Sjever“ u Tuzli i mišljenje Gradskog pravobranilaštva.

Nakon provedenog javnog nadmetanja mi smo evo dobili najpovoljnije ponude oni koji su aplicirali i to su znači: Ponuda pravnog lica „Zlatnik“ d.o.o. Tuzla zatim Instituta za zaštitu ekologije, obrazovanje d.o.o. Tuzla i Koala Paintings d.o.o. Tešanj.

Dakle, svi ovi ponuđači su ispunili sve uslove i kriterije iz Javnog poziva a koji Javni poziv je sačinjen u skladu sa Odlukom o zasnivanju prava građenja u ovoj poslovnoj zoni kao i u skladu sa Zakonom o stvarnim pravima i Pravilnikom o raspisivanju javnog oglasa.

NATAŠA PERIĆ

U redu hvala. Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje **ODLUKU O IZBORU NAJPOVOLJNIJIH PONUĐAČA I DAVANJU SAGLASNOSTI ZA ZAKLJUČENJE UGOVORA O OSNIVANJU PRAVA GRAĐENJA NA NEKRETNINAMA U VLASNIŠTVU GRADA TUZLE**. Molim vijećnike da se izjasne. Glasanje je okončano.

Konstatujem da je **ODLUKA O IZBORU NAJPOVOLJNIJIH PONUĐAČA I DAVANJU SAGLASNOSTI ZA ZAKLJUČENJE UGOVORA O OSNIVANJU PRAVA GRAĐENJA NA NEKRETNINAMA U VLASNIŠTVU GRADA TUZLE** usvojena sa,

27 glasova za, nije bilo protiv i 1 suzdržan.

Prelazimo na sedmu tačku:

RAZMATRANJE I USVAJANJE:

ODLUKE O PRODAJI NEKRETNINE U VLASNIŠTVU GRADA TUZLE NEPOSREDNOM POGODBOM RADI IZGRADNJE POSLOVNOG OBJEKTA LAMELA „B“ U ULICI TURALIBEGOVA U TUZLI I

b) RJEŠENJA O IMENOVANJU KOMISIJE ZA PROVOĐENJE POSTUPKA PREGOVARANJA ZA PRODAJU NEKRETNINE U VLASNIŠTVU GRADA TUZLE NEPOSREDNOM POGODBOM RADI IZGRADNJE POSLOVNOG OBJEKTA LAMELA „B“ U ULICI TURALIBEGOVA U TUZLI

Predlagač je gradonačelnik.

Obrađivač: Služba za geodetske i imovinsko – pravne poslove a materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za izbor i imenovanja (pod b) i klubovi vijećnika.

Imal potrebe za uvodnim izlaganjem? (vijećnik Omer Berbić govori bez uključenog mikrofona op.a.) Pa može. Hoćete uvodno? (vijećnik Omer Berbić govori bez uključenog mikrofona op.a.) Može. Izvolite Jasmina. Znači, samo da kažete koja je zgrada u pitanju.

JASMINA HASANEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove

Radi se o zgradi Islamskog centra. Dakle, oni su dobili urbanističku saglasnost za izgradnju ili dogradnju, nisam sigurna zgrade Islamskog centra u Turalibegovoj. (vijećnik Omer Berbić govori bez uključenog mikrofona op.a.) Jeste.

NATAŠA PERIĆ

U redu hvala.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika. Stavljam na izjašnjavaње ODLUKU O PRODAJI NEKRETNINE U VLASNIŠTVU GRADA TUZLE NEPOSREDNOM POGODBOM RADI IZGRADNJE POSLOVNOG OBJEKTA LAMELA „B“ U ULICI TURALIBEGOVA U TUZLI I

b) RJEŠENJA O IMENOVANJU KOMISIJE ZA PROVOĐENJE POSTUPKA PREGOVARANJA ZA PRODAJU NEKRETNINE U VLASNIŠTVU GRADA TUZLE NEPOSREDNOM POGODBOM RADI IZGRADNJE POSLOVNOG OBJEKTA LAMELA „B“ U ULICI TURALIBEGOVA U TUZLI. Izvolite izjasnite se. Glasanje je okončano.

Konstatujem da je pročitana odluka i rješenje usvojeni sa,
27 glasova za, nije bilo protiv i 1 suzdržan.

Pod osam tačka. Tačka osam je:

RAZMATRANJE I USVAJANJE IMOVINSKO – PRAVNIH AKATA

a) Zaključak o odbacivanju, kao nepotpunog, zahtjeva pravnog lica „Gazije“ d.o.o. Tuzla, za otkup suvlasničkog udjela Grada Tuzle u nekretninama označenim kao k.č broj 703/4, KO Bukinje

Predlagač je gradonačelnik Grada Tuzle.

Obradivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem?

Imal potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Stavljam na izjašnjavaње. Samo malo.

Zaključak o odbacivanju, kao nepotpunog, zahtjeva pravnog lica „Gazije“ d.o.o. Tuzla, za otkup suvlasničkog udjela Grada Tuzle u nekretninama označenim kao k.č broj 703/4, KO Bukinje. Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za nije bilo protiv i 2 suzdržana.

Prije nego pređemo na devetu tačku dajem pauzu od 20 minuta. (Pauza.)

Molim vijećnike da zauzmu svoja mjesta nastavljamo sa radom.

Nastavljamo sa radom.

Prelazimo na devetu tačku Dnevnog reda:

RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ molim vas malo tišine GRAD TUZLA ZA 2021. pod

- a) Javno preduzeće RTV 7 d.o.o. Tuzla
- b) Javno komunalno preduzeće „Komunalac“ d.o.o. Tuzla
- c) Javno komunalno preduzeće „Pannonica“ d.o.o. Tuzla
- d) Javno komunalno preduzeće Saobraćaj i komunikacije d.o.o. Tuzla
- e) Javno preduzeće Sportsko-kulturno privredni centar „Mejdan“ d.o.o. Tuzla i

pod

- f) Javno preduzeće BIT Centar d.o.o. Tuzla

Predlagач je Skupština preduzeća.

Obrađivač menadžment preduzeća, a materijal su razmatrali Komisija za ekonomske odnose, Komisija za poduzetništvo, Komisija za komunalne poslove i pitanja mjesnih zajednica (pod b,c i d) i Komisija za mlade, obrazovanje i sport (pod c i e) i klubovi vijećnika.

Vijećnik Mensur Alić se javio za poslovnčku. Izvolite.

MENSUR ALIĆ

Predlažem kao i na prethodnoj sjednici Gradskog vijeća da ne odgovaraju direktori na pitanja ovdje vijećnicima direktno nego da odgovore pismenim putem uz, ali da bude zaključak jel imam informaciju da neki nisu direktori odgovorili. (Slađana Krajina govori bez uključenog mikrofona op.a.) Imo sam takvu informaciju. Možda su naknadno. U slučaju da neko od direktora ne odgovori na pitanje vijećnika da sljedeće, sljedeće godine kad budu izvještaji će im oboriti te izvještaje na Gradskom vijeću. Zahvaljujem.

NATAŠA PERIĆ

Dobro. Vijećnik Čavalić izvolite. Jel poslovnička?

ADMIR ČAVALIĆ

E jeste. Hvala predsjedavajuća. Poslovnička. Samo bih volio informaciju od sekretara Gradskog vijeća. Jesmo mi nekad usvojili zaključak gdje kažemo da, da možemo po tački tri izvještaja maksimalno da razmatramo da nam nije previše šest? Hvala.

NATAŠA PERIĆ

Pa ne znam. (Slađana Krajina govori bez uključenog mikrofona op.a.) Ja mislim da sugestije. (SLAĐANA KRAJINA – Možemo provjeriti ali ne mogu se sjetiti da smo usvojili zaključak.)

ADMIR ČAVALIĆ

Jel možemo kako provjeriti mogul predstavnici...(NATAŠA PERIĆ - Pa ne možemo sad.) Mogul provjeriti da imamo informaciju ako smo usvojili zaključak da ne kršimo ga? To je to.

NATAŠA PERIĆ

Pa može provjeriti ali ne može sad. (DAMIR MURATOVIĆ – Izvinjavam se.) Jel i vi poslovničku? (DAMIR MURATOVIĆ – Ja poslovničku samo.) Izvolite.

DAMIR MURATOVIĆ - vijećnik Socijaldemokrata Bosne i Hercegovine

U Programu rada kada smo usvajali mislim da smo se svi složili da je prijedlog bio dinamiku vi utvrđujete na Kolegiju i nije sporno to, ali mislim da sam ja uložio amandman na četiri a vi ste stavili pet ili šest hajde sad može to Slađa provjerit. Pet ili šest je bilo. Samo zbog funkcionalnosti nebitno eto.

NATAŠA PERIĆ

Usvojili smo sad Dnevni red i nemoj, nemojte dobacivat. Samo malo. Mi smo Dnevni red usvojili ovakav i danas tako realizujemo.

Imal potrebe za uvodnim izlaganjem? (Nema.) U redu.

Imal potrebe da se pročitaju izvještaji komisija? Nema.

Otvaram raspravu klubova vijećnika. Vijećnik Admir Čavalić. Izvolite. Ispred zajedničkog Kluba Naša stranka i Stranka za Bosnu i Hercegovinu.

ADMIR ČAVALIĆ

Hvala puno predsjedavajuća. Dakle, razumijevajući da je šest izvještaja ja ću iskoristiti vrijeme kako bi svaki izvještaj prošao i dao neke sugestije, kritike, dobre prijedloge i sl. i ukazao na neke stvari.

Prvo imamo SAOBRAĆAJ I KOMUNIKACIJU TUZLA D.O.O TUZLA. Nezgodno je dakle komentarisati ovaj izvještaj zato što VD direktor je bio samo mislim od kraja godine dakle, tu. Dakle, ovo nije njegov izvještajni period tako da ne možemo ni dobiti od aktuelnog menadžmenta neke povratne informacije. Ono što ja želim svakako da pohvalim još jednom dakle, što se sada u ovom mandatu dosta više agilnije radi. Evo napominjem sada se crtaju baš sam primjetio te, saobraćajni i pješački prelazi dakle, farbaju se crvenom bojom. Znamo za one zastavice, znamo za brojne intervencije u vezi rasvjete i sl.

Mene zanima i to je konkretno pitanje. U kakvom je stanju bežični internet „Tuzla wireless city“? Znamo da se to kao niz drugih projekata napuhavao, predstavljao u javnosti kao nešto revolucionarno i sl. Međutim, zanima me da li zaista to funkcionise, koliko je funkcionalno, koja je brzina interneta, da li ima, imamo li evidenciju korisnika, generalno da li se prati nešto, imamo li neki monitoring broja korisnika pojedinaca građana i građanki Tuzle koji koriste bežični internet u našem gradu?

Dalje, na strani 23 navodi se u izvještaju u toku 2022. godine sprovesti kompletan postupak za početak naplate usluga parkiranja mobilnim plaćanjem SMS. To sam ranije i predlagao sa nizom kolega i kolegica i to je usvojeno na prošloj sjednici, ali takođe kao izmjena oblika sankcionisanja prekršitelja Odluka o javnim parkiralištima na način da se ovim koji ne prekrše ne blokiraju vozila nego da kontrolori izdaju prekršajni nalog. To predlaže poduzeće. Ja bi volio zaključak da mi to još jednom podržimo iako smo i prošle godine podržali da nam čim prije dođe ta odluka. Vi se sjećate da sam ja uputio niz inicijativa dakle, pitanja u vezi navedenog.

Što se tiče također društvene, korporativne društvene odgovornosti poduzeća ovdje se navodi da je, da se posvećuje veća pažnja pješacima, da su brojni projekti ostvareni dakle, u smislu navedenog postavljanjem fizičkih prepreka u vidu stubića, betonskih polulopti i sl. i to

se navodi da je to društvena odgovornost. Moja preporuka, čisto sugestija dakle, kao ekonomiste jeste da se ovo ne svodi pod društvena odgovornost dakle, ovo su redovne aktivnosti poduzeća kada se postavljaju stubići, betonske polulopte uređuju i sl. dakle, to nije društvena odgovornost, to je nešto što je ekonomska odgovornost poduzeća.

A društvena odgovornost i tu dajem prijedlog/sugestiju menadžmentu bi bila da se malo više radi sa školama u smislu dakle, da postoji otvoren „Dan otvorenih vrata“ Saobraćaj i komunikacije Tuzla gdje školarci posebno osnovci mogu doći i posjetiti, vidjeti dakle, one ekrane kako funkcionišu, kako se prate semafori i sl.

Također dakle, moja sugestija je da se izvrši analiza potrebnosti i nepotrebnosti semafora na području grada Tuzla. Evo danas možete pratiti i unazad nekoliko dana onaj sporni semafor kod Batve ne radi dakle, ne radi, isključen je namjerno zato što uopšte nije trebao biti tu i brojni su se građani sa razlogom i žalili na to i onda jednostavno je neko odlučio da ga isključi i bolje funkcionišu saobraćaj jer ima manje gužvi.

Dakle, bilo bi dobro da. Dajem zaključak dakle. Da se izvrši revizija postojećih semafora i ukoliko je moguće da se dadne prijedlog gdje se mogu. Službama dakle, prijedlog. Gdje se mogu uraditi kružni tokovi jer mislim da je kružni tok daleko bolje rješenje, pogotovo u kontekstu aerozagađenja jer nema, nema dakle zadržavanja vozila semafor dakle, dok je crveno na semaforu, već prolaze brže kroz kružni tok.

Dalje, predlažem takođe u okviru korporativne društvene odgovornosti da se više radi sa fakultetima posebno Elektrotehnike da se studenti obuču, da imaju pristup, otvorena vrata i sl.

Takođe na strani 13 se malo ovog izvještaja stidljivo to spominje za razliku od prošlih izvještaja u vezi ovog turističkog vozića. On izgleda ne vozi i ne postoji ili postoji i šta je s njim dakle, da li se koristi mimo manifestacija i sl, da li ostvaruje kakvu dobit, koliko ostvaruje itd. dakle, šta je sa tim turističkim vozićem?

Dakle, dva su suštinska pitanja. Prvo je šta je sa vajlesom/„Tuzla wireless city“ i šta je sa turističkim vozićem dakle, kakva je, šta se dešava sa navedenim?

Idem dalje dakle, IZVJEŠTAJ O RADU „MEJDANA“. Pohvale za ove aktivnosti rekonstrukcije i fino je menadžment to, fino je naveo. Ima ovdje dosta fotografija/slika šta su radili, bageri rade itd. Treba nam navedeno. Za SWOT analizu još jednom pohvala i pohvala također za najbolji racio odnosa minimalne plate i najveće isplaćene plate u ovom poduzeću. Dakle, zaista direktor/direktorica ko god da bude „Mejdana“ u odnosu na sve ostale ima najmanju platu i odnosno još i možda što, hajd nije bitno toliko da ima manju platu i tu slažem se sa kolegom Husićem ja mislim da je on prošli put to spominjao, nego je bitno da ima najbolji racio, odnosno najbolji odnos između najviše i najmanje plate u korist onog koji ima najmanju platu.

Mene zanima pored ove, evo dao sam dosta pohvala. Isti je broj zaposlenika i nije se ni zapošljavalo i sl. Zanima me kako „Mejdan“ učiniti profitabilnijim? Dakle, toliko prostor, tolike hale, poslovni prostori i sl., a opet se većinom oslanja na podršku Grada Tuzle i podršku nekih drugih nivoa vlasti.

Zanima me kako suštinski riješiti to pitanje profitabilnosti „Mejdana“ jer napominjem bilo gdje drugo ne samo vani već i u Bosni i Hercegovini sportske dvorane su profitabilne. Dakle, imate izuzetan prostor koji možete koristiti, koji možete rentati, koji možete koristiti za reklamne aktivnosti, koje možete koristiti za organizaciju komercijalnih događaja itd. Pa u ostalom dvoranu možete koristiti za gala večere, za velike skupove. Evo sada će i kampanja vjerovatno će određeni politički subjekti iskoristiti navedeno platiti i bitno je da vidimo da su platili. Bilo bi dobro da ko god koristi dakle, „Mejdan“ da za veći skup od političkih subjekata to uredno plati i da mi kao vijećnici imamo uvid da je izvršeno plaćanje, jer sam dobivo informacije da se nerijetko koriste prostorije u našem gradu. Ne konkretno „Mejdana“ već npr. Kaleidoskopa i sl. u političke svrhe, a da se nema neka faktura, nema račun da se to nije platilo.

Također zanima me da li menadžment ima ideja? I bilo bi dobro. Dajem zaključak da se u budućem izvještaju svih javnih ustanova i javnih preduzeća navedu konkretne stvari. Neki to već rade i čestitam na tome. Konkretno stvari šta oni hoće da urade u tekućoj godini u odnosu na prethodnu godinu da bi unaprijedili poslovanje datog poduzeća, a da je to sasvim dakle, izvodljivo i da im Vijeće samo puhne u leđa, da im dadne dakle, podršku i da oni zaista to realizuju i da in držimo odgovornima i ako jesu to nisu realizovali, ali molim vas nemojte da kopiramo izvještaj. Ima. Vidim ovdje praksu dakle, neki menadžeri, odnosno odgovorne osobe za izvještaj samo kopiraju kopi pejs pa zaborave nekad i godinu slučajno dakle, kopiraju ovaj izvještaj prethodni dakle, šta piše sve pa ništa...Malo dodajte, malo promijenite, malo dodajte da kažemo lajički kazano začina čisto da izgleda drugačije u odnosu na ostale.

Ulazim polako, imam dvije minute pa ću nastaviti s ovim poduzećem. U izvještaju PANNONIKE TUZLA mene nako malo zanima. Znam da su službe sad. Prošli puta nisam dobio odgovor na to pitanje, u stvari dobio sam. Izvinjavam se uživo odgovor na to pitanje gdje sam pitao jel treće jezero jezero ili bazen jel službe su navele da je bazen, da imaju dva jezera i bazen? Sad vidim u Izvještaju Pannonike da su tri jezera. E sad me zanima zaista i volio bih da mi menadžment odgovori i da mi riješi tu dilemu ko je u pravu? Dakle, nadležne službe koje kažu dva jezera i bazen ili menadžment Pannonike koji kaže tri jezera? Dakle, ja sam odrasto u ubjeđenju da su tri jezera pa sam saznao da je bazen jedan, e sad, sad me ovaj izvještaj buni jer spominje da su tri, tri jezera dakle, da nema bazena. Pa me zanima konkretan odgovor dakle, jel bazen i dva jezera il tri jezera?

Zanima me zašto je tolika razlika između najviše isplaćene plate 1.956 konvertibilnih maraka i minimalne plate 512 konvertibilnih maraka? To je na stranici broj 8, a s druge strane se menadžment žali na činjenicu da ne mogu imati radne snage, ne mogu imati ugostitelja. Ovi što rade po minimalcu i sl. ne mogu in jednostavno obezbjediti tokom sezone i uvijek ima tu problema. Dakle, možda malo promijeniti racio i usporiti s rastom ove maksimalne plate od 1.956 maraka a ubrzati rast plate od 512 maraka. Također, maksimalan je rast bio maksimalne plate, a manji je bio rast prosječne plate u poduzeću. To nije dobro. Bilo bi dobro da prosječna plata raste više od maksimalne plate, jer osobama koje imaju masimalnu platu bilo gdje da se nalaze dakle, njima daleko lakše pada ova inflacija, ekonomska kriza i sl., nego osobama sa minimalnom platom.

Imam još desetak sekundi iskoristit ću to vrijeme da samo upitam da li je tačno, evo navodi se da fali radne snage. Da li je to zaista tačno i koliko fali konkretno radnika i koji su to radnici? Hvala puno predsjedavajuća.

NATAŠA PERIĆ

U redu. Hvala vam. Sljedeći za riječ se javio vijećnik Miodrag Tanasilović ispred Kluba SDP-a Tuzla. Izvolite. Joj izvinjavam se. Replika je bila. Vijećnik Admir Hasanbašić. Izvinjavam se.

ADMIR HASANBAŠIĆ

E hvala predsjedavajuća. Replika kolegi Čavaliću. On je iznjeo jednu činjenicu a to je da su semafori na ulazu Paša Bunar bespotrebno postavljeni. Naime, s tim se nikako ne slažem i evo upravo ovih dana koliko ne radi, desetak dana semafor imamo ogromne gužve do gotovo do pola Paša Bunara automobili su ne mogu da izađu. Čak sam juče bio očevidac jedne situacije gdje je malo nedostajalo da dođe do stradanja pješaka. Znači, ovo vrijeme ukoliko ne rade ovi semafori vozi se ludo i izgleda da naši vozači samo žele da ubace u četvrtu i da prolete kroz, kroz grad.

I ja sad predlažem jedan zaključak. Danas sam podnio i inicijativu. Predlažem zaključak da se urgentno izvrši uključivanje semafora na raskrsnici Paša Bunar, znači Rudarska ulica jer po nekom, po nekim mojim informacijama namjerno neko ne želi da ih uključi. Ne vodi se računa o građanima nego se vodi računa o vozačima. Hvala.

NATAŠA PERIĆ

U redu hvala. Replika. Vijećnik Čavalić. Izvolite.

ADMIR ČAVALIĆ

Moram ovdje replicirati kolegi. Mislim da je ovo subjektivna dakle, percepcija i kolege i evo moje malenkosti evo priznajem. Bilo bi dobro dakle, da stručni pojedinci naprave neku analizu da li je zaista taj semafor opravdan ili nije, a ne da ostavimo na moju percepciju ili na percepciju kolege ili percepciju građana. Ja opet kao kontra argument gužvama na Paša Bunaru mogu navesti dakle, izuzetne gužve na čitavom predjelu sjeverne saobraćajnice dakle, nekad zna bit dakle u, kad su radni dani, pogotovo kad je petak ili kad je oko tri/četiri imate do, do Tušnja dakle, do stadiona „Tušanj“ dakle, toliko je formiralo se vozila, čekaju tu i taj semafor samo otežava kretanje i stoje vozila i imamo problema i sa pješacima i sa vozačima, nervozni su, brzo voze itd. tako da bude daleko gore, a mislim da su čak isključili semafore upravo iz navedenog. Međutim, slažem se prema Paša Bunaru iz pozicije Paša Bunara gdje manje stanovnika dakle, prolazi nego što prolazi ovdje i vozača situacija je drugačija. Idealno rješenje, kompromis između ovog što je kolega govorio i moja malenkost jeste jednostavno da se pokuša napraviti kružni tok i da se samo kružni tokovi prave gdje god je moguće, a da se izbjegavaju semafori. Hvala.

NATAŠA PERIĆ

U redu hvala. Sljedeći za riječ se javio...Molim? (ADMIR HASANBAŠIĆ – Ispravka krivog navoda.) Ispravka krivog navoda. Izvolite. Vijećnik Hasanbašić.

ADMIR HASANBAŠIĆ

Kada je u pitanju dužina trajanja znači, u pozitivnom smislu ispravka krivih navoda. Kada je u pitanju dužina trajanja znači, zelenih, zelenog svjetla vezano za Paša Bunar mislim da je ono previše dugačko. Znači, treba ga malo skratiti i apsolutno ondje nije moguće izvesti kružni tok znači, jer je tu izvršen, vršen projekat tako da samo treba malo još da se koriguje vremenski period uključivanja zelenih i crvenog svjetla i mislim da neće biti apsolutno nikakav problem. A ove gužve što navodite one su u cijelom gradu i to u intervalu od četiri do pola šest kada ljudi dolaze sa posla. Hvala.

NATAŠA PERIĆ

U redu. Ispravka krivog navoda. Vijećnik Čavalić.

ADMIR ČAVALIĆ

Samo moram tu komentarisat. Dakle, te gužve jesu dakle, prisutne širom grada posebno na izlazu iz Tuzle i sl. prema Slavinovićima itd. ali nikada toliko i u tolikom intenzitetu nisu bile tu na području Batve i tu se mještani Batve posebno žale jer ne mogu onda izać zbog tih

gužvi a Batva je daleko veće naselje od Paša Bunara. Ali slažem se evo sa kolegom i prihvatit ću kao zaključak i predložiti da se unaprijedi sistem saobraćajne signalizacije, odnosno semafora na tom području. Čak ako može da se ugrade senzori i čak da ako može da se prilagodi dakle, da se uvede rašauer odnosno sat gužve. Kada imamo gužvu da se to tempira da se smanji možda tokom tih gužvi za Paša Bunar da se poveća na uštrb sjeverne saobraćajnice, a s druge strane kada nisu gužve, odnosno kad tokom dana, jutro, podne da se poveća dakle, koliko ide sekundi za Paša Bunar a da smanji na uštrb ostalih. Hvala.

NATAŠA PERIĆ

U redu hvala. Sljedeći za rije...Nema po jednom je. Po jednom. Po jedna replika. Po jedan krivi navod. Vijećnik Miodrag Tanasilović ispred Kluba SDP-a. Izvolite.

MIODRAG TANASILOVIĆ – vijećnik Socijaldemokratske partije

Zahvaljujem predsjedavajuća. Evo obzirom da se prvi put javljam želim sve srdačno da vas pozdravim. Ja bi se osvrnuo na IZVJEŠTAJ O RADU I POSLOVANJU SPORTSKO-KULTURNO PRIVREDNOG CENTRA „MEJDAN“ obzirom da sam dole proveo više od dvije trećine svog života. Nekako me dosta lijepih uspomena veže za taj objekat.

Što se tiče dakle ovog finansijskog izvještaja ne bih puno trošio riječi na isti jer je zaista sve decidno objašnjeno i brojevi su svi na svome mjestu što se kaže jedino što treba istaći jeste da je dakle, „Mejdan“ poslovao pozitivno da je ostvario dobit od 65.000 maraka. Međutim, evo svi znamo šta se zadesilo 2020.godine u julu kada su bile obimne kiše i kakva je nezgoda, odnosno prirodna katastrofa pogodila „Mejdan“. Evo kolega Čavalić je malo spomenuo da su ovdje u izvještaju prikazane dakle, slike na kojima se vide radovi na sanaciji svih prostora, svih dvorana u Sportsko-kulturnom centru „Mejdan“. Da su također izvršeni i vanjski radovi na odvodnji tih otpadnih voda, odnosno oborinskih voda i ja se iskreno nadam da se u budućnosti ovo neće više ponoviti jer „Mejdan“ sad zaista izgleda prelijepo i što se kaže sa obrazom može primiti sve sportske klubove i reprezentacije iz Evrope i znači, kao Tuzla, kao grad nećemo se zasigurno postiditi naše dvorane.

Također kada smo, evo ovdje se pominju i opet je kolega to Čavalić napomenuo. Poslovni prostori u „Mejdanu“ i u razgovoru sa direktorom „Mejdana“ ja sam to i od prije znao, ali eto i on mi je to potvrdio. Dosta poslovnih prostora u Sportsko-kulturno privrednom centru „Mejdan“ je u privatnom vlasništvu dakle, što otežava samom „Mejdanu“ da vrši iznajmljivanje istih i da se malo obogati sadržaj i ponuda „Mejdana“. Dakle, teško je, teško je, teško je natjerati da tako kažem vlasnike tih lokala da nešto poduzmu ili da, da ih iznajme da se nešto uradi međutim, evo ja bih kao neki možda i zaključak ili prijedlog da mi kao Gradsko vijeće pomognemo, odnosno preko nadležne službe da se odobre određena sredstva da „Mejdan“ otkupi te lokale kako bi ih mogao staviti u funkciju. I evo ovdje kroz izvještaj sam primjetio i da je kuglana ova nije u funkciji i da bi i u nju trebalo još više uložiti i srediti, tako da bi „Mejdan“ zasjao još većim sjajem i na svu radost i sreću svih nas da bude, da bude ponos, ponos grada Tuzle. Toliko od mene. Hvala.

NATAŠA PERIĆ

U redu hvala. Da li se još neko javlja ispred klubova vijećnika?

Zaključujem raspravu klubova vijećnika.

Otvaram raspravu vijećnika. Vijećnica Merima Softić. Izvinjavam se. Hajde možete. Izvinjavam se. Hajte, hajte.

MERIMA SOFTIĆ SPREČIĆ

Pozdravljam sve prisutne. Evo ja ću kratko. Neću diskutovati o svim izvještajima pojedinačno imaju i moje kolege iz Kluba SDP-a ali bi iskoristila ovu priliku da evo IZVJEŠTAJ O RTV 7 pohvalim, pohvalim metodiku pisanja. Zaista se u izvještaju nalazi sve o programskim šemama. Ko je zadužen za određene aktivnosti. Imali su ovaj težak period iza njih i naravno sva ostala preduzeća radi kovid pandemije gdje su zaista, evo ja se lično u svoje ime zahvaljujem a vjerujem i dosta građana na način na koji su odgovorili u ovoj pandemiji jer su zaista direktno bili izloženi u samoj pandemiji. Sami su na neki način morali da paze na koji način će izvještavati građane o svemu, tako da što se tiče samog izvještaja o radu, o poslovanju njihovom, sve ono što se nalazi u samom izvještaju o saradnji sa svim nevladinim sektorom, sa sportskim udruženjima, sa svim određenim drugim evo reći ću učesnicima koji su jako važni da bi se promovisali, generalno koji su odgovorni za društveni i ekonomski razvoj u našem gradu oni su odgovorili na najbolji mogući način. Ja ih ovom prilikom pohvaljujem i naravno njihovom izvještaju. Evo i Klub SDP-a će glasati za.

Što se tiče PREDUZEĆA KOMUNALAC ja bi ovdje samo iskoristila jednu priliku da postavim pitanje vezano. Nije mislim vezanao za prošli izvještaj, ali to moram da pitam obzirom da imam informaciju da je došlo do naplate bašta kod ugostiteljskih objekata znači dodatne kvadrature koja se naplaćuje, pa želim da postavim pitanje direktoru.

Na osnovu koje odluke, koji Aneks ugovora je napravljen da bi se ovako nešto uradilo obzirom da je to jedan dodatni veliki namet na ugostitelje što se tiče korištenja ugostiteljskih bašta da li to dodatno šta pravi, jel dodatno se uvećava smeće tokom ljetnog perioda ili šta? Et jednostavno želim da kao vijećnica dobijem ovaj odgovor obzirom da sam od određenih ugostitelja zamoljena da postavim ovo pitanje. Da danas mi je prilika pa izvinite mi ako se ne tiče samog izvještaja o radu i poslovanju za prošlu godinu.

Što se tiče PANNONIKE ona je naš biser. Trebamo svi raditi na tome da svako iz svog ugla promoviše. Mi trebamo postajati lagano turistički grad, jer sve ono što je bilo u nekom narednom periodu, što je daleko iza nas prije dvadeset/dvadesetpet godina nažalost mnogo je uništeno, nije nastavilo sa svojim radom, ali evo okrenuli smo se i iskoristili naše bogatstvo prirodno u centru grada i sada ga trebamo negovati. Zahvaljujem se zaista na svim programskim sadržajima koje Panonika radi kako bi napravila određeni profit i uložilo dodatno preduzeće kako bi sadržaj bio primamljiv za sve one goste koji dolaze sa strane ali i za same nas građane.

Ono što sam htjela zamoliti je da preduzeće u nekoj svojoj narednoj, evo u budućnosti razmisli o tome da pored evo ljetne sezone koju želim, a svima nam želim da bude uspješna, da ima mnogo sunčanih dana kako bi se isplatilo sve uloženo, da se razmisli i o ledenim stazama u toku zimskog rada. Nešto što će oplemeniti zimsku čaroliju u gradu. Znači, razmišljati i o tome da u skladu sa finansijskim mogućnostima klizalište bude kao šetališne staze pored ovog klasičnog klizanja oivičenog u kvadrat. Predivno jeste, ali nekako nam pristaje da razmišljamo o malo modernijem pristupu pravljenja ledenih staza, pa evo neka ovo bude ideja za neku bližu budućnost. Bilo bi korisno i za starije uzraste sigurna sam. Možda park u gradu ili šetnjica oko jezera bilo bi inovativnije i zanimljivije. Znam da to nosi velika finansijska ulaganja, ali evo neka to bude neka ideja o kojoj bi se moglo razmišljati u budućnosti. (NATAŠA PERIĆ – Isteklo vam je vrijeme.) Mogul još samo minut? (NATAŠA PERIĆ – Hajte.) Ako mi dozvoljavate vezano je za MEJDAN? (NATAŠA PERIĆ – Hajde.)

Hvala na odgovoru kao vijećnici vezano za jednu vrstu Spomen sobe ili muzeja sporta unutar „Mejdana“. Vidim da ste zainteresovani da se ta ideja nastavi, da se realizuje i nadovezat ću se na vaše rečenice koje ste rekli da ne želimo da to bude nešto osrednje. Želimo da to bude zaista jedna re-pre-zen-tan-tna sportska soba vrhunskih rezultata svih sportskih vrhunskih istaknutih ličnosti grada Tuzle sa određenim njihovim eksponatima. Želim da se tome pristupi

zaista ozbiljno i evo tražim od vas kao sportašica, ali evo i kao vijećnica, nadam se da će me podržati i u budućnosti jer će to sigurno tražiti određena finansijska sredstva što se tiče rebalansa Budžeta, ali i samog preduzeća da samo preduzeće napravi jedan predračun što se tiče same te Spomen sportske sobe kako bi imali neki evo prvi, prvu polaznu tačku od čega bi trebali krenuti kako bi to ispalo zaista dobro. To je to. (NATAŠA PERIĆ – Dobro.) Hvala.

NATAŠA PERIĆ

Hvala vam. Sljedeći za riječ se javio vijećnik Alen Kapidžić. Neka se pripremi vijećnik Nedžad Jusić.

ALEN KAPIDŽIĆ

Hvala. Pa evo Klub SDP-a je razmatrao sve ove navedene izvještaje i moram naglasiti da ćemo mi podržati ove izvještaje, a ja ću se posebno osvrnut na IZVJEŠTAJ JAVNO KOMUNALNO PREDUZEĆE „KOMUNALAC“. Iz ovog izvještaja jel prvo što se vidi da su oni pozitivno poslovali, a pored toga kad pogledate izvještaj stvarno imaju puno posla i puno su radili. (vijećnik Omer Berbić govori bez uključenog mikrofona op.a.)

Što se tiče projekata (NATAŠA PERIĆ – Jesam pitala sam jel ima neko...Samo vi nastavite. Izvinite. Jel čujete?) Čujem, čujem. Što se tiče projekata koji su realizovani iz izvještaja se može vidjeti da su, ovdje evo ima, ima tri pojekta koja su realizovana u 2021. godini. Tipski objekti za primarnu selekciju otpada, pravilno odlaganje ambalažnog otpada u gradu Tuzla i uspostavljanje sistema za održivo upravljanje kabastim otpadom na teritoriji gradova Užica i Tuzle. E sad što se tiče ovog zadnjeg kojeg sam pročitao na sljedećoj stranici kad pogledate vamo strana osam. Sedam i osam. Gdje piše odvoz krupnog i kabastog otpada.

Citiram, usluga odvoza krupnog i kabastog otpada će biti organizovana na način da će grad biti podjeljen na dvije zone. I sad u prvoj zoni su navedene koje su to mjesne zajednice i kaže se da će se kabasti otpad preuzimati mjesečno u tim mjesnim zajednicama koje su u prvoj zoni, a u drugoj zoni kabasti otpad će se preuzimati jednom u svakom godišnjem dobu. Ja mislim da ovo nije dobro i evo moj, moj neki zaključak da se ne, ne pravi razlika u ovim mjesnim zajednicama u zoni jedan i dva. Vidi može nam se desiti da nam kabasti otpad stoji tamo u nekim mjesnim zajednicama po tri mjeseca. Mislim da to nije u redu. Ili da bude učestaliji odvoz ili da to ide na zahtjev Savjeta mjesne zajednice. Znači, kad oni kažu trebamo, treba da se odveze da se to odveze.

Sljedeće što želim da naglasim. Znači, ovdje vidim s obzirom da sam ja i podnosio inicijativu za otvaranje postrojenja za proizvodnju peleta odgovoreno mi je da, da to je nemoguće realizovati tu inicijativu. Ovdje vidim unutar ovog projekta da je odrađeno ili urađeno to tzv. infrastrukturno opremanje koje podrazumijeva nabavku kontejnera za prihvatanje unutar ovog projekta je li i transport ove vrste otpada, nabavku specijalnih mašina za mljevenje i sitnjenje kabastog otpada.

Sad me interesuje šta se dešava s ovom piljevinom znači, da li se ona negdje deponuje? To je moje pitanje direktoru. Ili se distribuira dalje? Ako se distribuira želio bi da to bude, ako je to u pitanju znači, da se distribuira dalje. Da to bude u tabeli prihoda preduzeća u sljedećem izvještaju prikazan. Ako se ne distribuira dalje, ako se deponuje negdje da mi se evo odgovori gdje se deponuje i šta se planira s tim što se dobije od tog mljevenja kabastog otpada?

Želim još jednu stvar da naglasim i posebno da podcrtam ovo što je kolegica Merima rekla. I ja sam dobio pozive od nekih ugostitelja i da su povećane cijene odvoza smeća i takođe me interesuje po kojoj je to odluci a evo, a nek odgovori zajedno i meni i Merimi, je došlo do povećanja cijena odvoza smeća? To je to. Hvala vam.

NATAŠA PERIĆ

U redu hvala. Sljedeći za riječ se javio vijećnik Nedžad Jusić. Neka se pripremi vijećnica Selma Čatibušić.

NEDŽAD JUSIĆ

E hvala. S obzirom pošto imamo tačku Dnevnog reda RAZMATRANJE I USVAJANJE IZVJEŠTAJA O RADU JAVNIH PREDUZEĆA, ČIJI JE OSNIVAČ ILI SUOSNIVAČ GRAD TUZLA

Znači, imamo Javno preduzeće Radio i televizija 7, Komunalac, Pannonica, Saobraćaj i komunikacije, Sportsko-kulturno privredni centar „Mejdan“, Javno preduzeće BIT Centar i ja ću se pokušati fokusirati na ova dva javna preduzeća, ali prije svega želim da se iskreno znači bez imalo kurtoazije zahvalim menadžmentu, odnosno direktoru Javnog preduzeća „Komunalac“ Tuzla na izuzetno dobroj i kvalitetnoj mogu slobodno reći saradnji u prethodnoj godini jer smo između ostalog i realizovali određene aktivnosti, a prvenstveno bi spomenuo projekat koji je finansirao Federalni zavod za zapošljavanje gdje smo uz određene programe angažovali određenu radnu snagu, a između ostalog to je sufinansirao Federalni zavod za zapošljavanje i sad da ne bi govorio za sva druga javna preduzeća. Mislim da smo mi i na prošloj ili predprošloj sjednici usvojili jedan zaključak, ali bi ponovo podcrtao taj zaključak gdje pozivamo sva javna preduzeća i ustanove da prilikom objavljivanja Javnog poziva od Federalnog zavoda za zapošljavanje i drugih insititucija koji sufinansiraju zapošljavanje radnika na određeni vremenski period da se ta sredstva koriste kako bi što veći broj građana grada Tuzle bili zaposleni. Pa sad da li je to tri/šest mjeseci, godinu dana vidjet ćemo u narednom periodu kako u stvari program omogućava, a sve u skladu sa zakonom.

Više bi se osvrnuo sada vezano za JAVNO PREDUZEĆE RADIO TELEVIZIJA 7 D.O.O. TUZLA. Izvještaj je OK što se tiče izvještaja i pročitao sam na kraj krajeva određene aktivnosti koje su rađene i ovom prilikom takođe se zahvaljujem svim zaposlenicima između ostalog Radio televizije 7 koji su stvarno profesionalno radili svoj posao u prethodnoj godini kao i u budućnosti i nadam se da će tako biti kada je u pitanju izvještavanje o nacionalnim manjinama u gradu Tuzla.

Međutim, dobro je što ovdje u izvještaju stoji na strani 8, odnosno 9 određeni projekti koji su praćeni, odnosno bili uključeni sa Radio televizijom 7 vezano na smanjenju govora mržnje i predrasuda prema Romskoj populaciji i drugim nacionalnim manjinama u gradu Tuzla i Tuzlanskom kantonu. Između ostalog tu su dva projekta koja su bila i koja su se realizovala u prethodnom periodu i stvarno tu je realno i dobro, praćene su sve aktivnosti od Radio televizije 7. I moja je na kraj krajeva preporuka da se i u narednom periodu nastave praćenje ovakvih i sličnih aktivnosti kada su u pitanju nacionalne manjine u gradu Tuzla.

Nadalje, na strani 13 govori izvještaj o muzičkom programu. Super. Vidjeli smo ovdje na kraj krajeva određene žanrove muzike koji su emitovani, koji su jednostavno realizovani u sklopu programske šeme.

Između ostalog ja težim. Ja sam od samog početka svog mandata govorio da mi kao grad Tuzla moramo biti primjer drugima i jesmo u većini slučajeva kada je u pitanju očuvanje kulturnog identiteta nacionalnih manjina i između ostalog moj je prijedlog menadžmentu Radio televizije 7 Tuzla da u svoju programsku šemu na kraj krajeva jel vide, na kraj krajeva oni su profesionalci znaju kako će to urediti da imamo određene emisije/programe na očuvanju kulturnog identiteta nacionalnih manjina. Da li to u početku da ide sa romskom muzikom, sa talijanskom, makedonskom, albanskom, da imamo emisiju rećemo u tom, u toj sferi, ali između ostalog i drugi sadržaji da budu koji će raditi na tome, na očuvanju kulturnog identiteta

nacionalnih manjina, jer samim tim i sa ovak-vom emisijom ćemo smanjiti određene stereotipe predrasude prema nacionalnim manjinama pogotovo prema Romskoj nacionalnoj manjini.

Ja sam siguran u tome da će menadžment Javnog preduzeća Radio televizije 7 d.o.o. Tuzla razmotriti ovaj moj prijedlog i da ćemo u narednom izvještaju imati i informaciju o realizovanim ovim emisijama. Hvala.

NATAŠA PERIĆ

Hvala vama. Sljedeća za riječ se javila vijećnica Selma Čatibušić. Neka se pripremi vijećnik Čavalić.

SELMA ČATIBUŠIĆ

Ja ću biti jako kratka. Što se tiče JAVNOG KOMUNALNOG PREDUZEĆA „KOMUNALAC“ TUZLA željela bih da pohvalim uopšteno hajde da kažem ovu, ovu sadašnju proceduru koja se dešava kada je u pitanju primarna selekcija otpada i sam Grad Tuzla bi u svakom slučaju tu pohvalila i pozvala naše sugrađanke i sugrađane da što više rade na tome da gdje god postoje kontejneri i nadam se da će se i širiti mreža tih kontejnera za primarnu selekciju otpada. Da će svako naselje imati makar po jedan ili dva takva kontejnera. Apelujem i da se i et predlažem i u formi zaključka što više širi takva mreža i po, po drugim mjesnim zajednicama a ne samo onim centralnim, kao i da se domaćinstvima koji je li nisu u zgradama počnu dijeliti i takve kante za primarnu selekciju otpada. Opet ponavljam. Apelujem na naše građane da razdvajaju (NATAŠA PERIĆ – Malo tišine molim vas.) razdvajaju smeće. Nadovezala bih se na rečenicu kolege. U stvari ne znam ko je pitao tačno zbog čega je povećan odvoz smeća? Prema informacijama koje ja imam ukoliko se zaista svi zajedno ne pozabavimo tim problemima naše deponije su zaista pretrpane i uskoro ćemo odvoziti smeće vjerovatno po lokalnim nekim sredinama i ko zna koliko će tek tada biti cijena samog smeća. Tako da smatram da je dosta toga naravno i na samom preduzeću, ali isto tako dosta je i do nas. Ukoliko se svi zajedno udružimo mislim da na ovom problemu zaista sistemski možemo poraditi.

Također predlažem zaključak da Grad Tuzla razmotri mogućnost sufinansiranja vreća za primarnu selekciju otpada koje će se moći podijeliti građanima koji zaista žele to da rade i time da se bave i da se također u narednom periodu razmotri i stavljanje nadzornih kamera na tim područjima da građani koji nažalost, ako se to dešava zloupotrebljavaju, zloupotrebljavaju te kontejnere ne koriste ih u prave svrhe a naravno da se takve stvari počnu i sankcionisati. Tako da eto podržavam svakako, podržavam svakako je li ovu, ovakvu jednu inicijativu i voljela bi da nastavimo raditi svi zajedno na tome. Također još nešto što želim da se osvrnem kada je u pitanju primarna selekcija otpada u formi zaključka bi predložila da također Grad Tuzla išta dovoljan broj obrazaca koji će se podijeliti svim kućanstvima u našem gradu na koji način i kako koristiti primarnu selekciju otpada.

Kada je u pitanju PANNONIKA TUZLA imala bi samo jednu inicijativu za direktora i upravu i ja sam već na neki način hajde da tako kažem dopisivala se s direktorom za ovu jednu sitnu inicijativu koja se odnosi na postavljanje tzv. kućica za knjige ili onih kutija za razmjenu samih knjiga. Odgovoreno mi je da je to jednom radilo neko udruženje. (NATAŠA PERIĆ – Molim vas malo tišine.) Da je to jednom radilo neko udruženje, da to uopšte nije radila Panonika ili Grad Tuzla i da nije bilo neke posebne volje za eto tu razmjenu knjiga, a ja sam lično skupljala mjesecima nekoliko knjiga jer sam smatrala da je to nešto jako lijepo jel je takva praksa i po Evropskim gradovima. Pa eto voljela bih zaista da se ova inicijativa usvoji, da se vrati, vrate te kutije na Panoniku, a možda čak i u sam centralni naš park i da oni ljubitelji knjiga mogu da razmjenjuju tu knjige. Tako da isto tako apelujem na direktora Panonike da

malo više uvažava neke naše ideje i inicijative koje dolaze od strane vijećnika a koje su eto tako lako ostvarljive.

I dotakla bih se samo još RTV 7. Kada je u pitanju izvještaj smatram da je izvještaj puno bolji obzirom na samu situaciju na terenu. Bit ću veoma iskrena. Naravno da nisam zadovoljna radom RTV 7 zato što smatram da ne rade jednako u službi za sve građane. Opet ponavljam lično na svom primjeru sam osjetila diskriminaciju. Mogu slobodno reći ugrožavanje mojih ličnih prava kao građanke ovog grada a ne samo kao vijećnice kada nisam imala pravo da dam izjavu ne kao vijećnica, nego kao sudionik i aktivistkinja u jednom studentskom da tako kažem pohodu. (NATAŠA PERIĆ – Isteklo vam je vrijeme.) Samo evo završna rečenica. Smatram da RTV 7 mora i može puno više i bolje da radi. Da svi trebamo da imamo jednak pristup javnom servisu obzirom da svi plaćamo javni servis i da stvari koje su se meni lično desile ne treba da se ponove niti jednom nosiocu određenih funkcija, a prvenstveno niti jednom građaninu ili građanki ovog grada.

NATAŠA PERIĆ

U redu hvala. Ispravka krivog navoda. Vijećnik Hasanbašić. Izvolite.

ADMIR HASANBAŠIĆ

Hvala predsjedavajuća. Pa ispravka krivih navoda odnosi se na dio gdje je koleginica Selma rekla da je došlo do povećanja cijena usluga odvoza smeća u domaćinstvima. Vjerovatno nije koleginica dobro razumjela. Do povećanja odvoza smeća u domaćinstvima nije došlo, ja znam sigurno u posljednjih desetak godina. To se vjerovatno odnosilo na, na povećanje cijena koje su pitale kolege iz SDP-a vezano za lokale. (NATAŠA PERIĆ – Ugostiteljstvo.) Za odnosno ugostiteljstvo. Jeste. E hvala.

NATAŠA PERIĆ

Ispravka krivog navoda. Vijećnica Čatibušić.

SELMA ČATIBUŠIĆ

Vjerovatno kolega nije dobro me čuo ili razumio. Ja sam navela da je neko od kolega upitao da li je došlo do povećanja i ja sam se nadovezala na to da ukoliko se ne pozabavimo ovim problemom obzirom da su naše deponije zaista pune, da u narednom budućem periodu možemo očekivati da cijene zaista porastu i da počnemo smeće odvoziti po nekim drugim lokalnim zajednicama. Tako da (NATAŠA PERIĆ – U redu.) nisam nikada rekla da je došlo do povećanja nego sam se nadovezala da je neko pitao za to.

NATAŠA PERIĆ

Dobro razumjeli smo. Hvala. Vijećnik Admir Čavalić. Izvolite. Neka se pripremi Hasib Hirkić.

ADMIR ČAVALIĆ

Hvala puno predsjedavajuća. Ja nastavljam sa PANNONIKOM. Dakle, na stranici 10 se kaže da je to uvjerljivo najjeftinija turistička destinacija u Bosni i Hercegovini i zanima me odakle ti podaci, jel imamo neku komparaciju? I dajem zaključak da ubuduće imamo

komparaciju i sa drugim turističkim destinacijama. Drago mi je da su i kolegice iz većine rekla da mi treba da postanemo turistički grad, znači nismo. Bio sam u pravu svo vrijeme.

Moje pitanje, a ovdje sam inspirisan Omerom Berbićem i njegovim nastupom na fejbuk društvenoj mreži, on je pisao o tom a evo ja postavljam pitanje:

Da li gradonačelnik ili sada već odlazeći gradonačelnik Tuzle plaća ulaznicu na Panoniku i da li je ikad plaćao? Volio bih odgovor na to pitanje. I dajem zaključak da svi gradonačelnik i vijećnici Gradskog vijeća Grada Tuzla plaćaju ulaznice na Panoniku dakle, da ne ulaze besplatno. Zašto? Zato što je izuzetno porasla cijena ulaznica i moramo se solidarisati sa našim građanima. Ja hvala Bogu plaćam. Moja kćerka je trenutno na Panonici i svi ćemo plaćati dakle, od početka zadnjih dvadeset godina uredno plaćamo i ne koristimo te benefite, a nadam se da nisam u pravu da i gradonačelnik plaća ulaznicu.

Zanimaju me ugovori o djelu. Ko su radili, ko je gospodin Ferid Muharemović koji je uzeo 35.750 maraka, odnosno dobio na sudu protiv Panonike da li je to razlog zašto su porasle cijene zato što je Panonika morala jednom svom bivšem radniku iz Živinica dati 35, više od 35.000 maraka?

Idemo dalje. BIT CENTAR TUZLA. Zašto ni jedna firma nije nova ubačena u ovaj centar koji radi izuzetan posao i svi smo ponosni na ovaj centar, jeste dijamant našeg grada u 2021. godini i zašto je 95% iskorišteno prostora kada može biti 100%?

Međutim, mene još više zanima koja je tačna struktura kompanija u smislu dakle, da su poduzetničke, inkubacione ili uobičajene rente da li je najviše i da li je tačna informacija da je uglavnom najviše uobičajenih renti? Ako je tako onda to nije inkubator, onda je to samo prostor za rentanje. Zanimaju me da li je to tačno i opet tražim prosjek godina koliko kompanije ostaju u BIT Centru jel tačno da ostanu deset/petnest godina da se inkumbiraju toliko dakle, po deset/petnest godina dok se ne izlegu u šta već i zašto je došlo do pada 2020/2021 pada broja kompanija i firmi?

Krećem sa RTV 7. Prije svega kao što je kolegica Selma Čatibušić navela brojni su problemi. Pazite, problem je što je ovo stranačka televizija, kompanija šta već i uglavnom se fokusira na promovisanje pojedinaca iz jednog političkog subjekta i to je sasvim jasno. Dalje je problem što ne ispunjava svoju funkciju da je javni servis. Napominjem da građani grada Tuzle shodno novom rebalansu gdje dajemo 700.000 konvertibilnih maraka za ovu televiziju da-ju godišnje preplatu 25 KM. Dakle, 25 KM svaki građanin Tuzle kao nosioc domaćinstva daje za RTV 7, što znači RTV 7 je duž-na po važećim zakonima da poš-tuje političku volju i bilo kakvu drugu volju i pluralizam svakog građanina našeg grada a to ne radi i zanemaruje totalno građane koji su glasali za neke druge političke opcije od one preferencijalne za RTV 7 Tuzla. I to je ključni problem ovog grada. Problem je i što smo im dali više 50.000 maraka na rebalansu a oni su dobili stan. Nekakav imaju jednosoban stan. Kakav je to stan? Ko koristi stan? Ko je trenutno u stanu RTV 7 Tuzla i otkud da RTV 7 Tuzla posjeduje neki stan? To se navodi u izvještaju. Ko živi u tom stanu? Dakle, jednosoban je mislim stan. Manji je neki garsonjera ne znam šta već, al ko i hoćel planirat jesul prodali taj stan šta će im uopšte stan, jel emituju iz tog stana il šta već?

Dalje, dajem zaključak još jednom, a vratit ću se na ovaj izvještaj da se zove to tuzlanska televizija dakle, nek se ne zove RTV 7 već da se zove tuzlanska televizija jer RTV 7 i sedam broj ništa ne znači. Dakle, ništa ne znači za ovaj grad. Možda 035? Bolje nek se zove TV 035 i sl. dakle, da imamo neku poveznicu sa Tuzlom moramo jel je lokalna televizija. Uporno to govore. Dakle, moramo ih povezat sa našim gradom naročito ako građani 25 maraka godišnje plaćaju za navedeno.

Dalje da se zaključak donese da se smanji odnos racio najviše plate i minimalne plate. I ovdje nije dobar. „Mejdan“ je najbolji. Pohvala menadžmentu „Mejdana“ i prošlom i sadašnjem iako možda je to slično dakle, prošle i sadašnje zajedno djeluju i dobro je (nerazgovjetno izgovorena riječ op.a.)

I zaključak da se RTV 7 uključi u sistem istraživanja gledanosti. Nek plate da vidimo koliko su gledani. Ne možemo ovako napamet govoriti. Spominju neke tamo ankete. Kažu uradili smo neke vlastite ankete. Ja dajem opet prijedlog da dobijemo uvid evo kao vijećnik hoću uvid u te ankete. Dakle, ko je anketiro, ko je zvao i sl.?

I opet napominjem zaključak da RTV 7 zaposli lektora. Ovo ne navodim napamet. Čak šta više paradoksalno je. Oni navode. (NATAŠA PERIĆ – Isteklo vam je vrijeme.) Imam još 15 sekundi. Navode da treba zaposlit lektora, navode. Ja podržavam. I poslje navoda da treba zaposlit lektora prave grešku štamparsku. Prave tri neke tačke, pa zarez, pa nisu razmak napravili itd. Dakle, molim vas da zaposlimo lektora na RTV 7. Hvala.

NATAŠA PERIĆ

U redu hvala. Replika Merima Čavalić... Merima Softić. Pardon, pardon, pardon. (MERIMA SOFTIĆ SPREČIĆ – Merima Čavali-ću.) Izvinjavam se.

MERIMA SOFTIĆ SPREČIĆ

Nešto si se slatko nasmijo. Evo ovako kratko ću replicirat. Zaista ne znam na osnovu kojih informacija, otkud takav zaključak u diskusiji da neko ne kupuje ulaznice. Neću da ulazim uopšte da li je to, da provjeravam takve navode. Želim se ograditi u svoje lično ime. Kupujem karte za sve sportske manifestacije, utakmice sve gdje bih mogla imati gratis, gdje bi mogla imati određene povlastice, ali to ne želim zato što znam koliko to određenim klubovima i udruženjima znači. Tako isto svaki svoj ulaz na Panoniku uredno platim i ne pada mi napamet da iko u ovom gradu misli da je iznad nekog. Hvala.

NATAŠA PERIĆ

U redu hvala. Replika. (MENSUR ALIĆ – Poslovnička.) Molim? (MENSUR ALIĆ – Poslovnička.) Poslovnička. Samo malo. Poslovnička vijećnik Alić. Izvolite.

MENSUR ALIĆ

Ja bih zamolio predsjedavajuću da dopusti vijećnicima ili predsjednicima klubova kad izlažu da ne gleda baš u sekundu nego da pusti bar minutu do kraja jer čovjek kad završava jednom rečenicom koncentriše se i treba da je završi onako kako je on zamislio. Prekidom imate samo još pet sekundi, deset mislim da nije dobro. Po poslovniku zna se koliko ima ali pustite minutu. Nećemo propast zbog minute ovo Vijeće. Hvala ljepo.

NATAŠA PERIĆ

U redu. Vijećnik Čavalić. Ispravka.

ADMIR ČAVALIĆ

Samo ispravka krivog navoda kolegici Merimi. Dakle, ja sam naveo i može se u stenogramu potvrditi dakle, ja se ovdje referišem na navode Omera Berbića na fejbuku. Ako pogledate njegove navode on ne spominje vijećnike ali ja sam smatrao da je shodno da ubacimo. Podrazumijeva se. Ja vjerujem da svako od vijećnika i vijećnica plaća dakle, uredno sve svoje obaveze i to ne dovodim u pitanje niti sam doveo. Dakle, možete provjeriti stenogram. Samo sam se referiso na kolegu koji je naveo preko društvenih mreža da li tačno ili netačno da

gradonačelnik dakle, odlazeći ne plaća ulaznice. Dakle, on je to jednom naveo i ja sam htjeo da se mi solidarišemo tu sa gradonačelnikom u zaključku da ne bude baš da samo tjeramo gradonačelnika da plaća ulaznice već da bude i da vijećnici plaćaju, a znam svi da vijećnici plaćaju. Dakle, vjerujem da svako i ubjeđen sam. Nemojte samo da...I zato ispravka krivog navoda. Nemojte da bude da, da sam to kazao. Hvala.

NATAŠA PERIĆ

Replika. Elvir Bijedić. Samo malo. Replika Elvir Bijedić.

ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije

Zahvaljujem predsjedavajuća. Pozdravljam sve prisutne. Pri put se javljam i žao mi je što se zbog replike prvi put javljam, ali evo na tragu ovoga dakle, zaista bih zamolio kolegu Čavalića da ne preiducira kada je u pitanju Panonika ko plaća i ko ne plaća. Dakle, kao i kolegica Merima. Vi ste ipak pomenuli i ako ne mislite na vijećnike ali ste ih pomenuli. Ja vas molim da ne preiducirate i da mi ne...Pa kako ćemo mi donijeti zaključak na osnovu vaših nekih pa ne znam kako percepcije da neko od nas ne plaća. Dakle, molim vas da taj zaključak da ga povučete. Evo ja ću vas već sad zamoliti. Smatram ga zaista neozbiljnim. (NATAŠA PERIĆ – Ispravka.) Samo malo. Nisam završio. Izvinjavam se.

Hoću samo kolegi Čavaliću još da kažem da je Panonika ipak jedna poželjna turistička destinacija ma koliko se vi iz ne znam kojih razloga trudili da vi to nama ovdje objašnjavate kako to nije turistička destinacija i kako vaši parametri ekonomski, ja nisam ekonomista i evo poštujem vaše parametre, ali ne možete mi uzeti za pravo da kažemo da ipak turisti posjećuju ovu jedinstvenu turističku destinaciju i kao takva jedinstvena vrlo je teško uporediva sa bilo kojom drugom destinacijom u Bosni i Hercegovini. Tako da sve te usporedbe teško idu. Znete. Teško se možete porediti sa lječilištem u Gradačcu. Pa onda tamo vi nabrajate broj noćenja u Gradačcu, a u Tuzli ih nema. Postoji neki taj evo da tako kažem jedini turizam. Prođite pa ćete vidjeti. Mi nemamo oznake iz kojeg mjesta je ko, ali možemo i po naglasku, možemo u razgovoru sa ljudima vidjeti iz kojih mjesta okolnih čak i susjednih država dolaze. Dakle, i plaćaju parking. Prihoduju i od toga Javno komunalno preduzeće „Saobraćaj i komunikacije“, prihoduju, prihoduju marketi po gradu, prihoduju ugostiteljski objekti i sama Panonika u stvari je značajan profit. Vidjeli smo 36% iako se može unjeti hrana i piće. Dakle, nemojte se truditi da nas ubijedite. Mažete nam oči ekonomskim analitikama koje su onako kako bi reko statistika jedno otkriva drugo pokriva. Zahvaljujem.

NATAŠA PERIĆ

Samo malo. (ADMIR ČAVALIĆ – Ispravka krivog navoda.) Ispravka krivog navoda.

ADMIR ČAVALIĆ

Evo ispravka krivog navoda. Htjeo sam se referisati da uopšte nisam dakle, spominjao Panoniku u kontekstu turizma zato što nema veze sa turizmom. Ima veze sa kulturom življenja u našem gradu. Dakle, Panonika se prije svega gradila našim novcem, novcem poreznih obveznika za dobrobit Grada Tuzla, a ne turista kojih svakako nema.

Ja dajem evo još jedan čudan zaključak da mi angažujemo nekoga ko poznaje strane jezike i da broji dakle, da ide po Panonici intervjuiše/anketira ljude odakle su, koji akcenat imaju, odakle govore i da po tome procijenimo kolko ima turista ako već ne možemo koristiti

turistička noćenja. Jedino znam i to nije ekonomija. Dakle, ne bavi se ekonomija tim primarno bavi se bilo koja nauka u vezi turizma naj-vanjsiji dokaz dakle, da li ima turizma ili nema u jednoj zajednici jeste broj turističkih noćenja i tu je. Nema statistika laže ili sakriva itd. Tu je stvar sasvim jednostavna. E sad ako, ako smetaju taj indikator zašto ne pokazuje da u Tuzli naćaju ljudi, već samo da prolaze kroz Tuzlu onda ja predlažem. Evo prošli put sam kolegici Ani kazao hajmo brojat autobuse, sad predlažem hajmo ljude pratit po akcentu pa da napravimo neku analizu. Ali moramo imati neku analizu. Ne možemo samo reći ima turizma i očekivat da ljudi kažu pa dobro vjerujem ti na riječ zato što evo prošo sam gradom pa ćujem.

I molim vas ispravka krivog navoda. Svaka turistička destinacija je jedinstvena na svoj način. Svaka, svaka dakle, u svakom mjestu, u svakom selu, u svakoj mjesnoj zajednici svako ima neku jedinstvenu turističku destinaciju. Jedinstvena je zato što se uostalom nalazi tu. Nema, nema kopija. Niko nema dakle, svaka je jedinstvena. Nije to nešto. Ali je ona Panonika je naša i mi smo je dobro platili. Ćak šta više bilo je nekih afera vezano za direkciju itd. (NATAŠA PERIĆ – Privodite kraju. Ovo je već diskusija.) kako je ona plaćena itd. Ali nećemo ulaziti u navedeno. Ali navodim još jednom samo kao ispravku molim vas. Nisam se uopšte referiso niti sam spominjo sad Gradaćac, to se vuće još za prošlu godinu nit sam ulazio u to vezano za ovo vijećnika dakle, reagovo sam kolegici Merimi. Naveo sam, izvinjavam se zbog toga je krivo shvaćeno. Tu sam samo htjeo da se solidarišemo sa gradonaćelnikom. Hvala.

NATAŠA PERIĆ

Molim vijećnike koji gradonaćelnika nazivaju odlazećim. Mogu se iznenadit. Možda će gradonaćelnik ipak ostat ostajući, tako da nemojte molim vas da govorite odlazeći. (vijećnik Omer Berbić govori bez ukljućenog mikrofona op.a.) Može. (vijećnik Hasib Hirkić govori bez ukljućenog mikrofona op.a.)

OMER BERBIĆ

Hvala ljepo.

NATAŠA PERIĆ

Samo malo. Samo malo jeste. (OMER BERBIĆ – I ja sam prije.) Samo malo. Niste, niste. Samo malo. Hasib Hirkić. Ne. Vijećnik Hirkić. Nije. Vijećnik Hasib Hirkić.

HASIB HIRKIĆ

Zahvaljujem. Upravo sam htjeo da kažem vezano za ovo odlazeći gradonaćelnik. De da ne koristimo te termine s obzirom da ćovjek još uvijek nije ni prošao. Hoće li imat podršku neće li imat podršku i ako prođe hoće li prihvatiti mandat ili neće o tom po tom da pokušamo na taj način malo drugaćije gledati i ovaj grad i te nekakve ljutnje ili netrpeljivosti ostaviti po strani.

Što se tiće kolega Ćavalić je rekao vezano za „Mejdan“ da je jedno od najboljih preduzeća, evo ja ću reći da su najbolja preduzeća SiK i Komunalac s obzirom da rade na ćitavom području grada. Svih 40 mjesnih zajednica drže i pokušavaju da riješe probleme svih građana grada Tuzle. Mislim da to je vrijedno pomena.

Reći ću još jedno. Vezano za ovo vrijeme što se tiće, ovo što je Mensur pomenuo. Ako treba neko da dovrši misao i da kaže jednu riječ ili dvije treba mu dati prostora, a ukoliko i na tome se ne odradi evo imaju priliku svi. Mislim da ne trebamo ponavljati svako Vijeće ko papagaji. Nakon izlaganja svih vijećnika mogu ponovo tražit (NATAŠA PERIĆ – Jeste.) riječ

i da kažu. (NATAŠA PERIĆ – Ali ja ne mogu predvidjeti koliko. Izvinite dat ću vam ja riječ. Ali ja ne mogu predvidjeti koliko će još neko pričati pet sekundi ili minutu.) Kažite samo evo još minutu imate (NATAŠA PERIĆ – Tako i kažem.) i on nek se ograniči s tom minutom a evo mogućnost postoji da može i javiti se nakon svega toga. Javio sam se za diskusiju ali ću sačekati.

NATAŠA PERIĆ

Sačekat ćete samo nek prođu ove ispravke krivog navoda i replike. (HASIB HIRKIĆ - Hvala.)

ADMIR ČAVALIĆ

Mogu? Ispravka krivog navoda kolegi Hasibu. Dakle, samo kolega Hasib ispravka krivog navoda. Zaista nisam rekao da je „Mejdan“ najbolje poduzeće. Rekao sam da je dobra praksa da ima taj racio odnos minimalne plate i maksimalne. (vijećnik Hasib Hirkić govori bez uključenog mikrofona op.a.) Ma ja. Nisam rekao da je najbolje poduzeće. Definitivno nije. Mislim da „Mejdan“ nije, ne ide u tu kategoriju. Nisam dakle, naveo da je najbolje poduzeće niti sam i jedno favorizovano poduzeće. Tako da znate.

Vezano također što ste spomenuli za vrijeme. Slažem se sa kolegom Mensurom. Vi znate da ja pratim ovdje na štoperici koliko izlažem, ako me upozorite prihvatim, ali slažem se tu da je dobro da se može završiti rečenica a možda nešto ostane nedorečeno pa kao maloprije sa vijećnicima možda ne razumijemo na pravi način. Hvala.

NATAŠA PERIĆ

Replika. Pa nemojte naknadnih replika. (vijećnik Omer Berbić govori bez uključenog mikrofona op.a.) Dobro vi jeste. A vi ste, naknadnu repliku tražite meni. Znači, trebali ste odmah.

ĆERIM RASTODER - zamjenik predsjedavajućeg Gradskog vijeća Tuzla, - samostalni vijećnik

Znači, Omer replika idemo.

OMER BERBIĆ

Što na meni Ćerim?

ĆERIM RASTODER - zamjenik predsjedavajućeg Gradskog vijeća Tuzla, - samostalni vijećnik

Izvoli Omere tri minute.

OMER BERBIĆ

Hvala ljepo. Ništa evo ja želim da repliciram Čavaliću. Imao je vrlo interesantan zaključak da brojimo strane jezike. Ja mislim da bi tu trebali izbaciti dijasporu iz zaključka. Dijaspore se ipak vraća tu u domicijelno stanovništvo i oni nisu turisti po toj definiciji tako da

evo treba naći i taj modus. Ja bih volio da se to uključi u ovaj zaključak Čavaliću ukoliko je on za to? Da izbacimo i dijasporu iz tog dijela.

Što se tiče ovih navoda da neko plaća ili neko ne plaća to su navodi po društvenim mrežama koji ogorčeni ljudi pišu da neko ulazi bez da plati kartu itd. Te navode u društvenim mrežama treba i te kako ispitati i treba zaista tražiti od, od preduzeća, odnosno od menadžmenta preduzeća da takve stvari se minimaliziraju i evo da nam se odgovori i na to pitanje i čak i da se podrži evo ovaj zaključak gdje se mi ograđujemo od takvih stvari da neko ko je u izvršnoj vlasti, ko nosi javnu funkciju, ko je na Budžetu, ko ima platu sigurno preko 3.000 maraka u ovom momentu je to bio ostajući gradonačelnik da se ulazi, da imaju navodi da se ulazi na Panoniku bez plaćanja karte. Hvala lijepo.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala lijepo. (ADMIR ČAVALIĆ – Poslovnička.) Izvoli. Izvoli Čavaliću.

ADMIR ČAVALIĆ

Poslovnička kratko. Samo prihvatam dakle, dopunu zaključka kolege Berbića.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Dobro. Hvala. Redovna diskusija Omer Berbić.

OMER BERBIĆ

Hvala lijepo. Evo mi smo na prošloj sjednici kada je bio Izvještaj RTV 7 također diskutovali na temu da je direktorica slikana na Gradskom odboru SDP-a što nije dobra praksa. U međuvremenu se pojavila još jedna slika Gradskog odbora SDP-a od maja jedanestog gdje se direktora RTV 7 televizije slika na Gradskom odboru SDP-a BiH, odnosno SDP-a Tuzla.

Ja ovdje moram, nisam prošli put želio, ali moram ovdje da napomenem na par zakona koji se krše ovim. Prije svega Zakon o javnim preduzećima u Federaciji Bosne i Hercegovine član 12. U upravi javnih preduzeća ne mogu biti imenovana lica koja vrše funkcije u politički strankama. Član organa gradskog, političke stranke je vršenje funkcije unutar političkim strankama, unutar političke stranke. Molim vas da se na tome posebno fokusiramo jer se ovdje, jer se ovdje krše zakoni.

Dalje. RTV 7 u svom izvještaju navodi i evo ga ovdje znači 2 tačka 1: Javno preduzeće RTV 7 d.o.o. Tuzla nosilac je dozvole koju Regulatorna agencija za komunikacije dodjeljuje za javne radio televizijske stanice i kao takva mora u svom djelovanju se pridržavati pravila i propisa od strane Državne regulacione agencije za komunikacije RAK.

Ja sam otišao da vidim Zakon o javno RTV sistemu i Zakon o javnom RTV sistemu ne priznaje niti jednu javnu RTV stanicu koja nije jedan od tri stanice BHT, FTV ili RTRS to je jasno navedeno. Kaže se: Da bi bio javni emiter moraš biti dio korporacije koja je na nivou države a koja ima sjedište u BHRT-u. Ovdje se piše da RTV 7 nema sjedište u BHRT-u.

Član 27. tačka c. Što se tiče ovih političkih opredjeljenja kažu: Ako smo već evo prihvatili, jer tako pišu RTV 7 da su oni nosioci javne RTV stanice kaže da oni moraju poštovati pluralizam političkih ideja. Gospodo pluralizam političkih ideja se ne poštuje tako što se opoziciji ne da niti i jedna sekunda na TV-u cijelu godinu, a gdje vlast može u privatnom ili

profesionalnom odnosu birati koga će poslati na TV. Tako se ne poštuje pluralizam političkih ideja. Znači, član 27. zakona se krši.

Dalje, pod broj d. Sva politička i druga pitanja tretirati nepristrasno, omogućavajući ravnopravno sučeljavanje različitih gledišta sa ciljem jačanja demokratije. Ne-ma jačanja demokratije dok se opozicija ne stavi u javni RTV servis. Nema. Ako je RTV 7 gradski RTV servis ovim se krše za-ko-ni, zakoni države.

Član 32. tačka 1. Nije dozvoljeno emitovati propagandne poruke političkih stranaka i kandidata, a ovdje se samo iz jedne političke stranke kandidati mogu u profesionalnom, privatnom ili političkom odnosu pojavljivati na ovoj javnoj stanici.

Dalje. Generalni direktor. Sad je to vjerovatno na korporaciju ali evo u ovom slučaju da stavimo da je generalni, generalna direktorica ovdje pod broj b) odgovara za zakonitost rada. Ja sam ovdje našao tri člana koja nisu u zakonu.

Ali evo tačka 2. zarez 2. kaže: RTV 7 da koncepcije i programska politika koju smo utvrdili prilikom planiranja programske šeme, a ona je da se isključivo posvetimo lokalnim temama, događajima i ljudima da ukazujemo na probleme. To sam dva puta podcrtao jer se to ne dešava. Ali da ističemo pozitivne primjere iz sredine u kojoj živimo a to su pozitivni primjeri. Sve što gradonačelnik uradi je pozitivan primjer. Pokazalo se potpuno ispravnim. Danas s pravom možemo reći da je Javno preduzeće RTV 7 d.o.o. Tuzla građani smatraju svojom gradskom televizijom.

Eh s obzirom da je to tako striktno navedeno ja ovdje sada dajem zaključak da Gradsko vijeće naloži službama da obezbjede novac za ispitivanje gledanosti RTV 7 kako bi mi vidjeli da li zaista građani RTV 7 smatraju svojom gradskom televizijom. Znači, ukoliko jeste, ukoliko jeste onda će vjerovatno na ovom ispitivanju gledanosti imati sigurno preko 5, 6, 7% gledanosti u gradu Tuzla.

Moram da napomenem da nas RTV 7 košta 700.000 maraka sada. Prošle godine je 589.000 kao što je kolega Čavalić rekao 25 maraka po svakom građaninu Tuzle. Ako je ovo program koji mi dobijamo za 25 maraka dnevno ja rado neću plaćati tih 25 maraka. Možda treba napraviti sistem u kojem će građani odlučivati da li će plaćati te pare, a ne da mi dajemo pare iz Budžeta samo zato što se prenose propagandne poruke ili u ostalom neke druge stvari na ovoj javnoj, javnoj televiziji plaćen, plaćen našim novcem.

Znači, to je zaključak koji ja želim. Želim da kažem da se ovo ne odnosi na marljive uposlenike i na ljude koji rade, ali da se odnosi na uređivačku politiku i da ja kao vijećnik, vijećnik svih građana ni vlast ni opozicija ne mogu da prihvatim da se uređivačka politika kroji po željama jednog čovjeka ili po željama eventualno jedne političke partije. Hvala ljepo.

**ČERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Zahvaljujem se. Replika Čavalić Berbiću. (ADMIR ČAVALIĆ – Jeste.) Konkretno iznesite na šta se odnosi replika i poštujujte vrijeme.

ADMIR ČAVALIĆ

Dakle, replika se odnosi mislim za razliku od ispravke krivog navoda ne moram konkretizirati ali evo konkretizirat ću. Dakle, replika se konkretno odnosi kolegi Berbiću. Zapanjen sam dakle, iznesenim u smislu kršenja određenih zakona, odnosno potencijala kršenja zakona.

Shodno tome bi predložio kao zaključak da se formira jedan tim ispred Gradskog vijeća koji će sve ovo istražiti. Dakle, potencijalno kršenje i favorizovanje zakona i određenog političkog subjekta od RTV 7 Tuzla. Pitanje jednosobnog stana ili garsonjere koji posjeduje

RTV 7 Tuzla i pitanje imeil, imejlova koji mi redovno dobijamo na naš onaj ProtonMail dakle, od radnika gdje se oni žale da im se krše njihova prava u okviru RTV 7 Tuzla. Dakle, bilo bi dobro da imamo neku komisiju ili neki tim koji će sve to istražiti, jer ovo su vrlo ozbiljne stvari, ozbiljna pitanja. Evo sad smo saznali da to nije ni javna televizija dakle, dakle, vrlo, vrlo su konkretne stvari. A zašto nas sve to brine? Da ne dajemo 700.000 maraka iz Budžeta za RTV 7 Tuzla. (ĆERIM RASTODER – Na što vam je replika? Gospodine vi diskutujete.) Ne, ne. Ne mora se. Izvinjavam se. (ĆERIM RASTODER – Znači vi imate diskusiju. Vi ste se prijavili kasnije. Sad imate repliku i dajte repliku.) Molim vas izvinite. Samo poslovnička intervencija za vas. Dakle, pri replici samo moram navesti kome repliciram. (ĆERIM RASTODER – Vi diskutujete sad. Upravo vi ste prešli u diskusiju a tražili ste repliku.) Pa repliciram kolegi Berbiću dakle, a pri ispravci krivog navoda moram navesti šta ispravljam. I da završim. Dakle, puno je nejasnoća u ovom izvještaju. Molim vas da obratimo pažnju na ovo i ne bi nas ovo zanimalo da nismo 700.000 kao što je kolega Omer Berbić naveo, 700.000 repliciram dali i odnosno 25 maraka po građaninu Tuzle. Da smo dali 0 KM iz Budžeta za RTV 7 Tuzla bilo bi radite šta god hoćete vaša je televizija. Hvala puno.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala ljepo. Replika. Ana Pejić.

**ANA PEJIĆ - zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Replika Omeru Berbiću. Ja moram da ga ispravim i da kažem da direktorica RTV 7 nije u izvršnim organima SDP-a Bosne i Hercegovine, te ne znam kojim je to zakonom propisano da direktorica ne može da prisustvuje javnim skupovima. Toliko.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala. Redovna diskusija. (OMER BERBIĆ – Replika.) Izvoli Omere.

OMER BERBIĆ

Direktorica se dva puta skoro godinu godinu i po dana pojavljuje kada Gradski odbor SDP-a bira lista. Ja ne znam da li je to dovoljan dokaz, ali bi volio da se ti, ti navodi ispituju i ako jeste onda da se postupa po zakonu. Da odstupa ili sa pozicije unutar partije ili da odstupa sa pozicije javnog preduzeća. Jer nije okej i nema veze da li je il nije. Evo nema veze od toga ću odustati. Ali nije okej da direktorica javne televizije koja sekundu ne da opoziciji, bude na javnom skupu SDP-a BiH. Nije okej. I ja stojim kraj toga i toga se čvrsto držim, jer mislim da RTV 7 treba depoliti-zi-ra-ti ako hoćemo da imamo bilo kakvu vrstu kvalitetne televizije. Hvala.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hasib Hirkić. Redovna diskusija.

HASIB HIRKIĆ

Zahvaljujem. Vezano za izvještaje. Evo danas imamo znači malo više tih izvještaja i evo dotakli se svih preduzeća. Mislim da nema mjesta kritikama s obzirom da su sva preduzeća poslovala u suficitu. Treba pohvaliti direktore ali treba i reći da poslušaju nekakve prijedloge ili kritike vijećnika.

Gledajući na RTV 7 mislim da vi znate moje mišljenje o RTV 7 ne bih ga ponovo iznosio. Mislim da, da prave jednu veliku grešku. Ima vijećnika koji su ovdje možda deset/dvanest godina nismo ih viđali u tom vremenskom periodu da su imali prostora bez obzira da li oni bili pozicija ili opozicija. Ako imaju potrebu da nešto kažu ili da nešto iznesu treba, treba im dati prostora i treba znači omogućiti, pogotovo evo opoziciji da iznesu sve ono što oni misle da je dobro za ovaj grad, pa najvjerojatnije da bi to došlo do naših građana pa nek oni osude da li je to dobro ili nije.

Ali što se tiče direktorice RTV 7 da li će se ona pojavljivati na skupu ili neće to ne možemo mi njima da određujemo. Da li se ona pojavila na skupu SDP-a u radno vrijeme, da li je to neki skup bio u zgradi RTV 7 mislim da mi nemamo pravo ni jednom nosiocu javne funkcije da ogaaničimo kretanje sem ako nije zloupotrijebio to na svom radnom mjestu. Mislim da o tome ne treba baš puno ni, ni diskutovati. Šta mi trebamo ograničiti njima kretanje. Trebamo im ograničiti s kim trebaju da se viđaju. Ako se sa mnom ili s vama ne, ne vide treba im reći ne smijete biti ni sa nekim drugim u kontaktu. Mislim da je to stvarno pretjerano što tražite od, od direktora. Ovdje se sad ne radi samo o direktorici RTV 7. Sutra će bit možda neki direktor drugi. Možda će neko početi stajling ovdje da komentariše od direktora kako se obukao, šta je uradio, na koji način je ovdje došao. Mislim stvarno ovo prelazi u nešto što nije mjesto da se raspravlja bar ovdje. Moramo znati da su to nosioci javnih funkcija izabrani na način kako su izabrani. Zna se da je Grad Tuzla osnivač. Svi ste imali priliku da dignete ruku za te direktore i da ne dignete ruku za te direktore, a mislim da nema mjesta da se napadaju sad kome oni pripadaju. Ne može niko nikom zabraniti kojoj će se on političkoj partiji prikloniti. Ali ne smije to zloupotrijebiti. Mislim da je ovo previše što smo danas krenuli s tom nekakvom temom koja nije...Mislim ko nama da-je pravo da mi njima ograničavamo kretanje ili s kim će se oni sastajati ili razgovarati i sve, sve drugo. Sramotno je to da Gradsko vijeće ograniči kretanje direktorima nosiocima javnih funkcija. Hvala.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala. Replika. Omer Berbić.

OMER BERBIĆ

Hvala ljepo. Ma ništa ovo su vrlo jeftini spinovi od strane kolege Hirkića da se nekom nešto treba zabraniti što se tiče kretanja. Vrlo jeftini spinovi. To ne bih želio da komentarišem. Ja sam se ovdje pozvao na Zakon o javnim preduzećima Federacije Bosne i Hercegovine član 12. koji možete pročitati. U upravi javnih preduzeća ne mogu biti imenovana lica koja vrše funkciju u političkim strankama. Na to sam se pozvao i ja da mogu ja bi ovdje tražio od strane Gradskog odbora SDP BiH da dostavi zapisnik da li je ona član i da li je glasala za liste. Ako jeste onda da se postupi po zakonu. Ja sam samo to tražio. A ovi jeftini spinovi to je stvarno. Mislim da je to ispod nivoa Gradskog vijeća.

A što se tiče oblačenja i nekih komentara da ćemo nešto krenuti oblačenje da komentarišemo. Ako nekada neki direktor dođe u papučama i šorcima vrlo rado ću prokomentarisati da nije mjesto u jednoj ovakvoj instituciji kakvo je Gradsko vijeće. A do tada

ti jeftini spinovi oko oblačenja i oko toga da mi nekome kršimo ne mogu proći ovdje. Hvala ljepo.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala. Ispravka krivog navoda. Ana Pejić.

ANA PEJIĆ

Ispravka krivog navoda Omeru Berbiću. Samo ponavljam da direktorica RTV 7 nije u izvršnim organima SDP-a Bosne i Hercegovine, te da ne širi dezinformacije. Hvala.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala. Replika. Replika. Izvoli Hasibe.

HASIB HIRKIĆ

Kolegi Berbiću. Imate li vi dokaze da direktorica obnaša neke javne funkcije vezano za SDP? Imate li dokaze da se pojavila u radnom vremenu na tom skupu ili na tim skupovima? (vijećnik Omer Berbić govori bez uključenog mikrofona op.a.)

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Nemate. Nije, nije, nije. On je imo redovnu diskusiju. Ovo je tvoje...A šta? Izvolite Omere. (ADMIR ČAVALIĆ - Replika sam ja kolegi Hasibu.) Hajde izvolite.

ADMIR ČAVALIĆ

Hvala puno predsjedavajući. Dakle, ja ću iskoristiti priliku da repliciram kolegi Hasibu i imam pravo da repliciram kolegi Hasibu. Dakle, slažem se sa kolegom ja se izjašnjavam kao ekonomski liberal ali pazite, niko nema pravo bilo gdje da bilo kome da diktira šta će oblačiti, gdje će se kretati, s kim će se sastajati, gdje će ići itd.

Mislim da smo mi ovdje raspravljali o nekim etičkim pitanjima da li je to u redu to je kolega Berbić najbolje objasnio. On kaže da li, je li to okej. On ne kaže treba ili ne treba, on kaže okej. A šta to znači? Jel to okej nije možda politički korektno. Možda će neko kazati to je degutantno da se na skupovima gdje se formiraju liste političkih partija pojavljuju direktori nekih televizija. Nije to samo RTV 7. I samo pazite ovdje naglašavam direktori televizija. Manje više drugi direktori i u redu ali zašto televizija jel televizija je reprezent javnosti dakle. I plus da je mi plaćamo 25 maraka dakle, godišnje 700.000 iz Budžeta na stranu, ali ona treba da predstavlja, barem da se deklarise da je načelno objektivna. Mi znamo da je politički izabrana direktorica. Znamo iz koje partije. (ĆERIM RASTODER – Nemojte diskutovati replika je Čavaliću.) Ne, ne. Kolegi, kolegi repliciram. (ĆERIM RASTODER – Nije replika. Ovo je diskusija.) Replika je. Da zna. Da razumije. Ali pazite. Mora kolega Hasibe, kolega Hasibe dakle, mo-ra direktorica znati šta je u redu šta nije u redu s pram svojih funkcija. Nije u redu baš...Pa nek dođe na neki skup SDP-a nako opuštenija a ne kad se formiraju liste. Hvala.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala. Redovna diskusija. Admir Čavalić.

ADMIR ČAVALIĆ

Hvala puno. (ĆERIM RASTODER – Ti si. Ima Selma pa vi redovno.) Dobro. Hvala puno zamjeniče predsjedavajuće. (ĆERIM RASTODER – Damire šta ste vi?) (DAMIR ARNAUTOVIĆ – Odustao sam ja...)

Nastavljam dalje sa RTV 7 Tuzla. Dakle, mi nemamo nikakve informacije o gledanosti o gledanosti ove televizije. Imaju nekakve ankete što oni spominju ja bi volio da dobijem strana 6, da mi je evo do avgusta. Kolega Mensur je predložio zaključak. Do avgusta da dobijemo svi odgovore do kraja avgusta najkasnije. Na šestoj stranici se spominje da oni rade neke ankete, nešto anketiraju, neko koje su de volio bih da dobijem Gradsko vijeće i dajem zaključak da dobijemo te ankete da vidimo šta ankete kažu i ko in radi.

Dalje što se tiče lekture. Nije ovo bezazleno. Na strani 22 spominju da nemaju lektora. Zaključak je da zaista zaposle lektora, jer prave niz grešaka dakle, poravnanje teksta, tri tačke, razmaci, pa nema ono spejs, pa umjesto dj umjesto đ pišu dj itd. Nije to dobro tako da piše u izvještaju jedne televizije. Dakle, pod hitno trebamo lektora za ovo jer ovo je katastrofa ako izađe javno ovaj izvještaj, ako neko vidi reće zar nemaju lektora a zaista nemaju. Oni na strani 22 kažu nemamo lektora, pomozite nam da zaposlimo lektora.

Konto 529 u finansijskom izvještaju kažu: Troškovi naknadno ostalih fizičkih lica. Zanima me koga su angažovali, ko je to i jesul mogli makar po Ugovoru od djelu angažovat lektora i jesul angažovali lektora po Ugovoru o djelu?

Šta je dalje sa jednosobnim stanom na Slatini, ko ga koristi, kome je prodat, strana osamnaest i otkud taj stan uopšte tu, jel živi neko od uposlenika RTV 7 il snimal se program iz tog stana jednosobnog na Slatini?

I dvadesetdruga stranica zar ne može marketing malo više da radi, a znam da može, da obezbjedi više sredstava a manje da uzima iz Budžeta. Svaki rebalans po 50.000 dajemo više za RTV 7 Tuzla?

Dobro bi bilo da bude više objektivnosti da više bude opozicije, ali inače pluralizma u Tuzli jer nije Tuzla jedna politička partija, nije Tuzla jedan čovjek i ja se izvinjavam ako neko misli kad kažem odlazeći u negativnom smislu, ja mislim da to treba biti ponosan, svako dakle, ko je 20 godina nešto radio i odlazi treba se ponositi s tim da odlazi pošteno i mislim nemojte shvatiti to da nekog napadam.

Vezano za KOMUNALAC i to je zadnji izvještaj. Zamolio bih zaključak dakle. Molim vas da se poslije kad vozila ona komunalna odvođe otpad molim vas da se čisti odmah. Evo do nas ovdje Klosterska, ja sam dobio ovaj video snimak. Idu radnici komunalca, časni i pošetni rade svoj posao za minimalac, očistili su, ali ostalo je kapa vidite ovdje i ovo je, ovo je izvor zaraze za našu djecu, za životinje koje tu prolaze i može se širiti. Molim vas da ovo riješimo.

Evo ga zaključak dajem da se automatski isti dan čisti za vozilom komunalca. Gdje god kapa ona tečnost itd. kad odvoze otpad.

Inače evo složit ću se sa kolegom Hasibom. Neću reći da je najbolje, ali dobar je izvještaj i nisam imao nikakvih posebnih zamjerki na izvještaj komunalca. Popravili su se za razliku od prošli put. Prošli put su malo bili kritičniji. Moja preporuka je, na strani 32 kažu da su tužili oko 6.000 građana zato što nisu plaćali. Moja preporuka i dajem kao zaključak da nam komunalac pripremi neki model kako da se poboljša naplativost, a tuženje i utuživanje to treba da bude sankcija i od toga trebamo bježati. Znam da evo, svaka im čast što rade na tome ali bolje bi bilo da povećamo plativost i gdje je problem kod te naplativosti i zašto građani ne

plaćaju usluge komunalcu mislim šta je tu problem? Volio bi neku analizu, neki model rješenja koji ću rado podržati.

Osvrnut ću se na pitanje iz finansijske revizije gdje je manje više sve navedeno da je, da prihvataju mišljenje, da nema dakle, da je sve u redu.

Dajem takođe zaključak da se molim vas intenzivnije čisti onaj put prema Desetinama. Opet se građani žale. Mi smo prošli put zaključili da to bude tri put sedmično. Ja samo ostajem pri tom da potvrdimo to zaključak opet bude tri put sedmično i da se vodi zaista briga o građanima Moluha. Zašto? Jer ti kamioni kad prolaze tresu se i kuće, tresu se domaćinstva, užasno smrdi pogotovo ljeti. Razumijem da je to tako. Priroda je posla. Tu su Desetine i sl. Bili smo, bio je i požar nedavno, samo još malo više da se vodi računa o toj zajednici jer zaista ona najveću cijenu odvoza otpada plaća i treba joj maksimalno dakle, izaći u susret i napraviti maksimalne ustupke.

Zaboravio sam kazati kod SiK-a predlažem zaključak dole kod BKC-a dakle na pješačkom prelazu da se čim prije riješi pitanje osvjetljenja dakle, da se postavi osvjetljenje. Žalili su se mještani. Znam da je južna magistrala, ali evo da vidimo ako možemo na neki jedan ili drugi način pomoći da li to BCC da uradi ili SiK. Toliko i hvala vam puno zamjeniče predsjedavajuće.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Poslovnička. Hasib je imao izvinjavam se prije. Jestel ostali pri poslovničkoj Hasibe?

HASIB HIRKIĆ

Zahvaljujem. Samo da kažem da će samostalni vijećnici podržati izvještaje sve. To je ono što sam zaboravio.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala. (ADMIR ČAVALIĆ – Replika samo ako mogu?) Imamo već repliku Alena.

ADMIR ČAVALIĆ

Ako mogu kratko samo Hasibu? Zanima me samo...(NATAŠA PERIĆ - Ne možete na poslovničku. Ne može. Na poslovničku ne možete repliku. Alen se javio.)

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Alen ima repliku molim vas.

ALEN KAPIDŽIĆ

Imam samo jednu malu repliku a odnosi se na prethodnu diskusiju. Znači, samo da kažem kolegama Omeru i Čavaliću dezinformisani su. Ako je pitanje imaju dezinformaciju. Znači, na tom sastanku kojeg vi spominjete nešto direktoricu nije se odlučivalo ni o kakvim listama. Valjda vi znate koje je procedura za prijedlog na listi. Znači, to što vi govorite je čista dezinformacija.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala. Vijećnica Selma. Redovna diskusija.

SELMA ĆATIBUŠIĆ

Prvo bi sugerisala rukovodstvu Gradskog vijeća da kad neko pozove poslovničku, poslovnička ima prednost. Taj neko mora da se pozove na član koji se odnosi znači, poslovnička jer ovo konkretno nije bila poslovnička uopšte i molim da se. Mislim nama se obraća pažnja na takve stvari ali molim vas da ne bude dvostrukih standarda i za ostale vijećnike. Ono što nije poslovnička nije poslovnička i mislim da je i vrijeme da nakon dvije godine koliko toliko da smo se naučili koristiti nekim hajde da kažem glavnim našim dokumentima.

Nastavit ću svoju diskusiju također veoma kratko i nadovezala bih se na zaključak kolege Čavalića kada je spomenuo čišćenje kontejnera. Samo da nakon čišćenja kontejnera znači, odma ide i jedna cisterna iza kamiona koji odvozi smeće i da na takav način. Više građana nam je to sugerisalo, pa eto samo malo da se nadovežem na taj dio.

Takođe, mislim žao mi je što se opet moram vratiti na RTV 7 i ovaj dio koji je mene najviše dotakao je li iz mog ličnog primjera. Iskreno nije mi toliko što se ne pojavljujem na RTV 7. Naravno najviše bi voljela da je to javni servis koji je gledan ne samo u Tuzli nego na široko. Nažalost to nije situacija. Nije mi toliko žao što nisam bila na tome, nego što su moja jednostavno prava kao građanke ovog grada ugrožena, gdje mi svi plaćamo opet ponavljam taj naš javni servis.

U odgovoru koji sam ja dobila. Ne navodim da jesam diskriminirana. Jedna uređivačka politika da sam ja imala priliku da me se snimi pa neko je tamo skratio umjesto mojih pet minuta napravio minuticu itd. Također je navedeno iako sam naglasila da sam aktivistkinja tog pohoda koja je direktno u tome učestvovala u radnoj akciji znači, ne bi trebalo da piše vijećnica nebitno, da sam dobila odgovor da bez obzira što sam ja bila kao dio tog pohoda kao aktivistkinja ja opet nosim taj mandat, predstavljam određenu političku opciju. To ljudi znaju i ne mogu ja u jednom trenutku kao biti aktivistkinja, a u drugom trenutku biti vijećnica. Ali isto tako navest ću mislim mog druga i kolegu on se neće ljutiti, kolegu Alena Ovčina koji je naš najbolji sportaš, naš ponos, ali evo konkretno prije tri mjeseca gost „Jutra u 7“ najuspješniji sportista Tuzle Alen Ovčina. Alen Ovčina najbolji sportista Tuzle u prošloj godini. Tradicionalna manifestacija Alen Ovčina sportista godine Tuzla. Dodjeljena priznanja prije godinu. (ĆERIM RASTODER – Pridržavajte se molim vas tačke Dnevnog reda.) Gost...To je moja diskusija. (ĆERIM RASTODER – Pridržavajte se tačke Dnevnog reda.) To je tačka. Moja diskusija. (ĆERIM RASTODER – Raspravljamo o preduzećima.) O RTV 7. Gost emisije „Nedjeljom“ od 5 Alen Ovčina, prije četiri mjeseca, gost „Tuzle danas“ Alen Ovčina najuspješniji sportista Tuzle. Pobjeda RK „Sloboda“ u Maglaju u „Jutru u 7“ o aktivnostima kluba govori Alen Ovčina itd.

Tako da samo me zanima da mi se odgovori da li je u tom slučaju Alen Ovčina samo sportista ili je i vijećnik kao što sam ja bila tamo i aktivistkinja ali i vijećnica ili je Alen Ovčina tu isključivo samo sportista? Tako da et. (ĆERIM RASTODER - Sačekajte ima još dvije minute. Selma jeste li završili vi?) Jesam. Hvala vam.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

E prvi za repliku se javio Čavalić.

ADMIR ČAVALIĆ

Ja sam ispravka krivog navoda. (ĆERIĆ RASTODER – Ispravka krivog navoda.) Pazite. Dvije stvari samo ispravka krivog navoda. Prva je da je kolegica Selma navela da RTV 7 nije gledan. Ispravljam taj krivi navod. Mi ne znamo jel gledan il nije gledan i to je suština čitavog problema. Zato kažem tri ova zaključka urgiram. Kolega što kaže Omer dakle, da imamo taj izvještaj o gledanosti, da oni imaju neki model i da nam dadnu te ankete o gledanosti.

A druga ispravka krivog navoda za koji pretpostavljam da će sada sve kolege i kolegice reagovati. Ista je situacija i kod Selme i kod kolege Ovčine. Zašto? Oboje su dakle, imali druge uloge. Kolega je bio najuspješniji sportaš a Selma je bila uspješna volonterka u čišćenju. I s druge strane oboje imaju iste uloge. U Gradskom vijeću su vijećnici i vijećnice. Zbog tog in treba isto posmatrati. Samo da ne bude zabune tu. Hvala. (OMER BERBIĆ – Ispravka krivog navoda.) (Replika Čavaliću.)

ĆERIM RASTODER - zamjenik predsjedavajućeg Gradskog vijeća Tuzla, - samostalni vijećnik

Replika...

NATAŠA PERIĆ

Ne možete. Ispravka krivog navoda ima prednost. (OMER BERBIĆ – Hvala.) Može pauza od 10 minuta da se malo saberete. Pauza 10 minuta. (Pauza.)

Molim vijećnike da se vrate na svoja mjesta.

Molim vijećnike da sjednu na svoja mjesta nastavljamo sa radom

Repliku ima vijećnik Alen Kapidžić. Elvir Bijedić. Kome je replika izvinite? (ELVIR BIJEDIĆ – Kolegici Selmi Čatibušić.) Dobro.

ELVIR BIJEDIĆ

Zaista ću se truditi da ostanem, da budem što je moguće kraći. Dakle, RTV 7 je servis svih građana Tuzle i kao takav apsolutno dakle, i funkcioniše sve ove godine. Dakle i mislim da ta polemika i drago mi je da smo se vratili na RTV 7 da smo pustili malo direktoricu na miru jel ovo, to je haranga neviđenih razmjera. Zaista mislim da ovo graniči apsolutno sa, sa da ne kažem, da ne upotrijebim neku grubu riječ.

Što se tiče gostovanja RTV 7, odnosno vijećnika na RTV 7 prošli put sam a evo i sad ću ponoviti dakle, neko sam ko je i u prošlom mandatu obnašao dužnost vijećnika i evo sad. Znači, šesta godina, odnosno već sedma godina. Šest punih godina. Nikada kao vijećnik nisam dobio niti jednu jedinu minutu niti sam bi-lo ka-ko na RTV 7 govorio a da je bilo u kontekstu Socijaldemokratske partije. Dakle, apsolutna neistina.

Kad je u pitanju kolega vijećnik iz SDP-a Alen Ovčina, pa molim vas čovjek je sportista godine, čovjek je državni reprezentativac rukometni o kojem priča ne samo RTV 7 nego pričaju svi mediji mnogo šire nego što je to i država Bosna i Hercegovina.

Kad je u pitanju aktivizam kolegice Selme Čatibušić koju ja vrlo visoko cijenim i snažno je podržavam dužan sam da kažem da u ovoj sali sjedi još jako puno aktivista iz različitih oblika aktivizma. Ja sad neću da popularišem i da pričam. I ja sam aktivista na mnogo

polja ali nikad nisam imao potrebu da me RTV 7 ili bilo koja druga televizija snimi zato što ja aktivizam ne miješam sa populizmom. Meni je stalo da dam svoj doprinos zajednici, a jako dobro ljudi, jako mnogo ljudi poznaje i prepoznaje taj...(NATAŠA PERIĆ – Minuta još.) Molim? (NATAŠA PERIĆ – Samo minuta još.) Pa evo. Prepoznaje taj aktivizam. Iz tog razloga hoću samo da kažem da profesionalni sport i ime koje pronosi Alen Ovčina u ime svih građana Bosne i Hercegovine i grada Tuzle ne može stati u istu rečenicu sa jednim aktivizmom bio to Elvir Bijedić ili ma ko drugi. Hvala.

NATAŠA PERIĆ

Ispravka krivog navoda. Vijećnik Omer Berbić Elviru Bijedić.

OMER BERBIĆ

Prije svega hoću da ispravim ovdje krivi navod. RTV 7 nije servis svih građana očigledno nije servis bio Selme Ćatibušić kada je bila na radnoj akciji. To znači nije. A druga stvar samo želim da kažem. Kada koristite riječ kao što je haranga ako već predsjedavajuća ne želi da reaguje, a na mene da sam ja rekao ona bi reagovala, molim vas da ili predsjedavajuća/dopredsjedavajući da reagujete na takve riječ jer te riječi nisu primjerene Gradskom vijeću ili da vi ublažite svoju retoriku, jer haranga znači puno stvari, ali bi evo volio neku definiciju da nađem koja, koja nije, nije. Evo ovdje sad ja gledam to znači huškački govor. Šta znači huškački govor? O čemu mi pričamo? Eto tako. Molim vas da reagujete na takve stvari.

NATAŠA PERIĆ

Replika. Selma Ćatibušić.

SELMA ĆATIBUŠIĆ

Pa iskreno, mislim mogu slobodno reći da mi je žao na ovaj način ali eto krenulo je i neka ide tako. Prvo kolega Elvir apsolutno ne cijeni bilo šta što ja radim jer način na koji on se meni privatno približi i kaže, pa onda ode za mikrofon pa nešto drugačije predstavi je potpuno. Mislim trebamo na kraju krajeva biti iskreni i mislim da je ovo jako ružan način. Ni-ko ovdje ne govori prvo ko je ne znam Elvir Bijedić ili bilo ko da odlučuje koliko ko zaslužuje koliko ko ne zaslužuje ja govorim o jednakim prilikama. Da se radi o javnom servisu o tome se govori. Ni-ko nije uzeo i nemojte mi to stavljat znači u usta i bit tendenciozni da li Alen Ovčina zaslužuje da bude negdje drugo više. Ja sam navela Alena zato što to je primjer čovjeka. Alen mi je da budem iskrena vjerovatno jedan od dražih vijećnika od svih vas, a isto tako to je nebitno. Da li on zaslužuje? Naravno da zaslužuje da bude svugdje. Mi samo govorimo o jednakim prilikama. Nećemo da javni servis bude predstavljen kao režimska televizija gdje ja kao Selma Ćatibušić prije nego što sam imala mandat mogla sam da predstavim (NATAŠA PERIĆ – Nemojte samo galamit malo tiše čujemo vas.) mogla sam da predstavim svoju knjigu na RTV 7 a sada kada sam vijećnica ne mogu ništa drugo.

Druga stvar što je kolega naveo kao...Ovo je sve, kolki sam ja aktivista. Ovo je populizam. Molim vas da te stvari ostavite za sebe. Ja se predstavljam na način na koji ja želim i ka-ko ja želim. Ja mogu isto tako navesti šta je populizam kada krećemo, ako ćemo krenut od nekih drugih stvari i inicijativa, ali neću da se spuštam stvarno na taj nivo. Ja da kažem da vi radite populizam, predstavljate neke stvari koje nisu vaše itd. to nije, nisam htjela i nisam uradila ali svako nek odlučuje, svako ima na kraju krajeva podršku ili nema građani će

prepoznati. Ja se na-dam da će javni servis na čelu sa direktoricom/upravom shvatiti o čemu se ovdje radi da danas sutra ukoliko padne ova vlast način na koji se radi posao, a izuzet ću 90% novinara i novinarki koji savršeno rade svoj posao gdje se ljudi zaista daju, da će ta televizija propasti. Niko neće trpiti na takav način.

Ovdje se samo govori o jednakim prilikama i dvostrukim standardima. Na kraju krajeva mislim da je Alen i te kako to shvatio, a ja lično sam koleginu Elvirovu slobodno mogu reći napad na mene shvatila kao napad i kao uvredu. Tako da ja govorim u ime građana koji nemaju priliku. Eto to je bio moj lični primjer. Da se radi o javnom servisu, jednakim prilikama i dvostrukim standardima koji ovdje važe.

NATAŠA PERIĆ

Isteklo vam je vrijeme. Vijećnik Čavalić. Replika kome?

ADMIR ČAVALIĆ

Replika je kolegi Bijediću. Nisam planirao replicirati ranije sam rekao ali pazite. Ovo se stvarno pretvara u napad na kolegicu Čatibušić i ja...(NATAŠA PERIĆ – Ma dajte molim vas nemojte pretjerivat.) Ne. Moram objasniti. Pazite mi smo prije nekoliko mjeseci imali slučaj diskriminacije naše kolegice i vijećnice. Kako? Možda niste slušali dobro. Dakle, kolegica je trebala da dadne izjavu kao osoba koja je volontirala na jednoj ekološkoj akciji. Međutim, kada je osoba koja je trebala uzeti izjavu shvatila je da je to riječ o kolegici, kolegici Gradskoj vijećnici onda je nije uzela izjavu. Dakle, vr-lo grubo diskriminirajuće. Razumio bih da je privatna televizija koja kaže morate platiti termin i sl. al javni servis nema šanse da se to desi. I pazite. Mi smo tada. Mi smo sad zakasnili. Prije tri mjeseca smo mi trebali kao Gradsko vijeće da donesemo zaključak i da osudimo takvo ponašanje RTV 7 Tuzla i da zaštitimo svi bez obzira pozicija opozicija kojem političkom subjektu pripadali da zaštitimo kolegicu posebno jer je najmlađa vijećnica u našem Vijeću. Nismo to tad uradili i zbog toga sam se sad javio. Sad mi je nosež da mi sad još Selmu dodatno mi ovdje napadamo je li i da vrednujemo je, da sam pokušavamo kao kažemo neko je manje vrijedan, Alen je vrijedan ili Selma nije itd. Ko smo mi za ime Boga dragog da određujemo ko koliko vrijedi i sl.

Molim vas ja preporučujem. Hajmo predsjednici klubova vijećnika samo 5 minuta pauzu da malo smirimo strasti, da dođe i kolega Bijedić i kolegica Selma i da se završi s ovim jel idemo u pogrešnom pravcu po ovom pitanju molim vas.

NATAŠA PERIĆ

Ispravka krivog navoda. Elvir Bijedić ima prednost. Samo malo molim vas.

ELVIR BIJEDIĆ

Ja vas molim samo da mi kažete mo-li-m vas pred javnosti u mikrofon Elvir Bijedić pretvorio napad u Selmu Čatibušić. Jel moguće kolega Čavaliću? (NATAŠA PERIĆ – Nemojte samo postavljati pitanja.) Koji napad? Ne, vrlo mi je bitno ovo. Izvinjavam se predsjedavajuća. Meni je jako bitno. (NATAŠA PERIĆ – Znam ali ne može se vijećnik. Ne može vijećnik vijećniku postavljati pitanja u toku diskusije.) Ja, ja samo želim da ovo bude ispravka krivog navoda i zamolim kolegu Čavalića da ispravi svoj navod. Ja nikog nisam napao. Ja samo govorim ka-ko Alen Ovčina kao vrsni/izuzetni sportista grada kojeg je ipak žiri odabrao a ne Elvir niti Selma. Žiri. Ima prednost u smislu dakle, ne kao vijećnik nego neko ko je zaslužni sportista da kaže ono što misli u proteklom periodu o reprezentaciji ili klubu. Ja ne mislim da

je to napad. Hvala Bogu ima stenogram. Imaju video snimci. Ja Bože sačuvaj Selmu koju uvažavam. Nikakav napad niti govora. Hvala.

NATAŠA PERIĆ

Ispravka krivog navoda. Čavalić.

ADMIR ČAVALIĆ

Ispravka krivog navoda. Izvinjavam se kolegi ako je shvatio tako ali Selma je sama razumjela i navela je prije mene da ona to shvata kao napad i zato sam predložio 5 minuta pauze da se svi smirimo i molim vas da ne ide u ovom pravcu.

A druga stvar molim vas nemojte opet da vrednujemo Alena i da vrednujemo Selmu. Iz pozicije javnog servisa oboje su jednaki građani grada Tuzle koji imaju pravo na svojih pet minuta, deset minuta itd. bez obzira da je, da je ne znam Selma dobila u životu jednu nagradu, da je Alen dobio pet hiljada i problem je i Selmi kritika. Nije Alen trebo uopšte da se ubacije. Dakle, ne treba on biti predmet ove rasprave, ne treba in poredit i glupo je da idemo u poređenje dakle njih dvoje. Eto.

NATAŠA PERIĆ

I nemojte više molim vas da uzimamo u usta ni Elvira ni Selmu ni nikoga. Molim vas da završimo s ovim. Alena. Pa misla sam na Alena. Mislim ovo je jedan besmisao postao sad. Ova sva diskusija. Molim vas da malo smirimo da spustimo strasti i da nastavimo normalno da komuniciramo. Alene izvolite. Kapidžić replika. Samo molim vas nemojte više ko advokati.

ALEN KAPIDŽIĆ

Neću, neću. Pa upravo sam to htio da kažem. Vidite možemo sad. Mislim ružno je da kažemo da je napad na nekog. Nije stvarno. Ali isto tako mi možemo reći da je to sad bio napad na Ovčinu jer spominjemo imena. Nemojte spominjat imena. Nema potrebe. (NATAŠA PERIĆ – Ma nema ja.) Nije korektno. Znači, nije korektno prema bilo kome. Ali nema potrebe da na taj način diskutujemo. Znači, mi diskutujemo ovdje o takvim stvarima. Smiješno je ljudi. Građani nas gledaju. Znači, ljudi su povećali sad u Federalnom parlamentu plate 500 maraka političarima, 70 policajcima a mi raspravljamo o ovom. Pa dajte ljudi ovo je stvarno smiješno. (NATAŠA PERIĆ - Molim vas da malo.) (vijećnik Esana Kavazbašić Huskanović govori bez uključenog mikrofona op.a.) (NATAŠA PERIĆ - Samo malo. Nemojte. Sačekajte. Pa niste došli na red.) I slažem se sa kolegom Čavalićem da idemo na pauzu.

NATAŠA PERIĆ

Pauza 5 minuta da malo...(vijećnik Esana Kavazbašić Huskanović govori bez uključenog mikrofona op.a.) Pauza 5 minuta. Nemojte dobacivat. (Pauza.)

Molim vijećnike da privodimo kraju diskusije vijećnika.

Ko se još javio za... Molim? Jeste kao diskusiju? Izvolite. Omer Berbić. Izvolite. (vijećnik Esana Kavazbašić Huskanović govori bez uključenog mikrofona op.a.) Vi ste sljedeći Esana Kavazbašić Huskanović diskusija. Privodimo kraju. Razriješili smo neke nedoumice sa

koleginicom Selmom, sa Elvirom i sa svima i molim da ovo privedemo kraju na jedan ljudski način. Nema potrebe da ulazimo u bespotrebne diskusije. Omere izvolite.

OMER BERBIĆ

Evo ja ću ovdje diskutovati na dvije stvari još to je KOMUNALAC I PANNONIKA. Znači, zanima me oko komunalca šta se dešava. U razgovorima sa sindikatom, pošto sam dobio neke oprečne informacije da se možda ide i do nekog visočijeg nivoa gore, oko tog dijela i po osnovu moje prošle diskusije da li su se plate povećavale pošto sam dobio informacije da ljudi na papuči koji rade u parkovima itd. imaju minimalce?

Tako da ovdje bi dao zaključak, odnosno dva zaključka. Prvi zaključak je da Stručna služba zajedno sa menadžmentom komunalca iznađe način da se najniže plate povećaju. (SLAĐANA KRAJINA – Resorna, resorna ili stručna?) Resorna služba iznađe način zajedno sa menadžmentom JKP Komunalca da se najniže plate povećaju, pošto znamo da je u pitanju inflacija cijena i svega ostalog, tako da te plate nisu više dostojne za život.

A također bi se ovdje isto referisao na nešto što je i Čavalić prije govorio o nekim preduzećima. Mislim da je neka najvisočija plata puta tri od najniže tako da evo ja bi još jedan zaključak i to je generalno zaključak za sva javna, javna preduzeća da maksimalna plata može biti maksimalno dva puta veća od najniže u javnim preduzećima.

Imam još jedan zaključak pošto su me zvali bili ljudi na dan mjesne zajednice u Dobrnji. Oni bi voljeli da dobiju dvije klupe kod spomenika Hevajju Uskufiju tako da evo još jedan zaključak za komunalac da se zajedno sa resornom Službom nađe način da se obezbijede dvije klupe kod spomenika Hevajja Uskufija i da...(NATAŠA PERIĆ – Evo imamo informaciju da je to već realizovano.) To je već otišlo? Dobro. (NATAŠA PERIĆ – Realizovano je.) OK. (NATAŠA PERIĆ – Tako da možete izbrisati taj zaključak.) Ništa. Onda odustajem od tog zaključka. (NATAŠA PERIĆ – Dobro, dobro.)

Što se tiče PANNONIKE ovdje me zanima više nekih stvari. Panonika u ovom izvještaju pokazuje da ima 37 radnika na neodređeno vrijeme tako da me zanima šta ljudi rade nakon sezone znači, prije sezone i nakon sezone osim onih pripremnih radova za koje vjerovatno treba određeni period da li oni rade nešto nakon toga jer preko 95% prihoda od Panonike dolazi tokom ljeta? A pošto su ovo mahom radnici znači od njih 37 nekih tridesetak je koji su PK-a mislim, VK-a ili nešto ovako, a onda mislim da bi trebali da se napravi jedna rekonstrukcija preduzeća gdje bi ti ljudi i zimi imali šta da rade, pa evo recimo da, da se napravi neko stručno usavršavanje za majstorske radove kao što su moleri itd. i da renoviramo unutrašnjosti javnih, javnih preduzeća u gradu Tuzla kao što je „Mejdan“. Recimo kuglana u „Mejdanu“ bi se mogla sigurno 60/70% završiti našim vlastitim radnim snagama koji nemaju šta da rade tokom zime ukoliko je to slučaj.

I imam još jedan zaključak. Gradsko vijeće. (NATAŠA PERIĆ – Molim vas tišina.) Gradsko vijeće poziva menadžment JKP, odnosno Panonike i resornu Službu da nađu način da se smanje cijene za ulazak na Panonska jezera koje su trenutno 8 maraka za dane vikenda. Pa evo ovdje se iskazuje da je bilo 239.000 maraka dobiti i možda bi to mogao biti neki od modus, modaliteta kako bi se (NATAŠA PERIĆ – Omere privodite samo kraju.) Imam još evo 45 sekundi. (NATAŠA PERIĆ – Dobro, dobro.) kako bi se, kako bi se smanjile cijene za ulazak, ulazak na Panoniku.

I želim samo još jednom da pohvalim spasilačku službu i prošli puta sam to uradio. Mislim da su to momci i djevojke koji rade strašno dobar posao. Dobio sam informaciju da je spasilačka služba ove godine imala 9 spašavanja od utapanja i 50 plus intervencija pomoći, pružanja pomoći van vode. Tako da evo to je što se tiče komunalca i Panonike. Hvala ljepo.

NATAŠA PERIĆ

U redu. Hvala vam. Sljedeća za riječ se javila vijećnica Esana Kavazbašić Huskanović. Neka se pripremi vijećnik Hasanbašić.

ESANA KAVAZBAŠIĆ HUSKANOVIĆ – vijećnik Platforme za progres

(vijećnik Esana Kavazbašić Huskanović govori bez uključenog mikrofona op.a.) mi želimo nekom nešto loše uraditi ili da kažemo mi samo iznosimo kritike jer dokle god te neko kritikuje ti ćeš biti bolji. Poboljšat ćeš svoj rad. Znači, ako te neko stalno fali onda ćeš ti misliti hej pa to je u redu i to je dovoljno ne trebam više napredovat. Znači, svaka kritika koliko god ona tebi bila draga ili ne draga treba te natjerat na razmišljanje da poboljšaš to što radiš i čim te neko kritikuje možda u određenom trenutku ti ne radiš dobro to što misliš da dobro radiš. Tako da nemojte pogrešno shvatiti i Admirove diskusije i Selmine i Omerove. Znači, mi jednostavno želimo dobro ovom gradu i želimo da poboljšamo ovaj rad svih ovih javnih preduzeća. Da budemo što bolji, da smo uslužniji našim građanima i da pokušamo napraviti jedan modalitet. Jer sve ove kritike što mi iznosimo znači to su kritike koje su upućene od strane građana, ne nas samih jer oni nas kontaktiraju preko naših društvenih mreža, preko mail adresa i sve ostalo i mole da mi to uradimo u njihovo ime.

E sad ću se ponovo vratiti na javna preduzeća. Što se tiče PANNONIKE slažem se sa kolegom Berbićem da su karte preskupe i da bi se trebalo koliko tolko smanjiti, ali neki možda modaliteti promijeniti u smislu da je za osnovce da napravimo da je besplatan ulaz ili da se uvede. To bi stavila kao zaključak. Znači, da imamo opciju porodične karte. Znači, ako dolazi porodica sa dvoje/troje djece znači da roditelji ne moraju plaćat pojedinačno karte, već da imamo kao izbor da se može kupiti kao porodična karta. To imate na svim bazenima. Bilo gdje da se ulazi imaju te opcije za porodične karte. U principu ja sam zadovoljna radom Panonike i sretna sam da imamo u Tuzli nešto tako jer sama sa svojom djecom koristim redovno njihove usluge i zaista ljudi koji tamo rade, s obzirom koliko su plaćeni mislim da rade vrhunski posao.

Što se tiče KOMUNALCA ja znam da je komunalcu najveći problem naplata sredstava i da najveći minus njima dolazi iz tog smijera. I prošli put kad smo diskutovali o ovim izvještajima tražila sam da oni predlože nama Gradskom vijeću šta bi mi mogli njima pomoći znači, da se ide u smjeru bolje naplate sredstava od strane građana koji to trenutno ne plaćaju. Na koji način bi mi mogli njih u određenom trenutku natjerati da izmiruju svoje obaveze za usluge koje su im pružene košto svugdje i u svijetu to ima. Smatram da u vanjskim naseljima nema dovoljno kanti za smeće. Znači, imamo po gradu ali nemamo kad odete u Ši selo, kad odete u Crvene Njive znači, vi ako hoćete bacit negdje neki papirić nemate mogućnost za to jer nema ni jed-na, ni jednog tog inventara, tih malih kanti za smeće gdje bi mogo bacat. Mislim ima u centru grada ali vanjska naselja mislim da bi se tu trebalo malo poboljšat po pitanju toga.

Takođe smatram da bi trebali u ovim vanjskim naseljima gdje su porodične kuće da se da opcija ili iznajmljivanje ili neke jeftinije kupovine kanti za smeće da ljudi ne iznose svoj otpad na ulicu u kesama različitim. Mislim vi kad prođete kroz Mosnik, kad prođete kroz ta naselja kad je vrijeme kupljenja smeća mislim to je strašno. (NATAŠA PERIĆ – Privodite kraju.) Tako da bi se to trebalo poboljšati.

Što se tiče takođe bi volila kao zaključak da napravimo znači da održavanje igrališta ide na sedmični plan održavanja. Znači, nije da se čeka mjesečno. Znači, svake sedmice znači, dječija igrališta trebaju biti čišćena, košena i sve ostalo što pripada tome.

Što se tiče RTV 7 slažem se s mojim kolegama da je stranačka kompanija. Da jednostavno ne podržavaju opoziciju. Znači, da trebaju poboljšat svoj rad da idu na to da funkcionišu kao privatni sektor znači, da se bore za svoje javnu gledanost. Da treba uraditi jedno dobro anketiranje gledanosti (NATAŠA PERIĆ – Isteklo vam je vrijeme molim vas.) i

da treba jednostavno da vide kako riješiti taj problem. I samo mogu li još jednu? (NATAŠA PERIĆ – Hajte ako je još jedan zaključak. Izvolite.) Ja. I isto podržala bi kolegu Berbića da zaista se treba radnicima koji rade na ulici, koji rade na odvozu smeća zaista se trebaju povećati plate.

NATAŠA PERIĆ

U redu. Hvala vam. Vijećnik Admir Hasanbašić.

ADMIR HASANBAŠIĆ

Hvala ljepo. Pa ništa evo šest javnih preduzeća što se tiče Kluba vijećnika Tuzlanske alternative mi ćemo podržati sve izvještaje.

Evo BIT CENTAR je najmanje pominjan u svim diskusijama tako da evo ni ja neću puno pominjati. Reći ću samo da su svi pozitivno poslovali i da dosta kolega koje je diskutovalo ima tu i nekih pozitivnih i negativnih kritika što je sasvim, sasvim normalno.

Ali evo ja ću iznijeti samo nekoliko zaključaka vezano za Javno komunalno preduzeće Saobraćaj i komunikacije. (NATAŠA PERIĆ – Molim vas tišina u gornjem dijelu.)

Prvi zaključak da: Javno komunalno preduzeće Saobraćaj i komunikacije zajedno sa Gradom aktivnije krene u realizaciju postavljanja led rasvjete. Prije svega radi uštede. Zatim u što bolje ukrašavanje zimskog grada i nabavku novih semafora na južnoj magistrali, a sve radi toga da bi se mogao uspostaviti zeleni val. Znači, to bi bio prvi zaključak.

Drugi zaključak jeste da se na pojedinim mjestima u gradu postave kompresori tj. stanice za pumpanje guma. Zaista, mi nemamo malte ne ni na jednoj benzinskoj pumpi da naduvamo gumu. Evo ja sam neki dan tražio. Pronašao sam dole u Miladijama, tako da je znači, potrebno imati na par mjesta postavljen kompresor da bi se mogla naduvati guma bilo na biciklu, bilo na automobilu.

Zatim, treba dati poseban akcenat izgradnji garaža i nadkrivanja korita rijeke Jale gdje je to moguće kako bi se proširili kapaciteti parking, parking mjesta a čime bi se svakako povećao i Budžet u Javnom komunalnom preduzeću Saobraćaj i komunikacije.

I još dva zaključka. Treba ponovno pokrenuti projekat školska patrola koji je bio zaista dobar, efikasan, prihvaćen dobro od svih škola, od učenika.

I posljednji zaključak a to je da se nalaže menadžmentu JKP Saobraćaj i komunikacije da obavezno stave u funkciju onaj turistički vozić i to na električni pogon, ali ja sam siguran da će direktor to uspjeti da preuredi. Ne da ide onaj dim i da ide na dizel, nego električni i da možemo da ga u skorije vrijeme počnemo koristiti.

I zaista osjećam potrebu da još kratku diskusiju povedem vezano za JAVNO KOMUNALNO PREDUZEĆE KOMUNALAC TUZLA i da pohvalim direktora koji je već nekih dvanaest/trinaest godina direktor dole. Za one koji ne znaju on je kao i kolega Nedžad Malikić imenovan na mjesto direktora sa pozicije hajde da kažemo vijećnika. Dao je ostavku na mjesto vijećnika. Prošlo je 6 mjeseci i tako je imenovan na, na mjesto direktora i zaista je došao u preduzeće koje je bilo u katastrofalnom stanju i evo za ovih nekih desetak/dvanaest godina napravio veliki, veliki iskorak i zaista uposlenici primaju redovno plate. Kakve su takve su, ali su redovne. Ljudi žele da rade u Javnom komunalnom preduzeću Komunalac, a posebno bih pohvalio dimnjačarsku službu koja je od prije nekoliko godina formirana i čiji je prihod u 2021. godini povećan sa 14 na 36.500 konvertibilnih maraka. Direktor je kao i svake godine imao investiciona ulaganja oko 133.000 konvertibilnih maraka i svakako odgovara redovno na ona ogromna, ogromna vijećnička pitanja i vijećničke inicijative koje mu mi upućujemo. Učestvuje i aplicira, aplicira na projekte iz raznih oblasti zaštite okoliša kako u Bosni i

Hercegovini tako i Evropske unije. (NATAŠA PERIĆ – U redu. Hvala vam.) Zaista svaka čast direktoru i hvala ljepa.

NATAŠA PERIĆ

Hvala. Zaključujem raspravu vijećnika. Pauza 10 minuta. (Pauza.)

Pozivam vijećnike da uđu u salu.

Pozivam vijećnike da uđu u salu.

Stavljam na izjašnjavanje pod jedan IZVJEŠTAJ O RADU I POSLOVANJU JAVNOG PREDUZEĆA RTV 7 D.O.O. TUZLA ZA 2021. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU I POSLOVANJU JAVNOG PREDUZEĆA RTV 7 D.O.O. TUZLA ZA 2021. usvojen sa,

20 glasova za, 2 su bila protiv i 4 suzdržana.

Sada stavljam na izjašnjavanje IZVJEŠTAJ O RADU I POSLOVANJU JAVNO KOMUNALNOG PREDUZEĆA KOMUNALAC D.O.O. TUZLA ZA 2021. GODINU. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU I POSLOVANJU JAVNO KOMUNALNOG PREDUZEĆA KOMUNALAC D.O.O. TUZLA ZA 2021. usvojen sa,

27 glasova za, nije bilo protiv i nije bilo suzdržanih.

Sada stavljam na izjašnjavanje IZVJEŠTAJ O RADU I POSLOVANJU JAVNO KOMUNALNOG PREDUZEĆA PANNONICA D.O.O. TUZLA ZA 2021. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU I POSLOVANJU JAVNO KOMUNALNOG PREDUZEĆA PANNONICA D.O.O. TUZLA usvojen sa,

27 glasova za, nije bilo protiv i nije bilo suzdržanih.

Sada stavljam na izjašnjavanje IZVJEŠTAJ O RADU I POSLOVANJU JAVNO KOMUNALNOG PREDUZEĆA SAOBRAĆAJ I KOMUNIKACIJE D.O.O. TUZLA ZA 2021. Izvolite. Glasanje je okončano.

Konstatujem da je IZVJEŠTAJ O RADU I POSLOVANJU JAVNO KOMUNALNOG PREDUZEĆA SAOBRAĆAJ I KOMUNIKACIJE D.O.O. TUZLA ZA 2021. usvojen sa,

27 glasova za, nije bilo protiv i nije bilo suzdržanih.

Stavljam na izjašnjavanje IZVJEŠTAJ O RADU I POSLOVANJU JAVNOG PREDUZEĆA SPORTSKO KULTURNO PRIVREDNI CENTAR „MEJDAN“ D.O.O. TUZLA ZA 2021. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU I POSLOVANJU JAVNOG PREDUZEĆA SPORTSKO KULTURNO PRIVREDNI CENTAR „MEJDAN“ D.O.O. TUZLA ZA 2021. usvojen sa,

27 glasova za, nije bilo protiv i nije bilo suzdržanih.

Sada stavljam na izjašnjavanje IZVJEŠTAJ O RADU I POSLOVANJU JAVNOG PREDUZEĆA BIT CENTAR D.O.O. TUZLA. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU I POSLOVANJU JAVNOG PREDUZEĆA BIT CENTAR D.O.O. TUZLA ZA 2021. GODINU usvojen sa,

26 glasova za, nije bilo protiv i 1 suzdržan.

Pozivam sekretara Gradskog vijeća, da pročita zaključke proistekle iz diskusija i glasat ćemo o svakom zaključku.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od direktora javnih preduzeća čiji su izvještaji o radu i poslovanju razmatrani na današnjoj sjednici Gradskog vijeća da, najkasnije do avgustovske sjednice Gradskog vijeća, dostave pisane odgovore na pitanja postavljena tokom rasprave kao i na date sugestije i primjedbe.

Zadužuje se Stručna služba Gradskog vijeća da izvode iz stenograma sa današnje sjednice Gradskog vijeća, u dijelu rasprave o izvještajima o radu i poslovanju javnih preduzeća, dostavi direktorima preduzeća radi pripreme pisanih odgovora na pitanja postavljena tokom rasprave i na date sugestije.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 26 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Službi za komunalne poslove, izgradnju i poslove mjesnih zajednica i Javnom komunalnom preduzeću Saobraćaj i komunikacije Tuzla da se izvrši revizija postojećih semafora i da se razmotri mogućnost izgradnje kružnih tokova gdje god je to moguće i opravdano, imajući u vidu da su kružni tokovi, sa aspekta smanjenja aerozagađenja, bolje rješenje od semafora.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od svih javnih preduzeća da ubuduće u svojim izvještajima o radu i poslovanju navedu konkretne stvari koje, u cilju unapređenja poslovanja, namjeravaju poduzeti u tekućoj godini u odnosu na prethodnu, kako bi, ukoliko je to potrebno i opravdano, dobili podršku Gradskog vijeća za njihovu realizaciju.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži da se urgentno izvrši uključenje semafora na raskrsnici Pašabunar, u Rudarskoj ulici.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 25 glasova za, 1 je bio protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži da se unaprijedi sistem signalizacije na raskrsnici Pašabunar te da se razmotri mogućnost uvođenja senzora odnosno sistema “rush hour”.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od menadžmenta Javnog preduzeća Sportsko-kulturno privredni centar “Mejdan” Tuzla da se, u saradnji sa gradskim službama, razmotri opravdanost i mogućnost i pokušaju iznaći potrebna sredstva da se otkupe poslovni prostori koji su u okviru objekta sportskog centra „Mejdan” a koji su u vlasništvu fizičkih ili pravnih lica i koji su prodati prilikom izgradnje sportskog centra.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 26 glasova za, nije bilo protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od Javno komunalnog preduzeća Komunalac Tuzla da se ne pravi razlika u dinamici odvoza kabastog otpada po zonama u mjesnim zajednicama nego da odvoz bude učestaliji ili eventualno da se odvoz kabastog otpada vrši na zahtjev savjeta mjesnih zajednica.

NATAŠA PERIĆ

Molim vijećnike da se izjasne. (SLAĐANA KRAJINA – Ne, ne. U izvještaju su naveli prva i druga zona i kad je koja.) Rekli su dvije zone. (SLAĐANA KRAJINA – Ima u izvještaju tako.) Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od svih javnih preduzeća i javnih ustanova da apliciraju na javne pozive koje objavljuju Federalni zavod za zapošljavanje i druge institucije koje sufinansiraju zapošljavanje radnika na određeni vremenski period kako bi što veći broj građana bio zaposlen, u skladu sa zakonom, makar na određeno vrijeme.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 25 glasova za, niko nije bio protiv i 2 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Javnom preduzeću RTV 7 Tuzla da u programsku šemu uvrste emisije odnosno programe očuvanja kulturnog identiteta nacionalnih manjina.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Javnom komunalnom preduzeću Komunalac Tuzla i resornoj Službi da u narednom periodu što više šire mrežu primarne selekcije otpada te da se, u tom cilju, individualnim domaćinstvima dijele kante za primarnu selekciju otpada zatim da se razmotri mogućnost da Grad Tuzla sufinansira nabavku vreća za primarnu selekciju otpada koje će se moći podijeliti građanima koji žele vršiti selekciju otpada.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 25 glasova za, nije bilo protiv i 2 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Javnom komunalnom preduzeću Komunalac Tuzla i resornoj Službi da u narednom periodu razmotre mogućnost postavljanja nadzornih kamera na područja gdje su postavljeni kontejneri za primarnu selekciju otpada, u cilju sprečavanja zloupotrebe i nepravilnog korištenja ovih kontejnera i selektiranja otpada.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 22 glasa za, 1 je bio protiv i 3 suzdržana.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugeriše menadžmentu Javnog komunalnog preduzeća Komunalac Tuzla da se štampa i građanima podijeli dovoljan broj uputstava za primarnu selekciju otpada.

NATAŠA PERIĆ

Molim vijećnike da se izjasne. To je edukativno. Glasanje je okončano.
Pročitani zaključak je usvojen sa, 26 glasova za, nije bilo protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od Javno komunalnog preduzeća Panonika Tuzla da kada je u pitanju cijena ulaznice komperaciju ubuduće prave u odnosu na druge turističke destinacije.

NATAŠA PERIĆ

Molim vijećnike da se izjasne. Glasanje je okončano.
Konstatujem da pročitani zaključak nije dobio potrebnu većinu, 7 vijećnika je glasalo za, 1 je bio protiv i 19 suzdržanih.
Hajmo dalje.

SLAĐANA KRAJINA – sekretar Gradskog vijeća Tuzla

– Prijedlog da se sugeriše gradonačelniku i vijećnicima da plaćaju ulaznicu na Panonska jezera.

NATAŠA PERIĆ

Molim vijećnike da se izjasne. (Možete li ponoviti samo?)
- Sugeriše se gradonačelniku i vijećnicima da plaćaju ulaznicu na Panonska jezera. (ZIJAH RIFATBEGOVIĆ – A doktorima?) Glasanje je okončano.
Konstatujem da pročitani zaključak nije dobio potrebnu većinu, 7 vijećnika je glasalo za, 2 su bila protiv i 18 suzdržanih.
Molim vas malo ozbiljnosti.

SLAĐANA KRAJINA – sekretar Gradskog vijeća Tuzla

Gradsko vijeće Tuzla. Sljedeći prijedlog zaključka.
– Gradsko vijeće Tuzla predlaže da se naziv RTV 7 promijeni u Tuzlanska televizija.

NATAŠA PERIĆ

Molim vijećnike da se izjasne. Glasanje je okončano.
Pročitani zaključak nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše menadžmentu Javnog preduzeća RTV 7 Tuzla da se pokuša smanjiti postojeći odnos najviše i najniže plaće koja se isplaćuje u ovom Preduzeću.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 26 glasova za, nije bilo protiv i 1 suzdržan.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše menadžmentu Javnog preduzeća RTV 7 Tuzla da se uključi u sistem istraživanja gledanosti, a do tada da dostave vijećnicima konkretne podatke vezane za anketiranja koja se pominju u Izvještaju o radu ovog Preduzeća.

NATAŠA PERIĆ

Molim vijećnike da se izjasne. (Možete ponoviti?) Mogu. Poništavam glasanje i molim ponovo. Molim vijećnike da se izjasne ponovo. Glasanje je okončano.

Konstatujem da je pročitani zaključak usvojen sa, 24 glasa za, 2 su bila protiv i 1 suzdržan.

SLADANA KRAJINA – sekretar Gradskog vijeća Tuzla

Sljedeći prijedlog zaključka.

- Gradsko vijeće Tuzla sugeriše menadžmentu Javnog preduzeća RTV 7 Tuzla da uposli lektora.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 6 vijećnika je glasalo za, 4 su bila protiv i 17 suzdržanih.

SLADANA KRAJINA – sekretar Gradskog vijeća Tuzla

Sljedeći prijedlog zaključka.

- Gradsko vijeće Tuzla sugeriše da se u cilju utvrđivanja tačnog broja ostvarenih posjeta Panonskim jezerima anketiraju posjetioци jezera.

NATAŠA PERIĆ

Da uznemiravamo ljude. Hajmo na glasanje. Glasanje je okončano.

Konstatujem da pročitani zaključak nije dobio potrebnu većinu, 3 vijećnika su glasala za, 11 je bilo protiv i 13 suzdržanih.

SLAĐANA KRAJINA – sekretar Gradskog vijeća Tuzla

– Gradsko vijeće Tuzla traži od Gradskih službi da obezbijede novac za ispitivanje gledanosti RTV 7 kako bi se na taj način vidjelo da li građani zaista gledaju program RTV 7.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 6 vijećnika je glasalo za, 10 je bilo protiv i 11 suzdržanih.

SLAĐANA KRAJINA – sekretar Gradskog vijeća Tuzla

Sljedeći prijedlog zaključka.

– Da se formira tim ispred Gradskog vijeća Tuzla koji će istražiti potencijalno kršenje Zakona o javnim preduzećima ili drugih zakona od strane RTV 7 i favorizovanih pojedinih političkih subjekata od strane ovog javnog servisa, korištenje jednosobnog stana, pitanje mejlova koje radnici šalju vijećnicima Gradskog vijeća.

NATAŠA PERIĆ

Molim vijećnike da se izjasne. Hajd nema veze nek je šareno. Glasanje je okončano.

Konstatujem da pročitani zaključak nije dobio potrebnu većinu, 8 vijećnika je glasalo za, 1 je bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Gradsko vijeće Tuzla sugerše da se odmah nakon prolaska kamiona koji odvoze komunalni otpad, vrši čišćenje ulica kojim su prošli kamioni kao i kontejnera.

NATAŠA PERIĆ

Molim vijećnike da se izjasne. Nastavite Slađana.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugerše...

NATAŠA PERIĆ

(Pročitajte.) Pa šta je bilo? Samo malo. Pa rekla sam valjda.(SLAĐANA KRAJINA – Pročitat rezultate.) Aha.

Pročitani zaključak je dobio potrebnu većinu, 26 vijećnika je glasalo za, niko nije bio protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugerše menadžmentu Javno komunalnog preduzeća Komunalac Tuzla da pripremi model poboljšanja naplativosti usluga.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak dobio potrebnu većinu, 26 vijećnika je glasalo za, niko nije bio protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od Javno komunalnog preduzeća Komunalac Tuzla da se, u skladu sa ranijim zaključkom Gradskog vijeća, intenzivnije odnosno tri puta sedmično čisti put prema deponiji na Desetinama kao i da se vodi briga o stanovnicima Moluha kada je u pitanju komunalna infrastruktura.

NATAŠA PERIĆ

Molim vijećnike da se izjasne. Eto glasova Čavaliću. Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugeriše Službi za komunalne poslove, izgradnju i poslove mjesnih zajednica i menadžmentu Javno komunalnog preduzeća Saobraćaj i komunikacije, da se, u saradnji sa upravom Bingo City Centra, pokuša riješiti problem osvjetljenja kod ovog centra.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 26 glasova za, niko nije bio protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugeriše Javnom komunalnom preduzeću Komunalac da, u saradnji sa resornim službama, iznađe način za povećanje najnižih plaća koje se isplaćuju u ovom Preduzeću.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 26 glasova za, nije bilo protiv i 1 suzdržan.

SLAĐANA KRAJINA – sekretar Gradskog vijeća Tuzla

Gradsko vijeće Tuzla...

Sljedeći prijedlog zaključka je bio. (NATAŠA PERIĆ – Molim vas malo tišine.)

- Gradsko vijeće Tuzla sugerije menadžmentima javnih preduzeća da najveća plaća isplaćena u jednom preduzeću bude maksimalno dva puta veća od najniže isplaćene plaće.

NATAŠA PERIĆ

Molim vijećnike da se izjasne. (ZIJA RIFATBEGOVIĆ – Molim vas možete li pročitati ponovo ovaj zaključak nisam, nisam upratio do kraja.)

SLAĐANA KRAJINA – sekretar Gradskog vijeća Tuzla

Mogu naravno.

- Gradsko vijeće Tuzla sugerije menadžmentima javnih preduzeća da najveća plaća isplaćena u jednom preduzeću bude maksimalno dva puta veća od najniže isplaćene plaće.

NATAŠA PERIĆ

Eto samo još da glasate. (vijećnik Mensur Alić govori bez uključenog mikrofona op.a.) Ne morate. Samo vijećnik Rifatbegović. Glasanje je okončano.

Konstatujem da pročitani zaključak nije dobio potrebnu većinu, 5 vijećnika je glasalo za, 1 je bio protiv i 21 suzdržan.

SLAĐANA KRAJINA – sekretar Gradskog vijeća Tuzla

Sljedeći prijedlog zaključka je bio:

- Gradsko vijeće Tuzla poziva menadžment Javno komunalnog preduzeća Panonika Tuzla da u saradnji sa resornim službama iznađe način za smanjenje cijene ulaznice na Panonska jezera te da se razmotri mogućnost da se razlika pokrije iz ostvarene dobiti ovog Preduzeća.

NATAŠA PERIĆ

Molim vijećnike da se izjasne. (vijećnik Mensur Alić govori bez uključenog mikrofona op.a.)

(SLAĐANA KRAJINA – Ovo je drugo.) Ovo je malo drugačije formulisano. (SLAĐANA KRAJINA – Drugačije formulisano. Iz dobiti da se isplati.) Molim? Glasanje je okončano. Hasibe niste glasali.

Konstatujem da pročitani zaključak nije dobio potrebnu većinu, 8 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

Gradsko vijeće Tuzla sugerije. Evo samo malo.

- Gradsko vijeće Tuzla sugerije menadžmentu Javno komunalnog preduzeća Pannonica Tuzla da se razmotri mogućnost uvođenja porodične ulaznice.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 24 glasa za, nije bilo protiv i 3 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Javnom komunalnom preduzeću Komunalac Tuzla da se, u skladu sa mogućnostima, planira sedmično održavanje, čišćenje i košenje dječjih igrališta.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 25 glasova za, nije bilo protiv i 2 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše menadžmentu Javno komunalnog preduzeća Saobraćaj i komunikacije Tuzla da, zajedno sa Gradom Tuzla, aktivnije krene u realizaciju postavljanja led rasvjete radi ušteda, što bolje zimsko ukrašavanje grada zatim da se na južnoj magistrali nabave i postave novi semafori a sve u cilju uspostave zelenog vala.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 24 glasa za, nije bilo protiv i 3 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Javno komunalnom preduzeću Saobraćaj i komunikacije da se na pojedinim mjestima u gradu postave kompresori za punjenje guma.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 22 glasa za, nije bilo protiv i 5 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše menadžmentu Javno komunalnog preduzeća Saobraćaj i komunikacije Tuzla da ponovo pokrene projekat školske patrole.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 25 glasova za, nije bilo protiv i 2 suzdržana.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla nalaže menadžmentu Javno komunalnog preduzeća Saobraćaj i komunikacije Tuzla da obavezno stavi u funkciju turistički vodič, vozić pardon, vozić na električni pogon.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 24 glasa za, 1 protiv i 2 suzdržana.

Nema više? (SLAĐANA KRAJINA – Nema.) Nema. (vijećnik Merima Softić Sprečić govori bez uključenog mikrofona op.a.) Čiji je zaključak? (vijećnik Merima Softić Sprečić govori bez uključenog mikrofona op.a.)

SLAĐANA KRAJINA – sekretar Gradskog vijeća Tuzla

Zar to nije bio prijedlog? Nisam razumila da je zaključak . Misla sam da je prijedlog vjerovatno bio. (vijećnik Merima Softić Sprečić govori bez uključenog mikrofona op.a.)

NATAŠA PERIĆ

De nek. Ko je zadnji pričo?

MERIMA SOFTIĆ SPREČIĆ

Prijedlog zaključka vezano za Sportsko-kulturni privredni centar „Mejdan“

- Da menadžment pripremi finansijski predračun za (NATAŠA PERIĆ – Molim vas malo tišina.) postojeći predloženi već prostor i od strane menadžmenta evo i mene kao vijećnice jer smo već razgovarali na tu temu. Treba nam neka polazna tačka vezana za taj projekat.

NATAŠA PERIĆ

Dobro. Ko je za? Čuj mene ko je za. Izjasnite se za ovaj zaključak. (vijećnik Omer Berbić govori bez uključenog mikrofona op.a.) Ne znam kad je to bilo. Ne sjećam se toga. Alene? Ništa samo za. Glasanje je okončano.

Konstatujem da je pročitani zaključak usvojen sa, 22 glasa za, nije bilo protiv i 3 suzdržana.

Prelazimo na desetu tačku: Razmatranje. Molim? (vijećnik Selma Čatibušić govori bez uključenog mikrofona op.a.) Koji je? Pa jeste rekli prijedlog il ste rekli zaključak sve zavisi mislim?

SLAĐANA KRAJINA – sekretar Gradskog vijeća Tuzla

Ako ste. Ako ste. Molim vas. Ovdje pošto se direktori. Pošto ima zaključak da se direktori izjasne o svim prijedlozima i sugestijama koji su proistekli iz rasprave. Ti prijedlozi nisu ovdje uvršteni kao zaključci. (NATAŠA PERIĆ – Jeste.) Samo ako je neko rekao predlaže.

Ali evo ja ću preslušat stenogram i ako, ako sam propustila ja se zaista izvinjavam nije, nije bilo namjere. (NATAŠA PERIĆ – Ma ja samo treba bit malo precizniji.) Ali preslušat ću stenogram pa ću vidjet šta sam propustila ovdje.

Znači, ako je neko rekao predlažem zaključak on je uvršten. Ako je prijedlog o njemu će se direktori pisano izjasniti. Poslušat ću Selma.

NATAŠA PERIĆ

Prelazimo na desetu tačku:

RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2021. GODINU POD:

- a) Javna ustanova Centar za socijalni rad Tuzla i pod**
- b) Javna ustanova Narodna i univerzitetska biblioteka „Derviš Sušić“ Tuzla.**

Predlagač je Upravni odbor Ustanove.

Obrađivač je direktor Ustanove.

Materijal su razmatrali: Komisija za ekonomske odnose, Komisija za poduzetništvo, Komisija za mlade, obrazovanje i sport (pod b) i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija. (Nema.)

Otvaram raspravu klubova vijećnika. Vijećnica Selma Ćatibušić ispred Kluba Platforme za progres.

SELMA ĆATIBUŠIĆ

Imam samo jedan prijedlog. Dala bi je li direktorici na izjašnjenje ali isto tako da uđe i u formu zaključka kada je u pitanju BIBLIOTEKA samo da, da se na godišnjem nivou kako da kažem nagradi čitalac koji je pročitao najveći broj knjiga te godine u smislu da hajde da kažem za narednih pet godina dobije besplatnu članarinu u Narodnoj univerzitetskoj biblioteci. Na poklon da dobije neku knjigu i eventualno eto da se njegova slika objavi na stranici same Univerzitetske narodne biblioteke i da se na takav način da značaj osobama jel koje čitaju, koje njeguju tu kulturu čitanja. Tako da ukoliko nešto slično već ne postoji voljela bi eto samo da se to uzme kao sugestija da na takav način hajde da kažem potenciramo i promovišemo kulturu čitanja.

NATAŠA PERIĆ

Dobro. Hvala. Vijećnik Nedžad Jusić. Izvolite.

NEDŽAD JUSIĆ

E hvala. Kad je u pitanju IZVJEŠTAJ O RADU I POSLOVANJU JAVNE USTANOVE CENTAR ZA SOCIJALNI RAD TUZLA ZA PERIOD 01. 01 DO 31. 12.2021. GODINE mogu reći sve pohvale jer sam dosta radio i surađivao sa zaposlenicima pomenute ustanove i evo vidimo iz izvještaja da je se i te kako dosta pružilo usluga, socijalnih usluga građanima grada Tuzle što je za svaku pohvalu iako evo vidimo i stalno evo svake godine govorimo o manjku socijalnih radnika za pružene usluge. I zbog toga bi možda samo jedna sugestija menadžmentu jel sam imao priliku na kraj krajeva kada nazovem jednu osobu koja je zadužena za određeni referat, a iz opravdanih razloga nije prisutna, odnosno nije na poslu. Da

li je na bolovanju ili bilo kome drugom, jednostavno nemamo tačno precizne možda upute ili ja možda nisam dobio upute ko bi mogao da zamjeni u tom trenutku tu osobu za izdavanje određenog rješenja ili neke druge informacije da dobije. To je jedna sugestija.

Nadalje vidimo u izvještaju ovdje je precizno stavljeno vezano usluge koje su pružene, ali ja bih se osvrnuo možda i na prošloj godini ja mislim da sam se i takođe osvrnuo na to jedno, na određeni dio a to je vezano za prosjačenje u gradu Tuzla. Na 19-toj stranici imamo tabelu na kraj krajeva gdje stoji pod 1. Djeca zatečena u prosjačenju u toku 2021. godine četrdesetčetvero djece je zatečeno u prosjačenju. Pretpostavljam da su Centar za socijalni rad u suradnji sa drugim institucijama evidentirali, odnosno zatekli pomenutu djecu. Nadalje na stranici 29 stoji između ostalog u poglavlju. Rad na prevenciji i sprečavanju negativnih društvenih pojava između ostalog pod tri dva stoji skitnja i prosjačenje. Pa kaže centar je u 2021. godini u skladu sa protokolom za postupanje u slučajevima skitnje i prosjačenja radne eksploatacije i drugih vidova zloupotrebe djece u Tuzlanskom kantonu ostvario saradnju sa Ministarstvom unutrašnjih poslova Tuzlanskog kantona pa pazite sad ovo kaže: Petero djece zatečeni u skitnji i prosjačenju smješteno je u prihvatilište i još dvoje djece koja su bila ugrožena teškim porodičnim odnosima. Što znači razlika od četrdesetčetvero i ovo petero to je hajd i ovo dvoje sedmero, znači, tridesetsedmero djece je zatečeno u prosjačenju i me-ne interesuje.

Molim, eto do naredne sjednice kada smo dali rok šta je sa tom djecom, šta je učinjeno sa tom djecom i koji su naredni koraci? Jel evo vidim ovdje da izuzetno imamo uspješne i dobar protokol na kraj krajeva za prevenciju i postupanje u slučaju skitnje i prosjačenja radne eksploatacije i drugih vidova zloupotrebe djece u Tuzlanskom kantonu. Ja pretpostavljam da je se tu, da su se u tom protokolu, na žalost nisam uspio da pogledam taj protokol. Najvjerojatnije u tom protokolu da je, imaju postupci kako i dalje sa tom djecom koji se nađu. Mi moramo kao društvo zaštititi svu djecu. Ne smijemo nikom dopustiti da zloupotrebljava djecu radi ostvarivanja materijalnih i drugih koristi.

I zbog toga. Ne bih sada dužio vezano sa ovim izvještajem nego bih samo napomenio svjedoci smo da u zadnjim danima, pogotovo u večernjim satima na Korzu pored fontane sve je veći i veći je broj prosjaka. Ja vam odgovorno tvrdim da ti prosjaci nisu iz grada Tuzle. Veliki, veći broj nisu iz grada Tuzle, nego dolaze sa drugih strana s ciljem da ostvare određenu materijalnu korist.

I zbog toga predlažem jedan zaključak da Gradsko vijeće Tuzla poziva Ministarstvo unutrašnjih poslova i sve druge nadležne institucije posebno Centar za socijalni rad Tuzla da poduzmu sve aktivnosti da spriječe prosjačenje na području grada Tuzle posebno u večernjim satima na Korzou i pored fontane. Jednostavno da se sankcionišu svi oni tkoji zloupotrebljavaju prava djeteta radi ostvarivanja svoje materijalne koristi. Hvala.

NATAŠA PERIĆ

Hvala vama. Sljedeći za riječ se javio vijećnik Admir Čavalić. Neka se pripremi vijećnik Muratović. Izvolite.

ADMIR ČAVALIĆ

Hvala puno predsjedavajuća. Dva vrlo kvalitetna izvještaja. Dat ću znači kraći osvrt na navedena. Vezano za NARODNU I UNIVERZITETSKU BIBLIOTEKU „DERVIŠ SUŠIĆ“ TUZLA. Vrlo dobro urađen izvještaj. Dakle, sa dosta zanimljivih detalja. Fino je to tabelarno posloženo i čestitke dakle, bilo kome ko god je radio i učestvovao u izradi ovog izvještaja.

Ono našto ne mogu dakle, da ono što ne mogu da ne spomenem jeste na stranici 43 desio se jedan izuzetan propust. Ne menadžmenta date ustanove, već na žalost Grada Tuzla i

to menadžment fino naglašava na stranici, a veže se u stvari za pokušaj zapošljavanja dvije osobe. Dakle, bibliotekar informator/rukovodioc Odjeljenja za računovodstvo i finansijske poslove na neodređeno vrijeme i rukovodilac Odjeljenja za računovodstvo i finansijske poslove na određeno vrijeme najduže šest mjeseci. Vlada Tuzlanskog kantona kao jedan od suosnivača i svakako suosnivač koji više sredstava daje za ovu ustanovu je predložila krajem godine 2021., da se dakle, zaposle te nužno potrebne osobe te funkcije i biblioteka je reagovala i uputila 29. 11. 2021. godine Gradu Tuzla potvrdu te saglasnosti jer su dva suosnivača i moramo imat drugu saglasnost. Naš Grad je ovo zaista evo kažem međutim, saglasnost gradonačelnika Grada Tuzle broj taj i taj je stigo tek 06. 01. 2022. godine na adresu biblioteke i zbog toga je Ministarstvo kulture, sporta i mlade informisao da data saglasnost što se tiče Vlade Tuzlanskog kantona jednostavno više ne vrijedi jel se odnosila na kalendarsku, odnosno budžetsku 2021. godinu.

Mislim da je ovo jedan izuzetan propust dakle, izgubili smo priliku da kanton finansira, sufinansira zapošljavanje dva kadra dakle, predstavnika kadra koji su nužno potrebni za biblioteku. Zašto se to uradilo? Zbog nekog nemara i sl. i ja postavljam pitanje ko je odgovoran? Zašto treba mjesec i deset dana da se odgovori na neki dopis? Dakle, ako znamo da je Grad Tuzla fizički udaljen od biblioteke dakle, u smislu da se moglo, moglo je se faktički otić pješke tamo i samo to uručiti dakle, vrlo su blizu te dvije Ustanove. Dakle, strašan propust koji nas košta i nije dobro da imamo ovakve aljkavosti.

Zbog toga upućujem zaključak da obavezno dakle, Grad Tuzla reaguje u roku od 10 dana po pitanju ovakvih stvari dakle, kad je riječ o intervenciji Vlade Tuzlanskog kantona u roku od 10 dana obavezno reaguje dakle, na zahtjev, bilo da je riječ o biblioteci ili bilo da je riječ npr. ovo bi se moglo isto desit sutra sa Narodnim pozorištem Tuzla gdje je također kanton suosnivač. Ne smijemo imat ovakve propuste. Mislim, strašno je. Mi ovdje evo kao Gradsko vijeće non stop urgiramo da se koriste sredstva Kantonalnog zavoda za zapošljavanje, odnosno lokalnog Biroa Grada Tuzla. Da se zapošljavaju ljudi, da što god možemo s kantona iskoristit dakle, za naš grad i sl. i to rade svi gradovi i opštine na području Tuzlanskog kantona. To je sasvim legitimno. Mi urgiramo non stop, dajemo zaključke, usvajamo, jednoglasno podržavamo i onda desi se ovaj nemar dakle, da neko nije jednostavno odgovorio na dopis biblioteke i da biblioteka nije mogla da primi te dvije osobe i biblioteka dakle, ona to, oni to evo u zaključnim napomenama imate na toj četrdesetrećoj stranici na dnu oni to fino korektno citiraju, navode i pravilno se ograđujemo od navedenog.

Dalje. Predlažem zaključak da Gradsko vijeće Grada Tuzla pozove sve na akciju dobrovoljnog darivanja knjiga, jer to je vrlo korisno za biblioteku. Navodi se tamo da im to znači i za domaću literaturu i za inostranu literaturu itd.

Proširujem ovaj zaključak da se uključi i RTV 7 kao javni servis svih građana grada Tuzla i da se uključe dakle, svi ostali, sve ostale javne ustanove i javna poduzeća na način da obavijeste svoje radnike da traje akcija dobrovoljnog darivanja dakle, knjiga i da doniramo dakle, maksimalno i da Gradsko vijeće prihvati na sebe indirektnu obavezu doniranja.

I zadnji zaključak da najbolji učenici iz predmeta bosanski jezik, a može se, svaka škola može dakle, govorim o osnovnoj školi. Svakom razredu. Nema na žalost puno tih razreda i odjeljenja. Sve je manje i manje. I to. Svjesni smo toga. Dobijamo ove demografske izvještaje našeg grada. Nadležnih službi. Službe za mlade i sl. Ima ih manje, al da svaki najbolji učenik iz bosanskog jezika. Dakle, najbolji. Jedan je, samo može biti učenik ili učenica iz bosanskog jezika u jednom odjeljenju dobije na poklon članstvo u biblioteci besplatno za tekuću godinu 2022/2023. Dakle, i nastavnici to mogu predložiti. Mogu napraviti listu. Mislim da je to izvodljivo i neće ništa koštati puno jer manje više vjerovatno ti najbolji učenici imaju to članstvo, već ga koriste, već su unaprijed platili, ali ima neki možda što nisu učlanjeni a imaju sve petice i najbolji su. Ali nemojte da bude iz odjeljenja dakle, više učenika/učenica. Zna se tačno jedno. Ko je najbolje. Ko ima najbolje ocjene kvantativno posmatran i sl. I idem na. To je što se tiče biblioteke. Dakle, maksimalna podrška.

Što se tiče rada CENTRA ZA SOCIJALNI RAD TUZLA. Kvalitetan takođe izvještaj. Ljepo strukturiran. Mene zanima zašto nije došlo do povećanja plata ako je došlo u drugim ustanovama/poduzećima?

Takođe predložio bih da se koristi takođe ekonomska amneza za žene žrtve nasilja u porodici. To je nešto što mi već radimo sa Centrom za socijalni rad. Dakle, radi par organizacija u smislu kada neka žena prijavi nasilje u porodici da pored podataka amneze dakle, o tome šta joj se desilo i sl. psihološke procjene, emocionalne itd. uradi se ekonomska u smislu da dobije nekih pet pitanja, da se pita jel ima nekih prihoda, hoćel radit, jel traži poso, u kakvom je finansijskom stanju i da li ima ekonomskog iskorištavanja od strane njenog supružnika ili nasljednika?

I takođe dobar je odnos min/mak plata. Strana 34 pohvale. Zašto nema više donacija od pravnih lica? To me zanima.

Zaključak dajem da malo više Centar za socijalni rad povede računa. Mislim da ovo u prošloj godini nije bila ni marka. Ispravite me ako griješim u pretprošloj jest. Možda da malo više aktivira biznis zajednicu da doniraju za ovaj centar, jer zaista centar radi najplemenitiju moguću stvar dakle, zbrinjava one socijalno ugrožene.

I takođe kao i u prošlim izvještajima. Da li još uvijek, da li predstavnici centra imaju malo više prijedloga? Strana 40. Malo su previše opširni. Dakle, oni su naveli tri neka strateška prijedloga, vizije itd. Možda ne bi bilo loše u buduće da konkretizuju šta in konkretno treba. Dakle, jedan, dva, tri, četiri, pet. Još kad bi mogli dobit kolko sredstava treba za to i da mi na Gradskom vijeću kroz zaključke ili kroz buduće rebalanse Budžeta maksimalno to podržimo.

Međutim, za ove ustanove podsjećam vrlo korektni izvještaji i Klub Stranka za BiH i Naša stranka će ih rado podržati. Hvala.

NATAŠA PERIĆ

U redu. Hvala vam. Sljedeći za riječ se javio vijećnika Damir Muratović ispred Kluba SD-a.

DAMIR MURATOVIĆ

Hvala. Vezano za ustanovu CENTAR ZA SOCIOJALNI RAD TUZLA. Znači, jako bitna ustanova. Znači, sve pohvale za strukturu izvještaja. Ono što, što želim posebno naglasiti znači, sve aktivnosti koje rade samo ću takstativno navesti, one su tabelarno i decidno navedene kao i statistički kvalitetno odrađene. Prije svega dežurstvo koje imaju znači, aktivno i pasivno. Stalna novčana pomoć. Zaštita porodica sa djecom. Kategorizacija, odnosno procjena djece i osoba sa poteškoćama u razvoju. Takođe ove aktivnosti koje su propratili u 2021. godini vezano za smještaj djece u Ustanovi socijalne zaštite i starateljske porodice. Prevencija negativnih društvenih pojava. U tom dijelu uvijek može se više uraditi ali s obzirom na sve ovo što se dešava u gradu od prostitucije, skitnje, prosjačenja, spomenutog alkoholizma itd. mislim da su jako značajne sve ove aktivnosti koje centar provodi.

Također su impresivni rezultati rada vezano za sve ovo što, što imaju i posebno pohvaljujem organizaciju rada s obzirom na stručnu, stručne kapacitete i kapacitiranost svih stručnih profila koji rade i broj, broj zaposlenika, tako da i u tim otežanim okolnostima menadžment je iznašao rješenje i suočavao se svakodnevno s tim problemima.

U okviru svog posla svakodnevno surađujem sa Centrom za socijalni rad i smatram veoma odgovorno i smatram da je ovaj, ovaj posao veoma, veoma težak. S hodno tome vezano za onaj dopis ja bih samo na kraju predložio jedan zaključak Gradskom vijeću.

Znači, da Gradsko vijeće Tuzla Grada Tuzla podržava zaposlenike Javne ustanove Centar za socijalni rad Tuzla u njihovim nastojanjima za povećanjem plata u ustanovi i traži da

se eventualnim rebalansom za dvadesetdrugu ili Budžetom za 2023. godinu predvide neophodna sredstva za povećanje plata u Ustanovi prije svega uvažavajući obim i težinu posla svih zaposlenika u Centru za socijalni rad, kao i značajno povećanje troškova života u 2022. godini. Hvala.

NATAŠA PERIĆ

U redu hvala. Zaključujem raspravu klubova vijećnika.
Otvaram raspravu vijećnika. Vijećnik Omer Berbić. Izvolite.

OMER BERBIĆ

Ja mislim da smo mi olako prošli pored ove činjenice koju je gospodin Čavalić rekao. Nevjerovatna je indolentnost, nekompetentnost, jedna tolika birokratizacija grada da dvije osobe koje su nužno potrebe, potrebne biblioteci budu odbijene radi birokratske greške. Radi činjenice da neko u Gradu nije želio da potpiše jedan dokument. Meni je to nevjerovatno kao čovjeku, kao vijećniku. To je dokaz svega onog o čemu mi pričamo da ima ljudi u službama koje apsolutno ne rade svoj posao i kojeg apsolutno nije briga ni za šta osim za svoje plate, za svoj godišnji odmor za svoja bolovanja itd. itd. Nevjerovatno mi je da se niko od vijećnika, evo i možda čak iz aktuelne većine nije javio i rekao, osudio ovaj dio, jer ako je mjesec i kusur dana čekalo nešto što je moglo da riješi dugogodišnji problem i neko iz Grada to nije završio treba se naći krivac i treba se tačno reći ta i ta osoba je kriva za ovo i iznjeti neke sankcije protiv te osobe.

Takod da ja predlažem ovdje zaključak da Gradsko vijeće osuđuje činjenicu da Grad Tuzla na vrijeme nije reagovala na dopis iz biblioteke, te da Gradsko vijeće traži internu istragu gdje bi se utvrdio krivac te isti kaznio u skladu sa zakonom.

Ovo je nešto što zaista dokazuje da Grad Tuzla može biti poboljššan u hiljadu aspekata različitih, ali pogotovo u tome da je pre birokratiziran i da je previše opterećen sam sobom, svojim platama, svojim neradom i na žalost ljudima koji ne žele dobro ovom gradu, nego su tu samo zato što su došli nekom, nekom drugom linijom političkom ili ovakom ili onakom.

Što se tiče CENTRA ZA SOCIJALNI RAD. Ja bih volio zaista evo da se, da nam se odgovori šta treba da se uradi da bi se riješilo prosjačenje? Vidimo nevjerovatan porast prosjaka koji nisu, nisu iz Tuzle, nisu iz okoline Tuzle, nisu čak iz Bosne i Hercegovine nego navodno dolaze čak iz Šapca. Iz Šapca dolaze da prose u Tuzlu. Šta treba Gradsko vijeće da podrži, da uradi, da da zaključak, da da stav, da se dogovori sa nadležnim službama, da se dogovori sa MUP-om, da sjednemo i da riješimo ovaj problem. Jer vi sad ne možete proći gradom bez da vas deset/petnest ljudi zaustavi i da pita da se, da pita za neki novac. Et toliko od mene. Hvala ljepo.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Hvala Omere. Imal još vijećnika za diskusiju? Merima.

MERIMA SOFTIĆ SPREČIĆ

Mislim da sam se prijavila. (ĆERI RASTODER – OK.) Možda ste me zaboravili zapisat. (NATAŠA PERIĆ – Nismo. Zapisali smo.) Okej. Okej. Ja bih se samo evo nadovezala. Dva zaključka. Jedan bi bio prema, urgencija u suštini zaključka kojeg smo mi svi kao Vijeće usvojili na usvajanju Izvještaja o radu i poslovanju Narodne i univerzitetske biblioteke za

prošlu godinu, pa bih ga ja ovdje ponovila ako treba Slađo radi stenograma? (SLAĐANA KRAJINA – Ne treba. Znam za taj zaključak.) Radi se o četvrtom zaključku od prošle godine da...Evo pročitat ću da znaju vijećnici.

Gradsko vijeće Tuzla traži od Službe za komunalne poslove, izgradnju i poslove mjesnih zajednica i od JKP Komunalac Tuzla da ponovo znači, da se iznađe mogućnost izmještanja kontejnera kojih je sada u većem broju koji se nalaze ispred zgrade biblioteke kako bi se u narednom periodu za korisnike usluga ove Ustanove uredio prostor na otvorenom a u svrhu realizacije projekta „Ljetna čitaonica“.

A moj drugi zaključak bi bio vezano upravo za ovo što je vijećnik Omer Berbić spomenuo za Centar za socijalni rad i za prosjačenje. Takođe smo imali jedan zaključak od prošle godine. Mislim da je takođe bio naslovljen na Službu za komunalne poslove, izgradnju i poslove mjesnih zajednica. Bilo je da se iznađu finansijska sredstva za džambo-plakate koji bi bili na nekoliko mjesta u gradu za ne podržavanje prosjačenja. Jer kad imate da građani ne podržavaju prosjačenje. Kad imate da im je ta svijest razvijena onda i ovi koji to na neki način zloupotrebljavaju onda neće dolaziti u naš grad jer će vidjeti da od toga nema koristi. Mislim da bi trebali pokušati uraditi to sa džambo-plakatima kao što imamo i neke zemlje okruženja. Slovenija je to uradila upravo na taj način i upravo taj način im je u mnogome pomogo da prestane to prosjačenje. Eto. (NATAŠA PERIĆ – Jel to sve?) Jeste.

NATAŠA PERIĆ

U redu hvala. Da li se još neko javlja od vijećnika? Ako ne zaključujem raspravu vijećnika.

Pauza 5 minuta radi zaključaka malo da se dogovorimo. (Pauza.)

Molim vijećnike da uđu da pređemo na glasanje.

Prelazimo na glasanje. Stavljam na izjašnjavanje IZVJEŠTAJ O RADU JAVNE USTANOVE CENTAR ZA SOCIJALNI RAD TUZLA ZA 2021. GODINU. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU JAVNE USTANOVE CENTAR ZA SOCIJALNI RAD TUZLA ZA 2021. usvojen sa,

25 glasova za, niko nije bio protiv i nije bilo suzdržanih.

Sada stavljam na izjašnjavanje IZVJEŠTAJ O RADU JAVNE USTANOVE NARODNA I UNIVERZITETSKA BIBLIOTEKA „DERVIŠ SUŠIĆ“ TUZLA ZA 2021. Moli vijećnike da se izjasne. Glasanje je okončano.

Konstatujem da je IZVJEŠTAJ O RADU JAVNE USTANOVE NARODNA I UNIVERZITETSKA BIBLIOTEKA „DERVIŠ SUŠIĆ“ TUZLA usvojen sa,

25 glasova za, nije bilo protiv i nije bilo suzdržanih.

Evo malo ćemo sačekati samo da Slađana uredi zaključke. Možete pročitat?

SLAĐANA KRAJINA – sekretar Gradskog vijeća Tuzla

Može. Prvi zaključak.

- Gradsko vijeće Tuzla traži od direktora javnih ustanova čiji su izvještaji o radu razmatrani na današnjoj sjednici Gradskog vijeća da, najkasnije do avgustovske sjednice Gradskog vijeća Tuzla, dostave pisane odgovore na pitanja postavljena tokom rasprave kao i na date sugestije i primjedbe.

Zadužuje se Stručna služba Gradskog vijeća da izvode iz stenograma sa današnje sjednice Gradskog vijeća, u dijelu rasprave o izvještajima o radu javnih ustanova, dostavi direktorima ustanova radi pripreme pisanih odgovora na pitanja postavljena tokom rasprave i na date sugestije i primjedbe.

NATAŠA PERIĆ

Molim vijećnike da se izjasne. Molim vas malo tišine. Glasanje je okončano.

Konstatujem da je pročitani zaključak usvojen sa, 23 glasa za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Sljedeći prijedlog zaključka.

- Gradsko vijeće Tuzla sugerije Javnoj ustanovi Narodna i univerzitetska biblioteka "Derviš Sušić" Tuzla da se, ukoliko to nije praksa, na adekvatan način nagradi čitalac koji je pročitao najviše knjiga tokom tekuće godine, na primjer da mu se omogući petogodišnje članstvo bez naknade, pokloni knjiga, objavi slika na web stranici Biblioteke, kako bi se na takav način dao značaj korisnicima koji njeguju kulturu čitanja.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla poziva Ministarstvo unutrašnjih poslova Tuzlanskog kantona i sve druge nadležne institucije, posebno Centar za socijalni rad Tuzla da poduzmu sve aktivnosti u cilju sprečavanja prosjačenja na području grada Tuzle, posebno u večernjim satima na korzu i pored fontane te da se sankcionišu svi oni koji zloupotrebljavaju prava djeteta radi ostarivanja vlastite materijalne koristi.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od gradonačelnika Grada Tuzle i resornih Službi da najkasnije u roku od 10 dana reaguju kada su u pitanju zahtjevi kako resornog Ministarstva tako i Javne ustanove Narodna i univerzitetska biblioteka "Derviš Sušić" Tuzla.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 9 vijećnika je glasalo za, niko nije bio protiv i 14 suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla poziva na akciju dobrovoljnog darivanja knjiga kako domaće tako i strane literature, s tim da se u ovu akciju, na adekvatan način, uključi i Radio televizija 7 kao javni servis Grada Tuzle, kao i sva ostala javna preduzeća i javne ustanove u smislu obavještanja svojih uposlenika o provođenju akcije darivanja knjiga.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Javnoj ustanovi Narodna i univerzitetska biblioteka “Derviš Sušić” Tuzla da svaki najbolji učenik u odjeljenju iz predmeta bosanski jezik u osnovnim školama na području grada Tuzle dobije na poklon besplatno članstvo u biblioteci za 2022/23. godinu.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Centru za socijalni rad da se, prilikom uzimanja anamneze žena žrtava nasilja u porodici, vrši i ekonomska anamneza.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 24 glasa za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Centru za socijalni rad da više povede računa o privlačenju donacija privatnog sektora Grada Tuzle.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 6 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla podržava zaposlenike Javne ustanove Centra za socijalni rad Tuzla u njihovim nastojanjima za povećanje plaće te predlaže da se eventualnim rebalanskom Budžeta za 2022. godinu ili Budžetom za 2023. godinu predvide neophodna sredstva za povećanje plaća uposlenika ove ustanove prije svega uvažavajući obim i složenost posla kao i značajno povećanje troškova života u 2022. godini.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, 1 je bio protiv i 16 suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla osuđuje činjenicu da Grad Tuzla nije na vrijeme reagovao po pitanju zahtjeva što je navedeno u izvještaju te traži internu istragu gdje bi se utvrdio krivac te isti kaznio u skladu sa zakonom.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 4 vijećnika su glasala za, niko nije bio protiv i 20 suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla urgira na realizaciji ranije usvojenog zaključka Gradskog vijeća kojim je od Službe za komunalne poslove, izgradnju i poslove mjesnih zajednica i od Javno komunalnog preduzeća Komunalac Tuzla zatraženo da se iznađe mogućnost izmještanja kontejnera koji se nalaze ispred zgrade Biblioteke, kako bi se u narednom periodu, za korisnike usluga ove Ustanove, uređio prostor na otvorenom a u svrhu realizacije projekta “Ljetna čitaonica”.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugerise da se na adekvatan način, putem medija i slično, promoviše ne podržavanje prosjačenja.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 24 glasa za, nije bilo protiv i nije bilo suzdržanih.

Prelazimo na jedanaestu tačku:

RAZMATRANJE IZVJEŠTAJA KOMISIJE ZA IZBOR I IMENOVANJA

SLAĐANA KRAJINA – sekretar Gradskog vijeća Tuzla

Komisija za izbor i imenovanja je održala sjednicu 27. 06. 2022. godine (NATAŠA PERIĆ – Molim vas malo tišina.) i podnijela Gradskom vijeću izvještaj.

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog samostalnih vijećnika da se:

- Behrudin Sinanović izabere na dužnost člana Savjeta Mjesne zajednice Mramor,
- Meho Hodžić izabere na dužnost člana Savjeta Mjesne zajednice Mramor,
- Hazim Husejnović izabere na dužnost člana Savjeta Mjesne zajednice Dragunja,
- Salih Begunović izabere na dužnost člana Savjeta Mjesne zajednice Dragunja,
- Radenko Erić izabere na dužnost člana Savjeta Mjesne zajednice Požarnica,
- Selma Gusinjac izabere na dužnost člana Savjeta Mjesne zajednice Ljubače.

NATAŠA PERIĆ

Molim vijećnike da se izjasne. Glasanje je okončano.

Konstatujem da je prijedlog dobio potrebnu većinu 25 vijećnika je glasalo za, niko nije bio protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Evo ovdje sad samo, sad smo dobili informaciju od Kluba samostalnih vijećnika da su prilikom dostavljanja prijedloga pogriješili. Znači, nije Hazim Husejnović nego Hazim Husemanović. Pa tako će biti.

NATAŠA PERIĆ

Dobro. Primljeno k znanju.

SLAĐANA KRAJINA – sekretar Gradskog vijeća Tuzla

Dalje. Komisija za izbor i imenovanja je razmatrala prijedlog Hasiba Hirkića, samostalnog vijećnika za razrješenje i imenovanje člana Komisije za komunalne poslove i pitanja mjesnih zajednica i usvojila je zaključak.

Komisija za imenovanja je razmotrila te Gradskom vijeću Tuzla na izjašnjavanje upućuje prijedlog Hasiba Hirkića, samostalnog vijećnika da se:

- Mirsad Džambić razrješi dužnosti člana Komisije za komunalne poslove i pitanja mjesnih zajednica,
- a da se na dužnost člana Komisije za komunalne poslove i pitanja mjesnih zajednica izabere Halid Bajrami.

NATAŠA PERIĆ

Molim vijećnike da se izjasne o prijedlogu. Glasanje je okončano.

Konstatujem da je prijedlog dobio potrebnu većinu, 26 vijećnika je glasalo za, niko nije bio protiv i nije bilo suzdržanih.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba samostalnih vijećnika za izmjenu člana Savjeta Mjesne zajednice Brčanska Malta, te usvojila zaključak.

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog Kluba samostalnih vijećnika da se:

- Hajrija Imširović razrješi dužnosti člana Savjeta Mjesne zajednice Brčanska Malta,
- a da se na dužnost člana Savjeta Mjesne zajednice Brčanska Malta izabere Aldina Haračić.

NATAŠA PERIĆ

Molim vijećnike da se izjasne. Hirkiću glasajte. Nusrete molim vas glasajte. Glasanje je okončano.

Konstatujem da je prijedlog dobio potrebnu većinu, 25 vijećnika je glasalo za, niko nije bio protiv i nije bilo suzdržanih.

Pod dvanaestom tačkom imamo:

Obavještenje Službe za kulturu, sport, mlade i socijalnu zaštitu o razlozima prolongiranja izrade Akcionog plana za Rome 2022-2025.

I konstatujem da je Gradsko vijeće primilo k znanju ovo obavještenje.

Zaključujem 16. redovnu sjednicu.

(S obzirom da je Dnevni red iscrpljen i 16. redovna sjednica Gradskog vijeća Tuzla zaključena ista je završena u 15:35 sati.)

STENOGRAM SAČINILA

Jasminka Delalić

PREDSJEDAVAJUĆI

Nataša Perić, prof. s.r.